

Filices: Perpetua

6

13-c

87



R  
I  
SA

6-13-C-87








IO. ANTONII  
VIPERANI  
DE  
POETICA  
LIBRI  
TRES.



ANTVERPIÆ,  
Ex officina Christophori Plantini,  
Architypographi Regij.

M. D. LXXIX.



SVMMA PRIVILEGII.

REGIS Priuilegio cautum est, ne quis citra Christophori Plantini Architypographi Regij voluntatem *Io. Antonij Viperani opera*, intra octennium à die impressionis absolute, imprimat, aut alibi impressa importet, venaliaue habeat intra omnes ditionis eius fines. qui secus faxit, pœna multabitur quæ expressa est in regio diplomate, dato Bruxellæ 20. Martij, M. D. LXXVI.

*Sign.*

Iac. Blyleuen.

*107. r. 1159. 1160.*

# ANTONIO PERENOTO

S. R. E. CARDINALI  
GRANVELLANO,



IO. ANTONIVS VIPERANVS.



LIBROS de arte poëtica, quos summo studio & labore composui, tibi, cui plurimum debeo, & plurimum volo debere, ob ingentem tuorum in me meritorum multitudinem, dedico PERENOTE Cardinalis amplissime, obseruantiae in te meae & amoris testificandi gratia. Nam maiore opera & diligentia opus fuit ad eam artem pertractandam, quae Latinis literis minus illustrata est. Etenim praeter Horatium non habemus, qui de poëtica quicquam scripserit: atque is nullum

ordinem doctrinæ tenuit; non poëtica  
 notionem euoluit, non formas distin-  
 xit, non distinctè quid cuique generi  
 conueniret exposuit: & (quod certè ma-  
 ximum est argumentum eius quod di-  
 cimus) ipsius artis vocabula pauca ad-  
 modū videmus Latinitate donata. Quin  
 etiam Græcorum vnus solūm Aristo-  
 telis, nec de vniuersa quidem arte, sed  
 de tragœdia tantū extant præcepta:  
 quæ paucis antè annis doctissimi qui-  
 dam viri multis interpretationibus am-  
 plicarunt. Quorum ego si coner vel  
 adiuuare sollertiam, vel industriam au-  
 gere; cur potius reprehensione quàm lau-  
 de dignus existimer? Est quoddam ge-  
 nus hominum, qui, cū ipsi nihil scri-  
 bant, aliorum scripta fastidiūt; quasi ni-  
 hil amplius dici possit, quod non prius  
 ab aliis copiosius & ornatius scriptum  
 sit. Neque hoc ita dico, vt non amplio-  
 rem honorem veteribus scriptoribus,  
 quàm nouis habendum putem; sed id  
 dico, ne horum quoque vigilæ lucubra-  
 tioneſ-

5

tionesq; negligentur. Nullus enim liber est, ex cuius lectione non aliquis omnino fructus percipiatur. & qui vnquã experimẽto didicisset laborem & difficultatem scribendi, magnam profectò gratiam cuiusvis scriptoris conatui debendam sentiret. Non sanè tot, tantarumque rerum scientias & doctrinas consecuti vnquam essemus, nisi lōgis & propè infinitis doctissimorum hominum disceptationibus agitatae fuissent: neque Aristoteles tantus philosophus extitisset, si non ante ipsum plerique de obscuris naturalibusq; causis acutissimè & subtilissimè disputassent. Sed satius respondendum illis est, qui præ se quandam probitatis speciem ferētes poëticae studia contemnunt, quòd ad voluptatem modò quæ sita videantur; nempe quæ veritatem fabularum inuolucris tegant, & cōfictis amoribus iuuenum potissimè animos, qui ætate & iudicio nondum cōfirmati sunt, ad libidinem & turpitudinem grauißimum vitæ scopulum impellāt. boni

quidem viri, sed eius, quod dicunt, ignari; quia poëticæ vim & facultatem nullam intelligunt. Quid enim aliud est poësis, quam in fictis personis viuendi rationem docens philosophia? Non tradit leges differendi, non explicationem habet naturæ, non res cælestes & diuinas contemplantur, sed quæ vita & mores deceant vnumquemque humanarum actionum imitatione demonstrat: atq; ita animum contra omnem casum informat, vt neque in secundis rebus se attollat, neque in aduersis demittat, verum ipsam felicitatem in sola virtute & honestate ponat. Virgilius non ab alia re veras Æneæ laudes, quam à pietate & fortitudine ducit; atque Vlyssæm nudum & egentem omnibus rebus Phæaces apud Homerum ob animi magnitudinem ac præstantiam veluti Deum quendam è cælo delapsum admiratur. Quamobrem magnus ille Basiliius Homeri poësim viam quandam esse dixit ad virtutem. Isti figmentis velut cortice non vident virtutis præcepta

cepta cōtineri, & latêre sub illis studium  
 sapientiæ. Quòd si poëtarum fortè qui-  
 dam vllam quâdoque turpitudinem at-  
 tigerunt, illos, si attendas, agnosces ea ra-  
 tione ad id motos fuisse, qua historici res  
 quasdam turpes scribūt, & morales phi-  
 losophi naturam vitiorum explicant; ni-  
 mirum vt omnis turpitude à nobis ac-  
 curata animaduersione fugiatur. Nihi-  
 lominus eos poëtas qui id student vt  
 lasciuis cantibus ad obscenas cogita-  
 tiones animos traducant, contemnen-  
 dos, & ex vrbe procul eiiciēdos aio cum  
 Platone: qui censet iudicium de poëtis  
 ad prudentiores viros semper esse defe-  
 rendum. An non est iniquum despici  
 philosophiam, quia in philosophis fla-  
 gitia deprehensa sunt? & vituperari elo-  
 quentiam, quia oratores nonnulli reip.  
 obfuerunt? Quantus est homini ignis  
 & aquæ vsus? quia igitur nocēt aliquan-  
 do, non ipsis vtemur? Nec sunt ea repre-  
 hendenda, quibus bene vti possumus.  
 Verumenimuerò isti quam in rem va-

leat poëtica non comprehendunt, nisi ad  
 versus faciendos. Atqui proprium poëtæ  
 munus est hominum actiones effingere,  
 & fictis rebus humanæ vitæ imaginem  
 cum delectatione quadam exprimere. si-  
 quidem imitatio per se ipsa delectat. Qui  
 etiam numerosam & suauem oratio-  
 nem adhibet, vt, quandoquidem ad nu-  
 meros natura ducimur, in animo & me-  
 moria magis inhæreant quæ fingit. At  
 verò quantum ipse laboris & studij in  
 hac arte explicanda posuerim, malo ab  
 aliis iudicari. Ceterùm libros tuo no-  
 mini Cardinalis amplissime nuncupo,  
 vt dent ceteris meæ in te voluntatis non  
 dubiam significationem; qui pro tua sa-  
 pientia & liberalitate vniuersos litera-  
 rum studiosos benignissimè humanissi-  
 meque complecteris.

IO. AN-



# IO. ANTONII VIPERANI DE POETICA

LIB. PRIMVS.

De nomine & vi poëticae.

CAP. I.

**P**OETICAE significatio deriuari potest in res plures; nam verbo Graeco ποιηῖν, unde poëtica nomen ducitur, & faciendi & fingendi subiecta vis est; quo porro nomine artes omnes appellantur, quae vel factione, vel imitatione consistunt: tamen ea facultas atque scientia, quae effingit explicatque carminibus fictas hominum actiones, ob dictionis imitationisque praestantiam hoc proprium nomen obtinuit. Quamobrem poëtae nomen erit quidem his commune, quorum studium aut in facienda, aut in effingenda re aliqua versatur; sed eo fabularum & carminum compositorem praecipue intelligemus: quemadmodum orationis autorem oratorem volunt nominari; quia licet omnis oratio locutio sit, tamen eius locutio verborum & sententiarum copia, gravitate, ornatu ceteris antecellat. Igitur Poëtica opinor recte finietur ars, quae numerosa oratione ad docendum vitae usum actiones hominum imitatur. Etenim si ars est multa-

rum de

rum de vnare præceptionum ad finem aliquem vitæ utilem comprehensio, nulli dubium erit poëticae suas esse leges (nam leges artium sunt præceptiones) quæ à summis ingenijs inuenta, & longo vsu & experientia obseruata sunt. Tum humanarum actionum imitatio ab his artibus poëticam seiungit, quæ nihil effingunt: carmen autem ab his secernit, quæ licet effingant, non tamen versu explicant id quod effingunt: cuiusmodi sunt Dialogi, quos quidam poëmata nuncupant; ut plerique Lucianum planè alterum Aristophanem esse dicant; sed ea dumtaxat ratione, qua pictores, mimi, & imitatores alij propter nominis generalem quandam lateq; diffusam significationē nominari possunt, & nominantur etiā poëtae. Non erit ergo poësis, quæ vel imitatione priuetur, vel carmine non utatur: etsi nonnulli vulgariter compositores carminum, vel si nullam fingendi rationem sequantur, quasi effectores poëtis appellant, arbitrantes ποιῆν solum id esse, quod metra conficere. Atqui Empedocles, Parmenides atque Lucretius summorum hominum indicio è numero poëtarum eximuntur; quoniam præter carmen nihil aliud habent, quod poëtarū proprium sit: non secus atque is creditur dicendi copiam & ornatum ab oratore mutuatus, qui de occultis naturæ rebus elegante & copiosa oratione disputans auditur. Proinde ut anima corporis, sic fabula est forma poëmatis; quia magis fictio poëtam facit, quàm carmen, cum illius magis proprium sit imitari; & docti viri negant inueniri poësim quæ imitatione carcat. Carmen autem poëta in exprimendis

mendis humanis actionibus usurpauit, quo numeris iucundior esset, orationeque sublimior. Pulchrè igitur poësis pictura quædam loquens, & pictura tacita quædam poësis dicta est, quoniam est utraque imitatio: sed altera sine oratione quasi elinguis & muta est; altera suauis oratione rerum imagines adumbrat. Quocirca si poësis solo carmine constaret, non etiam quibusdam quasi lineamentis fabula conformatetur, nullo modo pictura dici posset. at quoniam in ea, tamquam in tabella, humanarum actionum forma exprimitur, pictura nomine signata est.

### De origine, & laudibus Poëticæ.

#### C A P. I I.

**Q**UAM ante bellum Troianum inuentam esse permulti affirmant: & eius inuentionem aliqui ad Apollinem referunt, quo tempore Pythona serpentem interemit; quidam oraculo Delphico, siue Apollinis Phemonoë attribuent, quam produnt responsa carminibus reddidisse, atque hexametro carmine primum Delphis vaticinatam fuisse. quod carmen deinde Pythium appellatum fuit. nonnulli Baccho adscribunt, quoniam oracula dedisset ante Apollinem; alij Osiridem Aegyptium autorem probant, sed eundem esse dicunt, quem Græci Apollinem vocant, ac Pausanias nescio quem poëticæ reperiorem tradit; & Titianus Syrius à barbaris quidam inuentam, sed acceptam à Græcis & excultam asserit; Thraces quoque totam hanc artem dicunt suam, quoniam Orpheus, Musæus & Tamyris, qui poë-

qui pöëtarum omnium primi extiterunt, in Thracia orti & procreati sunt: ubi etiam loca quadam Musis cösecrata cernuntur, Pimpla, Olympus, Libetrum. quæ locorum vocabula postmodum à Macedonibus usurpata fuerunt. Musicorum quoque instrumentorum nomina, ut Sambica, Nablia, Barbitos & Magadas, ipsorum sunt Thracum verba. Thracas autem Bæotiam incoluisse rerum scriptores testantur: in qua eadem ferè sunt loca Musis & Apollini dedicata. Præterea quidam scribunt Pierum quendam Macedonem primum pöëma confecisse, ac filias suas pöësim docuisse; ob idque Musarum patrem & alumnum habitum fuisse, atque ab eo Musis Pieridas vocitatas. quæ etiam Thespiades dictæ sunt, quoniam Pierus primùm Thespiis cecinisse carmina memorabatur. Quidam etiam Moysen & Annam sororem huius artis inuentores autumant, quia carmen hexametrum inuenisse dicuntur. Quare Plinius iure magnam esse de pöëmatum origine quæstionem scribit. Omnes verò affirmant prius componendorum carminum, quàm studiũ solute orationis apud veteres extitisse: apud quos sapientes omnes pöëta vocabantur, cùm ab illis omnia versibus explicarentur. Vnde omnes artes & scientiæ à pöëtis ortum habuisse videntur. Neque hoc à me quispiam ita dici existimet; ut ducam (quod parum intelligentis est putare) priscis illis temporibus homines dimensis verborum spatiis loqui solitos fuisse: verùm quia serius in oratione soluta numerus notatus & cognitus est; quem scimus à pöëtica ad eloquẽtiam delectationis atque aurium

causa

causa traductum esse; cum nullus sit (ut ait Cicero) numerus extra poeticos. Ac non multo ante quam Xerxes in Græciam descendit, Cadmus Milesius, Pherecydes Syrus, & Hecathæus feruntur primi apud Græcos solutam orationem vincere cœpisse; apud Romanos verò Appius cæcus conclusionem quandam verborum & formam obseruasse. Cicero tamen inquit Thrasymachum quibusdam numeris & modis primùm dictionem astrinxisse, Gorgiam eius diligentiam adiunxisse, utriusque inuentionem Isocratem moderatione vicisse. Sed hi qui ex carminis inuentione poetica originem inuestigant, præterquam quòd nihil pro certo habent, maximam vim eius in versu ponunt. At verò Aristoteles è duabus causis naturalibus profectam esse putat, & imitandi studio, & harmoniæ dulcedine: quæ insita sunt homini à natura, & poetica facultatem perficiunt. Nam homo præ ceteris animantibus vim magnam habet imitandi: & à natura sic comparati sumus omnes (id quod etas puerilis maximè declarat, in qua naturæ vis & motus apparent,) ut non nisi per imitationem disciplinas accipiamus, & his pariter rebus delectemur quibus expressam imaginem aliquam cognoscimus; atque hoc magis, quòd talium aspectu intelligentia renouatur, & mens ipsa cognitione alitur. Omnes autem discendi studio tenemur; neque solum videndi, sed audiendi quoque sensus minister est animo ad consequendam rerum cognitionem atque scientiam. Tum harmonia, è qua carmen effluxit, quòd certis quibusdam numeris & temporum spatii continetur, ita naturalis

ralis & propria est homini, ut nemo sit usquam mortalium tam ferus & agrestis, qui non cantu capiatur. Quibus de causis arbitror certum aliquem poetica parentem & autorem dari non posse, nisi naturam, qua nos ad poetica studia informavit, nullumque tempus fuisse, quo non poetica studia colerentur. Ex quo poetarum genus antiquissimum esse constat. Et velut ceterae artes, quas peperit notatio naturae & animadversio, primum horrida, deinde longo temporis spatio a summis ingeniis perpolita sunt (nihil enim unquam simul inuentum est, atque perfectum) sic poetica principio rudis, tum ratione & observatione prudentissimorum hominum exculta & absoluta fuit. Et Quintilianus de carmine loquens, poema, inquit, nemo dubitarit imperito quodam initio fusum, & aurium mensura, & similiter decurrentium spatiorum observatione esse generatum; mox in eo repertos esse pedes. Non igitur vident qui poeticam reprehendunt, se naturae beneficia contemnere. nam quid ea incundius? quid esse potest ad vitam & mores utilius? quae Dei donum, Musarum inuentum, & omnis est disciplinae & eruditionis initium: quae tanta fuit apud omnes nationes, tanto etiam vel apud barbaras gentes in honore, ut nullus apud eos sapiens haberetur, qui non esset idem poeta. Nam dicendi & agendi magistri, naturae etiam scrutatores, ac diuinarum rerum interpretes omnes erant apud priscos illos poetae. Hinc Plato poetas virtutum genitores, sapientiae duces, eruditionis parentes, Deorum internuntios & filios appellat. Quid, quod poeta praestantior quodam

quodam modo, quàm ceteri, Deum videtur imitari? Nam ut ille ex nihilo res creat, unde *τομτὴς* appellatur; siquidem is qui aliquid ex materia conficit, *δημιουργός* dicitur; sic iste panem ex nihilo confingendo admirabilia quadam producit: neque res gestas historicorum more pronuntiat, sed diuina quadam & singulari ratione nouas condit, earumque rerum, quæ nusquam sunt, imagines format, & earum quæ sunt, pulchriores effingit. Quapropter hoc ipsum nomen adeptus est quod Deo tribuitur. Adco boni poëta diuinitate quadam nobis etiam commendantur. Quod si poëtarum aliqui turpes & inhonesti obscena quadam & non solum diis, sed ipsis etiam hominibus indigna cecinerunt, ob id ne vitium, quod est hominis, affinges arti, quæ nisi honesta & decora facere non iubet? Quanam obsecro ars tam laudabilis est, cuius usus hominis vitio corrumpi & deprauari non possit? Quamquam poëta, cuius officium est hominum actiones effingere, vel coactus à rerum necessitate, vel à decoro personarum admonitus, interdum prauos homines imitatur, non quos sequamur, cum ipsemet illorum improbitatem excretur, sed ut malos mores, quos in fictis personis agnoscimus, diligentius fugiamus. aut tollenda historia est vitæ magistra, quæ tam multas sæpè res turpes nefandasque commemorat. Nemo igitur hoc dissimulet quod ingenitum est à natura, nec reprehendat quod est sanctum, nec contemnat quod diuinitate quadam venerandum est.



## De poëta. CAP. III.

**I**AM Plato, & cum eo Democritus negat esse bonum poëtam, qui diuino quodam furore non corripitur: cumque Latini à vi mentis vatem appellant. Idcirco aliqui simularunt insaniam, ut boni poëta haberentur. Verùm ij poëtice vim omnem furore quodam metiuntur, & vniuersam artem repudiare videntur. Quòd si nullum vsum ars præstat, cur traditur; sin præstat, cur negligitur? Equidem (vtar enim perlubenter verbis poëta)

—nec studium sine diuite vena,

Nec rude quid profit video ingenium: alterius sic Altera polcit opem res, & coniurat amicè.

Nec equidem nego in poëta plurimum posse naturam, & maiorem vim in hoc, quàm in alijs studiis habere; sed artem quoque discendam puto, quæ certa quadam dicendi, agendi, faciendi, inquirendi ratio, via, dux, & comes est, hominem errare non patiens. licetque multa sint, quæ nisi à natura tradantur, nulla vquam arte comparentur, tamen ipsa naturæ dona meliora fieri possunt doctrina. Et enim qui rationis & doctrinæ ignari tantum naturæ præsidij muniti studium aliquod persequuntur, sæpe ingenij quodam impetu & concitatione compulsi à certa via abducuntur; qui si artem vllam tenerent, numquam profectò aberrarent. Quòd si ad naturam & artem adiungatur exercitatio omnium magistrorum optima, nescio quid tunc ex his perfectum & expletum, & omnibus partibus & numeris absolutum iri video. Et quoniam per nos ipsi per-



*ipsi perfectam rationem videre & sequi non possumus, optimi quique nobis proponendi sunt a. i. cognoscendum, & imitandum, non modo ne quam deformitatem & prauitatem scribendi mala nostra consuetudine contrahamus, verum etiam ut contendentes ad suprema, si prima contingere non liceat, possimus saltem in secundis tertiisque consistere. Illum verò non insanum, sed diuinum furorem non modo non spernimus, sed vehementer quoque admiramur.*

*Est Deus in nobis, agitante calescimus illo:*

*Impetus ille sacræ semina mentis habet.*

*Asseruntque Academici quosdam genios secundos, & veluti magistros nobis adesse; eorumque gratia magnam studiorum varietatem inter homines fieri; proindeque paucos in Musarum sacraria facilem aditum inuenire, vel quòd inepti ad studia poëtica natura sint, vel quòd minimum diuino illo spiritu excitentur. Quibus rebus assentiri quoque Aristoteles videtur, cum bene & rectè fingere neminem posse ait, nisi vel ingeniosum virum, vel celesti spiritu afflatus; adeoque Homeri diuinitatem, & ingenium extollit. Talem igitur poëtam & artificem querimus, instructum inquam à natura, informatum ab arte, exercitatione & summorum ingeniorum imitatione excultum; denique celesti & diuina quadam vi præditum; qui non humana solùm facultate, sed etiam diuinitate inter omnes emineat.*

## De materia poëtæ. CAP. IIII.

**Q**UÆ sit autem poëtæ subiecta materies (quando nos huc doctrinae via ducit) non est pluribus mea sententia disputandum. Nam si ea quæ fieri solent; aut debent ab hominibus, ad docendum virtutis usum imitatur, patet hominum actiones illi esse propositas, in quibus effingendis omnem operam suam & studiū ponat. Verum ea quæ homines agunt is temere explicarit, qui non mores & affectiones animi, è quibus humanæ actiones proficiuntur, accuratè & diligenter expresserit. siquidem in vitæ modo cuiusque natura perspicitur. Quamobrem ea philosophia quæ de rebus bonis & malis, de fugiendis & expetendis, de naturis hominum & moribus est, tota est perdiscenda poëtæ humanarum actionum, quæ aut vitio aut virtute discernuntur, imitatori. Quam cognitionem si moralis philosophus asseret suam esse, nō reluctabimur, dum poëtæ concedat licere cū voluerit tantum ex hac doctrina, quantum res sua postulabit, haurire. Atque ille nudis asperisque præceptis rationem vitæ docebit, hic incundis ornatisque figmentis humanam felicitatem ostendet, non autem finiendo, partiendo, demonstrando, interrogando, respondendo, arguendo, refellendo: illæque animi affectiones & motus horridis atque exilibus verbis declarabit; hic venusta, graui & apta naturarum humanarum imitatione spectatores ad iram, ad odium, ad tristitiam, ad hilaritatem, ad misericordiam, ad clementiam, ad spem, ad metum incitabit, aut reflectet ut  
 volet.

volet. Nec utetur his argumentis quibus Dialecticus, neque expolitionibus quibus orator, sed à per-  
 uulgata docendi via & ratione declinans fingendo  
 instituet auditorem. Sapiēter igitur poëticam amē-  
 nam quandam ad virtutem viam esse, & commen-  
 tis inuolutam adumbratāque philosophiam docti  
 homines dixerunt. Atqui nihil est quod in huma-  
 narum actionum non cadat imitationem. quare vi-  
 dentur omnia posse teneri & possideri à poëta, im-  
 mo verò etiam debere. Nam si eorum cognitio, quæ  
 ad humane vite commoda & ornatū sollertia men-  
 tis excogitauit, poëta necessaria est, atque omnes  
 artes & doctrinæ ad adiuvandam & perficiendam  
 hominum naturam inuenta sunt, quæ rerum scien-  
 tia erit à poëtica facultate seiungenda? aut quid non  
 potius illi attribuendum? Orator, cuius materia fo-  
 ri, concionis, & iudiciorum limitibus circumscripta  
 est, nullis terminis desiniri vult ius suum; nos poë-  
 tæ vim, cui nihil eorum esse debet obscurum quæ in  
 vita continentur, certis quasi cæcellis concludemus?  
 aut quas artes & scientias ab eo iudicaueris esse  
 posse, qui hominū actiones, orationes, naturas, mo-  
 res, affectus & studia imitatur? Quoties illi de po-  
 testate numinis diuini, de cælestibus rebus & eter-  
 nis, de naturalium rerum causis & effectis, de re-  
 gionibus, de ciuitatibus, de legibus, de moribus, de  
 doctrinis & artibus concinendum est? ut eum, si  
 omnium sensibus & mentibus satisfacere velit,  
 uniuersam doctrinarum rationem comprehendiſſe  
 necesse sit. Nihil ergo dices poëtæ licebit ignorare?  
 Primum immensa & infinita res est; neque huma-

num ingenium potest omnium doctrinarum cognitionem assequi: nec poëta non profitetur peculiarem artium illarum tractationem, quæ eorū est qui omne studium suum in illis cognoscendis atque tractandis adhibuerunt: sed quia, nisi eius facultas ex his quoque studiis perficeretur quæ libero homine digna sunt, ieiuna esset ac quasi nuda poësis, si omnes omnium scientiarum fontes animo tenere nō potest, at pro se summa degustat, & ex omnibus quasi flores, sententias lectiores decerpit: non ut de recoditis & subtilibus rebus separatim philosophorum more differat, verūm ut poëma graui & iucunda rerum varietate quasi telam intexto multiplici ornatu distinguat. Ex quo maiori laude eum afficimus, in quo maior scientiarum efflorescit cognitio. Itaque poëtarum facile princeps Homerus summis laudibus cumulatur, quoniam sua illa diuina poëmata omnium scientiarum ornamentis quasi gemmis & luminibus illustrauit. à quo uno fonte omnium rerum doctrina effluxisse videtur. Aliqui volunt poëtæ solū munus esse numerosa quadam structura verba coniungere. Quam ergo rem aliam subesse illi discemus, præterquam inanem quandam curam verborum? Sed & hoc ipsum Grammatici pollicentur, qui syllabas, pedes, carmina dinumerare, dimetiri, & construere docēt. Quidā fictas & commenticias quasdam res vanas & fuitiles poëtæ tribuūt, ignorantes vim fabulæ & formam, nec quo illa opere & artificio componatur intelligentes. Atque poëtæ proprium & præcipuum munus est rectè atque aptè confingere cuiusmodi res aut sunt, aut videntur,



dentur, aut referuntur. Qua in re si peccarit aut ea quæ fieri non possunt, imitando, aut non ut oportet, merito reprehēdetur; quòd neque rerum probabilitatem viderit, neque personarum decorum obseruauerit: sin verò in his deliquerit quæ sunt aliarum artium propria, leuiorem feret culpam errati; quia minus artis suæ ignoratione, & desidia premetur. Non enim se doctrinarum disputatorem, sed humanarum actionum imitatore[m] profitetur. Non secus pictori vitio est in conformandis lineamentis & pigmentis aspergendis errare: qui in his rebus quæ ad aliorum facultatem pertinent, si quid ignorans commiserit, iustiore excusatione defenditur. Sic Virgilium, quòd in Africa cernos esse dixerit, cùm id genus animantis ea regio numquam tulerit, excusat externæ regionis nullo proprio vitio notata ignoratio. Verùm nihil turpius est, quàm aliquem in eo peccare, cuius doctrinā & sciētiam pollicetur.

## De fine poëtæ. CAP. V.

ERGO poëta finis est humanarum actionũ imitatione & carmine docere simul & delectare. Docet autem quibus in rebus humana vitæ felicitas sita sit, atque infelicitas. Hinc quoniam in usu virtutis posita est civilis vitæ beatitudo, secundum verò mores, quæ affectiones animi sunt siue affectionum proprietates quædam, animique in rem aliquam propensiones, neque felices dicimur, neque miseri, sed quales quidam (ut inquit Aristoteles) nominamur, aut asperi & duri, aut faciles & mi-

B 3

tes, aut



res, aut continentēs & fortes, aut timidi & intemperantes, pœtam ego non morum propriè, sed acti-  
 onum imitatore[m] appellauerim, quibus aut miseri  
 sumus, aut beati, quamquam & facta ab ipsis mo-  
 ribus qualia dicuntur. Quin ipsi mores intelligi  
 non possunt, nisi aut verbo, aut actu aliquo expri-  
 mantur. Et bonus pœta sic actiones fingit, ut mores  
 declarent; sicut bonus pictor lineamenta oris ita de-  
 pingit, ut affectiones animi exprimant. Alioquin  
 languida est, & eneruata pœsis. Quoniam igitur  
 quibus actionibus contineatur humana vitæ beati-  
 tudo & miseria, docet pœta, & festiuitas imita-  
 tionis carminisque concinnitas magnam habet dele-  
 ctationem, illum docere, & delectare dicimus. Non  
 ergo Eratosithenem, nec ceteros probo, qui pœtas ad  
 voluptatem omnia referre existimant: licet in pœ-  
 mate voluptatis solùm gratia quadam interdum con-  
 fingi non negauerim. Ac doctissimus ille vates,  
 cum inquit,

Omne tulit punctum qui miscuit utile dulci,  
 duas virtutes pœticae facultatis ostendit; atque al-  
 teram in alterius contubernio & necessitudine de-  
 siderari. Sed utra potior sit voluptas an doctrina,  
 dubitare fortè quispiam posset, quando pœta, quæ  
 doceri aperta ratione possunt, ita commenticiis rebus  
 ea circumplicat, ut vana esse, & ad delectationem  
 solùm conquisita credantur. Sed neque erit pœta, si  
 commentis non utatur, quæ docti homines ingenio-  
 se consingunt, & sapienter explicant. Malim ta-  
 men, licet imperitorum vulgus oblectationem au-  
 rium & voluptatem magis petat, quàm animi cul-  
 turam

turam & doctrinam, ut Cicero indisertam prudentiam, quàm stultitiam loquacem; sic ego nullius (ut inquit poëta) veneris poësim, sed eruditam & moratam, quàm versus inopes rerum, nugæque canoras. Quid enim est tam vanum, tam furiosum, tam etiam irridendum, quàm sine ulla subiecta scientia volubilis quidam & inanis strepitus sonantium grandiumque verborum?

De poëmatis, & poëseos significatione.

C A P. V I.

ET poëta quidem fictio poësis dicetur. poëma vero id quod effingitur, opus inquam poëta: ut idem sit inter poësim & poëma discrimen, quod est inter factionem & factum. Illa facientis operam & industriam, hoc operæ & industria finem fructumque significat. Verùm aliquando poësis eadem significationem habet quam poëma; atque etiam interdum ipsius artis notionem suscipit. Nonnulli poëma poëtæ materiam, poësim vero poëmatis formam esse aiunt. Sed qui poëma vel paruum opus esse dicunt, vel poëseos quandam partem, à doctissimorum hominum locutione & sententia discrepant: qui Homeri Odyssæam & Iliadem poëmata nuncupant. Et veluti primum ipsum verbū ποιῆν (ut antè diximus) latius manat, sic quæ inde vocabula deriuantur, eadem vi verbi in plurium rerum significationē diffunduntur. Sæpè enim unius verbi multiplex est notatio.



## De generibus poëtica.

## CAP. VII.

CETERVM poëtica nō est vnum genus. Nam qui Diomedem secuti sunt, totidem poëtarum genera statuerunt, quot in species carmen ille diuiserat, nempe heroicum, tragicum, comicum, melicum, satyricum, & choriambicum. qui verò Cæsium Bassum autorem probant, poëtarum alios epicos aut hericos siue dactyllicos (nam horum est pene eadem significatio) alios epigrammaticarios, alios iambicos, alios lyricos, alios tragicos, alios satyricos, alios comicos, alios mimos faciunt. Nonnullis placet Isacius Tzetzes Lycophronis interpres undecim poëtarum genera enumerans, scilicet heroicorum, lyricorum, dithyrambicorum, iambographorum: quorum alios facit tragicos, alios satyricos, alios comicos; tum elegorum, epigrammatographorum, anathematicorum, hymnographorum, aematographorum, epithalamiographorum, & monodorū. Omitto illa genera quæ aut solum ex inscriptionibus, aut ex earum rerum silua quas tractant, desumuntur. Cuius sanè modi infinita propè genera poëtarum fierent. Multa etiam sunt horum genera inter se coniuncta, quæ separari nullo modo possent. atqui genus à genere omni ratione diuersum est, atque seiunctum. Nec illa referam inter poëmatum genera, videlicet narratiuum, actiuum, mixtum: quæ magis ad disparilem quendam modum imitandi pertinent, quàm ad vniuersam poëtica vim & facultatem certis quibusdam & propriis differentiis partien-



partiendum. Quorum diuisiones non sequi monet Aristotelis auctoritas. Nam ex carminum varietate poetarum dissimilitudinem notare, hoc est fictione tollere; quæ est forma poematis. Omitto quod nullum certum numerum formarum præscribunt, quæ definitæ esse debent. Ad hæc minus probauerim poeticam in scenicam & lyricam diuidi; rursumq; lyricam in pyrrhicam, gymnopædicam, & hypocremaicam. Nam in scena quedam nunc aguntur, quæ ante scenam quoque agebantur, ut tragica actiones; siquidem in his primis Aeschylus fertur *συννοῦπαρίαν* excogitasse. Quin constat in scena quoduis poema recitari solitum fuisse. Tum præter lyram multa alia sunt Musica instrumenta, ad quorum modulationem carmina canebantur, velut tibia, fistula, cithara. si non eadem ipsa est quæ lyra. Neque solum carmina, verum etiam saltationes componebant ad numeros tibiarum. Multa præterea sunt, quæ neque in scenam prodeunt, neque ad lyram canuntur. Nec video quam poetica vim & proprietatem attingant scena & lyra, ut tamquam propriis & insitis notionibus poetica formas inter se distinguant. Ego verò existimo, quoniam humana actiones omnes, quarum imitatio est poësis, aut bonæ sunt & laudabiles, aut malæ & vituperandæ; bonas voco, quæ sunt cum virtute coniunctæ, malas verò, quæ oriuntur è vitiis: poetarum duo genera apud veteres primum extitisse, alterum laudandi, alterum maledicendi gratia comparatum, quod iam-bicum appellarunt. nam *ἰαμβικόν* apud Græcos maledicere & procacem esse significat. Actum quidem

iambici poëta cum aliquem vellicare instituerant, sine ulla personarum ficta inductione per se ipsi mores illius & vitam apertè palàmque carpebat. Quares cum & molestà & odiosà esset, ac sæpe etiam inimicitii arderet, ut inuidiam à sua persona depellerent, aliorum personas, & fictas alias postmodum induxerunt, quæ malos homines maledictis figerent. Cuiusmodi fabulas Crates apud Athenienses primus commentus fuisse perhibetur. Atque hæc ea comœdia fuit, quam veterem dicunt. Cui quemadmodum media, & mediæ noua successerit, suo loco dicetur. At ex illo genere laudatio melici extitere, qui deorum, heroum, & virorum preces & laudes ad lyram concinebant: maximè verò Bacchi numen & virtutem celebrabant; à quo dithyrambici dicti sunt. Nam ille dithyrambus ex duplici ortu dicebatur. Hinc tragici emanarunt, qui fictis personis agenda omnia commiserunt. Qui cum primum Bacchi de regibus victorias referre consueuissent, in aliorum deinde regum calamitates inere: cumque primum etiam res secundas explicarent, tandem aduersas solum & infelices & calamitosas retinuerunt, inducenda forma grauiore, & aucto numero personarum, & inuento loci ornatu & scenæ cultu commodiore. Quamobrem Aristoteles à dithyrambica poësi tragœdiam ortam esse confirmat. Epici quoque ipsi præstantissimi hominum res bene gestas vel ex sua, vel ex aliorum personæ hexametro carmine, & longiore & grandiore vocis sono expresserunt. Et quemadmodum reliquarum artium, sic etiam poëtica principia satis rudia fuerunt,

fuerunt, tum usu & experientia perpolita & exculta sunt, certis praeceptis instructa, actionibus diuisa, temporibus distincta, locis discreta, ornamentis illustrata. Tandem igitur poëtica in hac genera abiit, Epicum, Tragicum, Comicum, & Dithyrambicum, siue Melicum. Nam (si Tzetzi credimus) olim dithyrambici iidem erant cum melicis siue lyricis, aliquanto tamen altiores: aut non certè absurdum videtur, quod in melica poësi præstantissimum est, id potissimum nominasse; quando & ipsum melicum genus à lyræ suauitate & præstantia lyricum nominetur. Cicero tamen à dithyrambico melicum separauit, sortè propter illius orationis tumorem & grauitatem, sicq; in partes quinque poëticam distribuit: non autem Aristoteles. Non enim illis verbis τῆς αὐλητικῆς ἢ πλῆλιν, καὶ κιθαρῳδικῆς melicam poësim explicari, sed quandam musicam imitationem affinem poëtice notari volunt interpretes, quæ vel citharæ sono fit, vel tibiæ, non cuiuscunque, sed ad imitandum aptæ. Nam quæ tibiæ paucis foraminibus constant, idoneæ ad imitandum non sunt. Et quidem istam speciem imitationis ipsemet Aristoteles inquit esse carminis expertem. Nulla verò poësis expertus est carminis. Cur ergo eum non demirer qui Aristotelem dixit poëticam facultatem tribus generibus discreuisse, Epico, Lyrico, & Dithyrambico? Vbinam tragædia relicta est, de qua tam multa conscripsit? Hoc verò etiam mirum videtur, bucolicum poëma fuisse ab illis silentio prætermissum: quod est quidem ex imitatione & carmine, quòdque verisimile est omnium esse vetustissimum; cum ex antiquissimo

quissimo viuendi more productum sit, qui pastoritius & agrestis fuit. An fortè contineri notione Comædia putauerunt? Quod nomen latè adeò patet, ut omnes fabulas dramaticas significationis suæ ambitu comprehendat; quæ in vicis (vicum enim *κωμὴν* significat apud Græcos) & inuenta primùm sunt, & actæ; postmodum ex agris in vrbes inuectæ, ut otiosos spectatores oblectarent. Sed cur nullam omnino mentionem eius fecere, cùm à reliquis generibus vim suam distinctā habeat? An quia leni artificio indigeat, & possit ex aliorum præceptis cognosci? Iam illa genera quæ solùm differentiis carminum inter se distant, ut minus vera, & pœtica proprietatem minus attingentia consulto relinquitur: cùm præsertim ad Grammaticorum cognitionem doctrinamque pertineant.

### De imitatione, siue fabula.

#### C A P. V I I I.

**H**OC autem pacto distributa in suas formas pœtica, prius ea quæ sunt ipsis communia, deinde varietates ipsarum atque discrimina considerabimus. Et imitatione quidem, & carmine vniuersa genera pœtica inter se conueniunt. His enim rebus pœtica ab aliis artibus & doctrinis differt. Quæ pœtica proprietates formis suis inesse debent: quandoquidem species rationem generis aequè omnes recipiant. Est autem pœtica imitatio non dictio, quia rerum imaginem explicet, nam alioquin omnis ars logica, quæ circa locutionem versatur, pœtica

poëtica diceretur, ut Grammatica, ut Rhetorica, ut etiam (ni quid aliud videtur) Dialectica; sed humanarum actionum fictio, quam Græci μῦθος, Latini tum fictionem, tum fabulam vocant. Quod verbum Græcum apud veteres sermonem quoque, aut dictum aliquod indicabat. Nec fabula significationis idem est apud scriptores usus. Nam rhetores fabulam esse finiunt, quæ neque vera, neque veri similia continet; quales sunt Aesopi fabellæ: alij Græcorum δρᾶμα, comædiarum inquam, vel tragædiarum actus, fabulas nominant: nos verò humanarum actionum imitationem & fictionis nomine appellamus, & fabulæ: ni etiam velimus aliquo modo imitationē à fabula discernere; ut imitatio actionum sit fictio, fabula verò ipsarum quasi structura & compages actionum. Et quia ut est cuiusque animus affectus & informatus ad virtutes aut vitia, ita sunt hominum actiones vel honestæ, vel turpes, sanè imitatio seu bonarum, seu malarum actionum est adumbratio: in qua exprimēdi sunt affectus, & mores, qui in viuendi consuetudine cernuntur, ut antea diximus. Nec poëta, quemadmodum historicus, res gestas exponit, sed quæ geri potuerunt, aut debuerunt, effingit. Etenim historicus res ab Aenea gestas sincerè pronuntiat: illum poëta sibi tamquam ducis prudentis imaginem ante oculos ponens, res comminiscitur ab eo gestas, quas ducem aliquem bonum & præstantem probabile est pro se gerere potuisse. Quod si res gestas interdum enarrat, non ea ratione explicat quæ gestæ sunt, sed quæ vel potuerunt, vel quidem geri debuerunt. Quamobrem  
histori-

*historicus singulorum res, poeta rerum naturam persequitur, & argumenta fabularum, & nomina personarum confingens. Quocirca ille inquit,*

*Respicere exemplar vitæ, morumq. iubebo Doctum imitorem.*

*Quo igitur uniuersæ & communis rerum naturæ scientia melior est, quàm rerum singularium cognitio; certè hoc magis poetice nos, vel Diodoro repugnante, historie præferemus.*

De conformatione fabulæ.

C A P. I X.

**E**RGO si fabula est fictarum actionum compositio, erunt singulorum poematum singule fabule; & unius fabule similes sibi actiones, actionis sue partes. Enimvero ut oratoris oratio tamquam animal quoddam è membris inter se convenientibus ritèque connexis construenda est, sic poema constare è partibus non differentibus; sed similibus debet, atque coniunctis. Si enim diuersi generis actiones, & discrepantes effingas, non magis inter se congruēt, quàm dissimilis natura membra inter se composita; quæ cuiusdam monstri potius effigiem, quàm alicuius animantis figuram & imaginem reddant. quale illud est apud Horatium, cuius caput est mulieris, cernix equina, media pars alata, extrema turpiter in piscem finitur.

Spectatum admissi risum teneatis amici?  
Et pictores in unica tabella unicum vel Hippolyti, vel Lacoontis casum depingunt. Atque hoc est quoque in-

que inter historicum poetamque discrimen; quod ille multiplices res gestas, atque dissimiles scribit, hic aut unam modo, aut plures actiones effingit, sed quæ secum conuenientes, & ad unum eundemque finem tendentes unum fabule quasi corpus efficiant. Licetque in historia ex iisdem principiis cuncta proficiantur, & ad eundem exitum spectent, quedam tamen inter se dissimilia sunt adeo, ut nullam omnino secum conuenientiam & coniunctionem naturæ habeant: in poetâ conspirare omnia, & quasi concentum quandam seruare pariter debent; nihilque interponi, quod cum alio aut necessario, aut probabiliter non cohereat: atque ita vniuersa connecti oportet, ut nulla res vel subtrahi, vel immutari, vel alium in locum transferri possit, quin tota fabula coagmentatio destruat. Hoc Aristoteles præcepit, hoc, ni fallor, illis verbis sensit Horatius,

Deniq. sit quoduis simplex dūtaxat, & vnū. Vnam autem fabulam, non multiplicem appello, non quæ vnā personam respicit: quamquam ab vna illustri persona fabula inscribi potest. Nam vnius hominis actiones sæpe ita dissimiles & variæ sunt, ut constituere vnā fabulam, sibi quæ similem non possint. Quid enim inquiet Aristoteles ad errores *Vlyssis* aut *vulnus* in *Parnaso* acceptum, aut simulata facit insania? cum nihil inter se cohæcant, & alterum cum euenerit, non sit necessarium, nec probabile euenisse alterū? Extra quam culpam *Statius* non est, qui à fabula in personam transiens res omnes ab *Achille* gestas professus est se in *Achilleide* scripturum: quasi alicuius res gesta ut historici, sic etiam



etiam poëta materia esset. Sed unam appello, quæ ex una, vel ex pluribus actionibus est: è quibus veluti ex eiusdem generis, & apposita partium colligatione unum corpus integrumque componitur; quod iustam magnitudinem habens principio, medio, & fine consistit: è cuius aspectu, tamquam ex integri cuiusdam animalis obtutu plena voluptas animo & mente percipitur. Principium porro fabulæ est ipsum imitationis initium, quod reliqua antecedit: finis verò postrema pars, quam nulla alia subsequitur: medium autem inter principium, & finem positum illo posterius, hoc prius est. Sed, qua de loquimur, conformationem & unitatem fabulæ exemplis declaremus. Et argumentum Odyssæ his verbis Aristoteles perstringit. Peregrinans vir quidam multos annos, cui periculum erat à Neptunno, solusque è sociis superstes, quando res domestica ita se habebant, ut & fortunæ à procis absumerentur, & filio insidie fierent, pelagi tempestate domum delatus est; atque aggressus inimicos sustulit quos cognovit, incolumisque evasit. Quid in his est quod minus cum aliis consentiat, & ad eundem finem, in quem reliqua, non conferatur? Videamus Iliadis fabulam eodem ingenio & arte compositam. Achilles post oratam de Chrysida contentionem ut Briseidem à rege sibi eripi vidit, iratus bello abstinuit. unde Troiani multa mala Græcis intulere. Sed Patrocli nece vehementius commotus in prælium egressus est, nec prius à pugna destitit, quàm Hectorem amici interfectorem extinxit. Hanc unam iram, quæ ad eò Græcis & Troianis obfuit, decantat in Iliade

Homerus.



*Homerus. Et Virgilij nōne ex hoc argumento una fabula cernitur sibi ipsi perpetuò constans? Everso Ilio sibi & suis noua domicilia Aeneas peregrè inquirens, post multa à Iunone terra marique tolerata fato in Italiam peruenit: ubi ingente & periculoso bello propter Lauiniam & regnum excitato hostem Turnum superauit. Atqui etiam Seneca tragædia, quæ inscribitur Hercules furens, argumentum paucis complectamur. Reuertens ab inferis Hercules cū Thebanum imperium à Lyco per tyrannidem occupatum, & uxorem suam, & liberos, & parentem periclitantes cognouisset, tyrannum occidit: sed à Iunone immisissis furiis correptus liberos cum uxore interfecit; sibi que necem consciuisset resumpta iam mente, nisi patris sui preces intercessissent. Neque fabulam multiformem esse arbitris, quòd plures euentus cōtineat. Nam una eademque causa plures effectus aliquando producit: & quæ Herculis reditum ab inferis consecuta sunt, ea propositum pœta fuit exprimere. Adhuc quoq; Terentianæ Andriæ argumentum cum his breuiter explicemus. Chremes quidam ciuis Atticus duas filias habebat, quarum alteram putabat amisisse, alteram cupitam à Charino Pamphilo Simonis filio ultro dēponderat: quem ubi sensit amore cuiusdam Glycerij captum, nuptias reuocauit: quas etiamnum Simo dissimulabat, ut animum filij pertentaret. Sed Dauī consilio & technis tum filius patri ducturum se uxorem simulanter pollicebatur, tum à nuptiis Chremes deterrebat suspitione iniecta grauiore. Tandem cū in angustiis res esset, Critone quodam*

peregrino rem omnem aperiente Glycerium cuius Attica, & filia Chremetis agnoscitur, Pamphilôq; in uxorem committitur. Nec quisquam putet non esse unam fabulam, quod personæ gementur, ut duo iuvenes, duæ virgines, duo senes: cuiusmodi sunt apud Terentium præter hanc alia. Nam vel connexionis, vel amplificationis, vel delectationis causa gementur. Licetque has fabulas duplices appellent, quod diuersarum personarum varios euentus exponant; cuiusmodi quoq; Terentius ipse Heautontimorumenon ex simplici duplici à se factâ esse profitetur; tamen si principem ipsam actionem diligenter attendas, quæ in omni fabula semper est una, illarum partes inter se ritè convenire perspexeris, atque ex huius fortuna illius vitæ commutationem sequi necessario, & ab eadem fabula solutione in plures personas cadere peripetiam. Verumtamen ea fabula quæ euentus non gemit, doctorum hominum iudicio longè laudabilior est. Vnum igitur poemata unam, simplicem, & sibi similem, non multiformem habere debet imitationem.

### De episodiis, & digressionibus.

#### C A P. X.

**S**ED in ipsa tamen fabula conformatione multa sæpè vel ornandi, vel amplificandi causa interseruntur: quæ huius artis scriptores verbo Græco nominant episodîa. Episodîum voco non carmen, quod canî solitum erat cùm imperatores vel reges primum urbem aut castra ingrediebantur: quod  
carmen

carmen ab aliquibus prosodium nuncupatur : non quod in comædiis ab actoribus, aut mimis præsertim inter actus fundebatur concitandi solum risus gratia, nihil ad fabulam pertinens; sed quicquid ad augendam fabulam, vel exornandam intexitur, episodium, quidam vocant egressionem, vel digressionem, siue excessum, aut παραβολήν rhetorum more: quæ à constitutione rei est, sed ad rei constitutionem pertinens declinatio : quales apud oratores multa sunt, præsertim in exornatiuo genere, digressiones, in quo voluptas petitur auditorum. Quicquid igitur non est fabula proprium, vel quia declinare ab ipsa fabula videtur, digressio nominatur, vel quoniam ad amplificandam fabulam interponitur, episodium dicitur. Verum episodium mihi actio- num est propriè, non cuiusque rei digressio, vel exornatio. Et quamuis episodia ubique sæcè inueniant, neque solum in mediis, verum etiam interdum in ultimis, ut ea sunt apud Homerum quæ mortem Hectoris consequuntur, cadaueris emptio, mulierum lamentationes, pompæ & exequiæ; tamen rerum præteritarum commemoratio, tum ne obscura sint ea quæ referenda sunt, tum ne alibi interposita quasi cursum fabula interrumpant, in primis locum habent commodiorem. Quod præcipuè tragici & comici observant, qui in primo statim actu rem omnem explicat, ne dubius animus, & eorum quæ finguntur ignarus, ab ipso fabula proposito aliò auertatur. Non enim poëta semper à primis rebus, sed interdum à mediis, nonnumquam ab ultimis poëma exorditur. Proindeque virtus argumenti est

seruata ratione tēporis historia modo à primis omnia breuiter strictimque referre, & per summa cāpita rerum leuiter decurrere. Et vniuersum argumentum ante oculos primū bonus pōeta sibi proponit, tum accuratē circumspicit, vnde pōema commodē ac rectē veluti telam ordiatur. Quod igitur in opere primum erit, hoc eius erit initium: quæ autem intexentur, ad episodiorum rationem pertinebunt. Sed vnde principium ducat vnaquæq; pōësis, quōque pacto narratio pōetæ differat ab historici narratione, suis locis dicetur accommodatius. Verū exemplo res dilucidior reddenda est. Porro excidium Ilij, quod in secundo Aeneidos libro narratur, & Aeneæ post euersionem Ilij errores, & pericula, quæ in tertio exponūtur, nam principium operis ab Aeneæ à Sicilia in Italiam nauigatione sumi manifestum est, licet in argumēti explicatione prima sint, tamen quia in opere interseruntur amplificandi gratia, episodij rationem habent. Atque hoc est quod dixisse mihi videtur Aristoteles de episodiis loquens, præteritis actionibus interpositis quasi vterum pōematis accrescere. Adhæc Didonis interitus in quarto, & ludorum pompa in quinto, & inferorum descriptio in sexto admirabili ornatu fabulam amplificant. Omitto multas & illustres locorum, temporum, rerum, & personarum descriptiones; quibus incredibiliter augetur & ornatur pōësis. Et epopœia quidem, nempe quæ mera narratio est, nec breui temporis spatio, sicuti tragœdia, & comœdia, circūscribitur, & quam decet in magnam amplitudinem augeri, pluribus episodiis & digressionibus

sionibus satis bene præ ceteris amplificatur, & perpolitur; non secus ac tabula pictorum fluminibus, siluis, aëribus, atque id genus aliis ornamentis illuminantur. Est autem digressione opus, cum ea vel à fabula necessitate requiritur non amplificationis modo, verum etiam connexionis & dissolutionis gratia, vel ornandi causa accersitur, præcipuè cum locus aliquis asperior inciderit, ne ex graui in aliqua re mora lectoris animus fastidium aliquod molestiamque cōcipiat. Quamobrem si nulla erit horum causa, nullus dabitur ad digrediendum exitus, nullusque aditus in fabulam episodiis concedetur. Nam quæ loco non adhibentur, non modo rem non exornant, sed deturpant etiam, & obcæcant: cuiusmodi sunt ad eruditionem quandam iuueniliter ostentandam (id quod in Lucano plerique damnarunt) curiosius quædam de reconditis rebus & obscuris exquisitæ disputationes: quæ per se licet pulchræ sint, & admiratione aliqua etiam dignæ, non minus tamen, quàm purpureus ille pannus Horatianus, ab omnibus irridetur. Quid de his loquar, qui cupressum (ut in vulgari Proverbio est) tantum simulare scientes, semper eadem, ut sors offert, temere ubique affingunt? Quas fabulas episodiis minimè cognata recipientes Aristoteles episodicas vocat. Ut verò videamus quis potissimè locus episodiis debeat, tota fabula constitutio prius animo concipienda est. Intelligetur verò tum sanè aptiorem in connexionem locum episodiis esse, quàm in solutione, ubi ad exitum festinatur. Vnum igitur pœma, & simplex sit, non multiplex & deforme; cuiusque partes inter

se sic coniungantur, ut diuelli inuicem distrahi que non possint; & ita primis extrema respondeant, ut alia ex aliis expectari, & necessario quodam modo produci & fluere videantur; & ne rerum similitudine satietas generetur; nouitate recreetur auditor. quam delectationem varietas episodiorum & digressionum plurimam afferet.

## De fabulæ formis.

### C A P. X I.

**V**ERVM fabule sunt plures species. Nam (ut omittam quod è personarum & rerum gravitate, humilitate, mediocritate, gradis, submissa, temperata dicitur à quibusdam) vis eius primum aut simplici & expedita, aut implicita & conexa actione discernitur. Simplicem voco non, ut antè, unius generis & modi; cui nimirum duplex opponitur, in qua sunt diuersæ naturæ actiones; nam omnium fabularum similis debet semper esse conformatio: sed in qua nec (ut verbo Græco utar) peripetia est, nec agnitio. Connexam verò, quæ aut alteram solam habet, aut utramque simul. licet magis probetur ea quæ peripetiam cum agnitione coniungit. Est autem peripetia ingens, subita, & inopinata rerum mutatio; quando quis repente aut ex amico inimicus, aut ex inimico amicus fit, vel ex felici rerum statu in infelicem deiicitur, vel contrà ex infelici in felicem & insperatum restituitur. Non enim qualibet varietas, & parua rerum mutatio peripetia est, sed quæ rerum fortunarumque naturam etiam atque etiam

etiam immutat : atque ea maximè laudatur quæ maximè apta est : quæ videlicet tum ex vi antecedentium rerum nascitur , tum ex subita cognitione proficiscitur . Amicitie autem nomine omnem cognitionem & affinitatem intelligi volo ; & personæ , in quibus sit peripetia , definitæ esse debet . Agnitio verò est rerum ignotarum , siue personarum unius aut plurium post longum tempus facta pariter mutuaque cognitio . Quæ sanè tunc optima est , cum rerum mutationem secum illicò affert . Et agnitionis quedam genera sunt artificiosa , quæ nimirum ipsa met fabulæ dispositio producit ; quedam minus artificiosa , quæ disiuncta à constitutione fabulæ poëtæ arbitrato interponuntur , uti sunt signa . Signa vel aduenticia sunt , vel insita ; aduenticia vel in corpore sunt , ut cicatrix ; vel extra corpus , ut anulus , monile , & his similia insita vel à natura sunt , ut ingenitum in Thyeste sidus ; vel sine quibus personæ numquam inducuntur , ut lancea Gigantum , & Herculis clava . Hæc artificio carere dicimus , quoniam remota sunt à fabula , & conserta pro libidine poëtæ actionum colligationi . Atque ut artificiosa his præferuntur quæ artem non habent , sic illa est pulcherrima agnitio quæ ex ipsa rerum natura probabiliter ducta cum admiratione interuenit aut amicitia coniungens , aut disiungens inimicitia personas , quæ vel miseram vel beatam vitæ rationem inde consecuturæ sunt . sicut in Andria Terentiana Glycerium ciuis Attica interuētū Critonis agnoscitur , qui ad petendam Chrysidis hereditatem venerat : unde cum Chremete affinitas iungitur , &



*Pamphilo amata Glycerium despondetur. Ad hæc fabula vel morata est, vel pathetica. Morata in exprimēdis animi affectionibus & qualitatibus versatur, quas mores appellare solemus, aut ingenitis à natura, aut consuetudine contractis: pathetica cædes, vulnera, cruciatus, ceteraque id genus dolorum, & commiserationis habet. siquidem τῶς ἀλγος, acerbis tatem & dolorem, ac miserabilem aliquem casum nonnumquam significat. Et morata leniores affectus exprimit; quos ἡδὺς Quintilianus nominat: pathetica vehementiores excitat; qui vocantur πᾶν: atque hæc illustriorem actionem poscit, qualem optat tragædia; illa frequentius obscuriorem, qualem comædia requirit, quamquam interdum non abhorret à nobiliore; sicut *Odyssæa* in rerum gravitate maiore ex parte morata est. Est præterea ex morato & pathetico mixtum quoddam genus, cuius similem esse diceres *Aeneidem*. Nam in sex prioribus libris, quarto excepto, morati formam cognoscimus; in quarto, & reliquis euentus sunt acervi, & miserabiles. Sic & comædiam, quæ graviorem aliquem casum recipit, & tragædiam, quæ leniores affectus, & letitiam infundit, mixtam vocant; nonnulli tamen ducunt fabulam mixtam esse, quæ dissimiles personas, & varios inopinatosque casus admittit. Verumtamen in horum aliquo genere morato inquam, vel pathetico, seu simplex, seu connexa sit, fabula versetur necesse est: videturque simplici fabula ἡδὺς magis convenire, connexa πᾶν: licet interdum nec connexa ἡδὺς, nec simplex πᾶν refugiat. Nam *Ilias* Homeri & simplex est,*

& pa-



& pathetica . siquidem omnes fabulae formae in unam potissimè epopœiam cadunt.

## De fabulae partibus.

### C A P. XII.

**E**XPOSITIS partibus quae fabula vim & naturam declarant, breuiter quoque docendae sunt partes quae illius magnitudinem describunt. Eas Aristoteles videtur effecisse duas, Colligationem, & Solutionem: illam δέσις, hanc λύσις appellauit. Colligatio terminatur eo fabulae loco, unde fortuna conditio aut in meliorem, aut in peiorem partem verti & mutari incipit. In hac rerum perturbatio, in hac turba cernuntur; in hac digressiones, in hac episodica opportuniore sunt. Solutio fortunae mutationem explicat aut secundam aut aduersam, prout res vel ex animi sententia, vel contrà accidit. Quam solutionem in fabulis dramaticis κατὰ ποσὶν vocant. Ac porro eousque protrahenda est actio, donec solutio contingat: semperque nobili, & mirabili aliquo fine concludenda est; quo spectator ex inopinata rerum permutatione maiorem capiat delectationem. Debet autem fortunae varietas & permutatio ex ipsa fabulae dispositione probabiliter, aut necessariò proficisci, ut omnes partes sese naturaliter consequantur. Quam solutionis virtutem in Plauto aliqui desiderarunt. Est adhuc quoddam medium, quo δέσις λύσιςq. coniungitur; μετάβασις, seu παράβασις aliqui nuncuparunt. Igitur vniuersa fabulae compositio σύστασις dicitur, colligatio

δέσις, solutio λύσις, μετάθεσις qua utraque pars copulatur : quas omnes potissimè in connexis fabulis perspicere possumus.

## De ratione fingendi.

### C A P. X I I I.

**N**UNC de ratione fingendi quædam breuiter dicamus. Poëta vel nouam cōfingit materiam, vel ab aliis seu poëtis, siue historicis mutuatur : atque alienam fabulam potest immutato ordine colligationis & solutionis sui iuris efficere ; sicut olim Chrysippus dicere solebat se Euripidis Medeam fecisse suam. Id quod poëta docuit illis versibus,

Publica materies priuati iuris erit, si  
Nec circa vilem, patulúmque moraberis orbē.  
& idem,

Ex noto fictum carmen sequar, vt sibi quiuis  
Speret idem, sudet multum, frustráque laboret  
Ausus idem. tantum series iuncturáque pollet :  
Tantum de medio sumptis accedit honoris.  
Sed in fingendo semper aut rerum necessitudinem,  
aut verisimilitudinem sequi oportet, hoc est, pro  
cuiusque natura sapienter omnia simulare, vt facili  
ab omnibus probentur. Nam eam imitationem probamus,  
quæ rem propriè reddit. Dico autem poëtam  
necessariò ea fingere, quæ aliter esse, intelligiue non  
possunt ; vt sapientem hominem futuris prospicere,  
ciuem bonum de rep. recta sentire, virum fortem  
æquo animo aduersam fortunam sustinere. Et necessaria  
res sunt, quæ natura aliquam necessitatem  
habent.

habent. Probabiliter verò ea fingit quæ ita fieri contingit, ut tenuiores homines à potentioribus iniuriam pati, & callidum quandoque decipi, & temerarium superari: quemadmodum Agathon aiebat verisimile esse multa fieri præter verisimilitudinem. Quæ igitur neque necessario, neque probabiliter finguntur, ea vitiosa sunt. Itaque vitio datum est Sophocli, quod in tragædia quæ *proterias* inscribitur, mutum quendam ex Tegara in Mysiam peruenisse fecit. Non enim credibile est mutum, & ignarum viæ, solum, sine duce, tribus diebus, absque ullo errore tantum itineris conficere potuisse, & Theseum Athenis Thebas momento temporis cum exercitu venisse, ac commississe prælium nulla ratione probabile est. quin etiã post victoriam mox adest numius. Apud Aeschylum quoque momento temporis Agamemnon interficitur, & tumulatur, vix ut actori tempus sit respirandi. Et incredibile etiã est in captivis apud Plautum abiisse Philocratem, & cum Philopolemo ad Aetolos ex Aulide rediisse paucis horis. Apud Terentium verò non improbabiler nox intercedit in Heautontimorumenos: cuius dimidia pars vesperti, & transacta ludis Megalensibus nocte altera pars acta est. Si quid tamẽ unquam boni poetæ commenti sunt, quod minus prudẽter excogitatum aliis videri potuisset, ita rem adumbrare studuerunt, nihil ut improbabilitatis habere videretur. Itaque Homerus cum videret minimè convenire, Ulyssẽ tantum virum tam graui somno impeditum esse, ut à Pheacibus in Ithacam transuectus nihil omnino sentiret, labores, vigiliæ,

Alcinoi

*Alcinoi hospitalitatem, lauactionem, conuiuium, prosperam nauigationem, expeditam securitatem, postremò Palladis consilium & operam adhibuit; quæ cuilibet sapienti viro grauiorem somnum attulissent. Nihilominus deligunt interdum ea quæ spectatoribus iucundiora fore arbitrantur. Vnderisibus illiberalioribus comici nōnumquam vtuntur, & inducunt portenta præter rerum naturam tragici. Verùm Aeschylus plus aquo affectasse visus est spectatores in admirationem & stuporem rapere. Illud verò prudentis est poëta, cum quippiam vult ab auditore non ignorari, quod ipsi per argumenti constructionem docere nō liceat, personam aliquam introducere, quæ rem alteri exponat, quamuis hac ipsa res illi nota sit: veluti Neptunus apud Homerum Veneri narrat quo pacto certantem Aeneam à morte eripuerit. neque decebat Deam hoc ignorare. In dramaticis autem fabulis, in quibus magna laus est, si res ita agantur, vt veræ, non fictæ appareant; theatrorum gratia datum est, vt duæ in scenis persona loco proxima, sed quasi magnis distantes interuallis ita loquantur, vt audiantur procul à populo, se ipsa non exaudiant. atque huiusmodi alia conceduntur eadem de causa. In vniuersum poëta in suo quâsque genere insigniores personas imitari debet: quippe cuius summa virtus est ipsas rerum formas fingendo exprimere; quemadmodum pictor studet pro re pulchriorem imaginem depingere. Itaque fortitudinis formam ante oculos sibi proponens similem Achillem effinget, & prudentem Vlysssem, faciens ea quæ in prudentiæ figura maximè excelsunt,*

lunt, imitabitur: ni quid interdum aliud res mo-  
 neat, ut à similitudine illa mētem abducatur. alioquin  
 malum aliquem morem hominis non improbi nulla  
 ratione poscente imitari, sicut Euripides prater ra-  
 tionem Menelaum Orestī propter necem Clytam-  
 nestrae aduersantem induxit, quem aequius erat ne-  
 poti subuenire, quàm cognata impudica causam sus-  
 cipere, in vitio est imprudentia. Idēque Euripides  
 reprehenditur, quòd causas, quae Alcmeonem ad ne-  
 cem matris impulerunt, nimis leues attulerit. Tum  
 hebetis est & imprudentis repugnātia fingere, vel-  
 uti si eum quem deprecantem mortem antè indu-  
 xerat, nunc contemnentem illam absque vlla ratio-  
 ne inducat. Et Carcinus quòd ageret contraria me-  
 rito fabula cecidit. Sed etiam ea vis & ars rebus  
 quas fingimus, addēda est etiam ab aētoribus (siqui-  
 dem indicium acre de fabulis theatra iudicant, in  
 quibus sese maximè ostendunt) ut cū aguntur,  
 vera, non ficta videantur. Languent enim quae nul-  
 lam efficacitatem habent; & ridentur quae frigida  
 sunt & insulsa. quae à poēta hoc magis fugienda  
 sunt, quo magis alios mouere & delectare debet.  
 Ad haec nomina fictis personis apta pro rebus impo-  
 nat: quae cū fingenda sunt, è fonte Græco deriuen-  
 tur. Græcis enim componendorum nominum facul-  
 tas liberior concessa est, quàm Latinis. Nomina ve-  
 rò vel propria sunt, quae singulos homines ostēdunt,  
 ut Aeneas, Ajax, Chremes; vel communia, ut im-  
 perator, miles, parasitus: &, quod mirum certè est,  
 interdum res informes & mutas ita humana spe-  
 cie conformant poēta, ut sapere, sentire, loqui fa-  
 ciant.

*ciant. Sic paupertatem Aristophanes in Pluto, & in Batrachis ranas. Deorum quoque personæ nonnumquam inducuntur, & quæ cum Diis habent cognationem; quales sunt venti, fortuna, horæ; & quæ ad nostram naturam pertinent, ut somnus, vigilia, mors. Demum omnia & res & nomina sic fingenda sunt, ut de omnibus vel necessaria, vel probabilis causa reddatur.*

De mirabilium rerum fictionibus.

C A P. X I I I I.

**A**T dicet fortasse aliquis, non videri sibi probabile unius Hectoris virtute uniuersum Græcorum exercitum ab oppugnatione urbis ad naues usque compelli; nec similitudinem ullam veri esse in his fictionibus, quæ Cyclopes habent, & Scyllas, & naues in lapides, aut in nymphas commutatas, & homines è saxis generatos, & in saxa cōuersos. Quam dubitationem tolli posse existimo, si pœtarum finis ostendatur, & ratio, qua ad fingendum huiusmodi res admirabiles impelluntur. Etenim pœtæ eò refert omnia, ut auditorem trahat in admirationem; quippe quæ plurimum afferat delectationis & iucunditatis. Est enim iucunda amplificatio. quod autem admirationem habet, ad augendam & amplificandam rem valet. Argumento esse potest, quòd dum rem aliquam narramus, quo mirabilior videatur, magis que delectet, vehementius illam augemus. Dico admirabile, quod vel præter naturam euenit, vel præter cōsuetudinem fit: utrumque  
vel no-

vel nouitate, vel rei magnitudine mouet animum  
& oblectat. Quamobrem poëta ut hunc finem con-  
sequatur, res admirandas fingit etiam à probabili-  
tatis forma remotas (cùm probabile sit, ut antea di-  
ximus, præter multorum opinionem multa fieri)  
non tamen contra prudentiam artis, & rationem.  
Atque imitari debet ea quæ vel sunt, vel fama est  
ita fuisse, vel ita esse creduntur. Et quia orationem  
suam ad vulgi sensum accommodat, multitudinis o-  
pinionem magis, quàm rerum veritatem in multis  
sequitur. Itaque stellas in Oceano lauari, & radios  
solis calidos esse dicit; non quòd ita res sit, sed quòd  
vulgus ita se rem habere putet. nec quæ de Diis, de  
Lamiis, de Centauris, de Medusa, de Proteo vulgi  
fama celebrantur, aspernatur. Tum quoniam in fi-  
ctis personis ipsam rerum imaginem & formam  
imitatur, effingit quæ in quoque genere perfecta  
sunt: quæ si in aliquo inessent, admirandum illum  
hominem cunctis efficerent. Siquidem rerum ex-  
cellentium admiratio est. Neque enim parua res,  
neque usitata, neque vulgares dignæ videri solent  
admiratione. Quid ea quæ ad Deorum potestatem  
referuntur, non tibi sunt probabilia? naues opera  
Cybeles in nymphas conuerti? & Achillis equo à  
Pallade sermonem tribui? Verùm is iure reprehen-  
ditur, qui nulla neque necessaria, neque probabi-  
li causa impulsus effingit ea quæ esse fieriue nullo  
modo possunt. Ac mihi quidem mirabilia fingendi  
duplex videtur esse ratio, altera delectandi, altera  
docendi. Delectant solùm, quæ nouitate & stupore  
animum percellunt. Quæ profectò eo pulchriora  
sunt,



sunt, quo minus sunt otiosa; quale illud est apud Virgilium, quod Aeneas à matre septus nebula Carthaginem ad feram & immanem gentem tuto peruenit, ubi socios comperit, quos amissos iam animum induxerat: qui insperatus & repentinus ducis aspectus maximam cum delectatione admirationem omnibus attulit, & partes fabula miro artificio inter se coniunxit. Docent verò, quæ vel hominum mores, vel naturæ causas, vel Deorum numen ostendunt. Ac porro Circem homines in feras conuertentem, intelligis turpem voluptatem esse, quæ homines contagione sua brutos efficit: & Apollo Pythonem sagittis transfigens, sol est terra caliginem & nubes radiis suis dispergens: nec aliud probant tot Deorum de Græcis & Troianis apud Homerum concilia, quàm Deos humana curare. Atqui tenenda semper est veri quedam similitudo,

Nec quodcūq. volet, poscat sibi fabula credi. Nam tantisper ista miramur, dum recta ratione ficta cognoscimus. Nec est quod his fingendis liberior tibi facultatem sumas, quomam in Deorum vim & numen cuncta traducas. Non enim admittitur excusatio, quæ nullam probabilem causam habet. Est sanè licentia vitiorum mater; quæ nullam neque decori, neque probabilitatis rationem habens plura quàm oporteat, sibi vindicat,

Delphinū filuis appingens, fluctibus aprum. Tunc verò magis probabuntur, cum ita confingentur, ut hæc ex illis quasi necessario profecta videantur, fiântque consequentia, quæ semper eueniunt. Et quoniam si priora recipiuntur, posteriora parem  
fidem



*fidem captatura sunt (est enim quoddam argumentationis genus ab antecedentibus, ut si hoc precedat, illud quoque consequatur) maior fides in illis struenda est, quorum probatione nititur consequentium persuasio. Quam virtutem Aristoteles in Homero extollit. de quo etiam Horatius ait,*

*Atque ita mentitur, sic veris falsa remiscet,*

*Primo ne mediū, medio ne discrepet inum.*

*Neque verò solum probabiliter, sed etiam molliter fictiones deducende sunt. Nam insuauia sunt quæ dura, & coacta sentiuntur: cuiusmodi ortus Minervæ à capite Iovis quibusdam esse videtur. Verum tamen huiusmodi mirabilia, quemadmodum pleraque alia, melius narrari possunt, quàm in scenis agi: in quibus, ut inquit poeta,*

*Non in auein Progne vertetur, Cadmus in anguem.*

*Quodcumq. ostēdis mihi sic, incredulus odi.*

*Ideoque sunt epopæiæ, quàm tragædiæ convenientiora; quoniam probabiliter actū referri nequeunt; in qua si tale quid accidet, ab actore aliquo versibus exponendum erit. Postremò illud precipiendum est, ut non multe res admirande simul annectantur, ne vel fidem multitudine amittant, vel satietatem frequentia pariant.*

De decoro.

C A P. X V.



**S**ED totius certè rei caput est, videre quid cuique conveniat. cuius decori, quod Græci *πρῶτον* appellant, ignorance non solum (ut inquit Cicero)

D

in vita,

in vita, sed etiam sapissimè in oratione, & in poë-  
matis peccatur. Quod quidem arte comprehendere non  
potest. sapientem natura virum desiderat: licet sub  
aliquam praeceptionem cadat. Spectatur verò maxi-  
mè in personis. Persona aut est poëta, aut aliena, &  
ficta. Poëta mores graues, & honestos ubique pra-  
se ferre debet, cui fides ex probitatis opinione habeat-  
ur. Vt enim quisque animo affectus est, ita rem iu-  
dicat; similēsque sunt animi affectionibus actiones  
hominum, atque sermones. Vnde alios poëtas leues,  
alios intemperantes, alios molles; contra alios con-  
stantes, alios moderatos, alios fortes ex ipsorum ora-  
tione discernimus. qui cum sapientes vitæ magistri,  
& correctores esse debeant, non corruptores ciuita-  
tis, iure maximo diuinus Plato iubet turpes & ob-  
scenos poëtas à rep. sua longius exulare. Cum alie-  
na persona inducitur, aut nunc primùm effingitur  
noua, aut iam antè ab aliis descripta est. si descripta  
est, tunc famam sequi oportet monente Horatio: sic  
iracundum Achillem, ferocem Medeam, tristem  
finges Orestem. & veteres fabulas, & receptas in-  
nouare prohibet Aristoteles. Quod propter Aëtium  
poëta minus laudatur, quòd sapientem Achillem  
contra poëtarum consensum fecerit: quamuis Cice-  
roni non displiceat magis facti quandam pruden-  
tiam quàm officium poëtae consideranti. Si noua  
fingitur,

Seruetur (quod praecipit Horatius) ad imum,

Qualis ab incepto processerit, & sibi cōstet.  
Igitur qui prudens, qualis Vlysses, inducitur, sapiē-  
ter res agat; & qui pius fingitur, colat, ut Aeneas,  
ubique

ubique pietatem; quem verò moribus & animo in-  
constantem facis, æquabilem teneat in vita inæqua-  
litate, similis Demeæ Terentiano. Sed & perso-  
nis conuenire debent actiones. Neque enim eiula-  
tus virum, neque firmitas animi mulierem decet.  
Vnde Cicero Sophoclem reprehendit, quòd intole-  
ranter dolentem Herculem inducat: ni à poëta fa-  
ctum hoc dicas, quo ingentem vim doloris exprime-  
ret. Verùm à nullo dolore vinci posse fortem vi-  
rum contendunt omnino Stoici. Nec laudatur qui  
Iphigeniam facit ad aram mortem infractò animo  
despicientem. Cuius rei gratia personarum attribu-  
ta circumspicienda sunt accuratissimè, sexus, ætas,  
genus, studia, conditio, fortuna, & quæ his similia  
sunt. Nam aliter viri, aliter mulieris, aliter senis,  
aliter iuuenis, aliter nobilis, aliter obscuro, aliter  
militis, aliter mercatoris, aliter regis, aliter subditi,  
aliter diuitis, aliter pauperis actiones instituuntur.  
quarum qui nescit esse moderator, is decorum ser-  
uare non potest. Ipsasq; actiones inter se similes, &  
quasi germanas esse decet, ne in rebus seriis ioci, aut  
seria in iocos adhibeantur, nèue tragica perturba-  
tiones in comædia excitentur, aut iactentur ridicu-  
la comica in tragædia. Indecorè apud Plautum in  
Cistellaria Alcesimarchus superos testaturus,  
Ita me Dij magni, iurat, minutiq; & patellarij,  
quod risum magis excitat, quàm religionem: idem-  
que adolescens cum gladio in scenam inducitur tam-  
quam sibi necem ipse consciturus. quod factum ut  
nimis tragicum in comædia damnant. Quamob-  
rem, quoniam poëtica imitatio ab ipsa verisimilitu-  
dine com-

dine commendatur, si persona aut dicentes, aut facientes ita inducantur, ut ab omnibus probentur, quod nihil à sua indole & vita alienum dicant, vel faciant, in summa laude ponetur. Refertque non parum quo pacto singula ab actoribus referantur; quoniam eosdem ipsi affectus induant necesse est, quibus aliorum animos commouere curant.

Ut ridentibus arrident, ita flentibus adsunt Humani vultus.

Ac meo quidem iudicio, ut in certa quædam capita rem diducamus, poematis decorum spectari precipue debet in moribus, sententiis, & verbis. Mores, ut dictum est antè, affectiones animi sunt aut insita & naturales, aut studio & consuetudine cõparata. Nam à natura varios mores assequimur, & diuersa loca, & etates magnam afferunt gignuntque morum varietatem; alia quoque ratio viuendi alios mores postulat. quos summa virtus est, scitè, ut tempus & etas ferunt, exprimere. Ac sanè mores diuersi ab eius temporis quo inducuntur, moribus esse non debent, sed omnino consimiles. Quis enim reges ultro citroque se his contumeliis afficiētes, quas Agamemnon & Achilles apud Homerum in se vicissim coniiciunt, nostris temporibus si faciat, non cum stomacho exhibetur? Decorum autem non solum ratione, sed etiam opinione cernitur. De moribus eruditè & pulchrè Horatius in arte pœtica: sed Aristoteles, quo nemo fuit in hominum naturis, studiis, & actionibus dignoscendis describendisq; perspicacior, ita plenè & ornatè in Rhetoricis disputauit, ut eorum ratio ex hoc uno fonte copiosissimè peti

simè peti possit. At sententiam, non dictum aliquod celebre hominum opinioni accommodatum, quid sequendum, quid fugiendum sit docens, sed mentem & sensum voco, quam Greci ἐννοια, quasi ἐν τῷ νοῷ dixerunt. Nam id etiam poëta accuratè explicandum est, quo quis animi sensu, consilio, & ratione ad agendum rem aliquam impellitur: unde quid ex voto, quid contra sententiam eueniat, intelligatur. Quas sententias pro dissimilibus hominum ingeniis & studiis diuersas esse clarum est. Ceterùm illa sententia, quæ sunt celebria quædam dicta, poësim quasi luminibus illustrant: quas qui damnant, poëmatis ornatum & splendorem non vident; qui frequentius vtuntur, non plurimum sæpe commendantur. Non enim coagmentanda, sed tamquam gemmæ disponenda, & annectenda sunt. Postremò esse debet apta & conueniens moribus, sententiisq; oratio; quæ animi & sensus explicatio est. Neque enim semper, neque apud omnes, neque pro omnibus eodem modo dicendum arbitror cum Cicerone; nec decere verbum ponere in humili, quod in alta oratione conueniret. Sed tamē videre quid cuique conueniat, prudentiæ magis est, quàm artis.

## De carmine. CAP. XVI.

**D**E carmine verò, quo tamquam instrumento ad explicandam fabulam poëta vtitur, quoniam de eo Grammatici copiosissimè disseruerunt, multa nobis dicenda non arbitror. Rem tamen altius paulo repetentes omnem locutionem esse nume-

ris vel solutam, vel connexam dicimus. Numerum Latini vocant tum Græcorum ἀριθμὸν, hoc est diuisam magnitudinem, tum Musicorum μετρητόν, quem opinor rectè finierim longorum & breuium interuallorum conspirantem percussionem. Totus enim est in motu brevis & longi temporis. Neque solum venit in orationem, sed etiam in saltationem, pulsus, cantum, & sonum, & in ea in quibus motus quidam inesse videntur. Itaque Cicero numerum, inquit, voco quicquid sub aurium mensuram cadit. ipsa autem aures temporum spatia motusque mensurant. Atque habet vnaquæque syllaba motum suum, & interuallum, breue quidem, cuius est concitatio sonus; cuius verò productior, longum. Syllabarum autem certo numero collocata dispositio, pes est. at pedum certa coniunctio μέτρον à mensura, Latini à canendo carmen appellarunt. Quare metrum est rythmi species, in vocum contractione & incitatione consistens, ac certis interuallis numerisque conclusa. Igitur soluta oratio dicitur, non quæ errat & fugit, sed quæ relaxatur à necessitate quadam numerorum, & liberius verba coniungit; qualis est vulgaris & quotidianus sermo, à quo philosophorum dictio non abhorret, atque ei simillimus est is quo in epistolis utimur. At numeris quibusdam quasi vinculis astricta oratio numerosam habet dimensionem. Cuius duæ sunt formæ; altera poetarum propria, definitis numeris & modis verborum alligata connexio, altera oratorum ab hac poetarum moderatione & conclusionem vocum ad delectationem aurium deducta compositio,

positio, liberior, modisq; remissior: quæ nec ita soluta est, ut vagetur; nec tota constans è numeris, ut versum efficiat, sed apta verborum temperatione & intervallorum dimensione numerosa. Vnde oratorum rythmos à pœtarum metris sic inter se differre docet Quintilianus, quòd illi tantum spatiis, hæc etiam ordine certo concluduntur; illis, quia syllabarum & pedum nullum præscriptum servant; sed quandam aurium mensuram sequuntur, licet pedes immutare, & pro anapæsto dactylum, quòd inter se sint spatiis æquales, & pro iambo trocheum ponere, quòd eorum paria sint intervalla; hæc, quibus pedum rata lex est, alterum in alterius sede collocare non possunt: illis sunt libera spatia, & quomodo cæperunt vsque in aliud genus rythmi decurrunt; his & spatia certa, & clausulæ sunt definite. Ex his ergo versum descripseris orationem arctiore pedum lege coërcitam: arctiore inquam oratoris oratione, cuius numeri sunt liberiores. Neq; si de Pindaro dixit Horatius — numerisq; feretur

Lege solutis, lyricum pœtam credideris certam dimensionem non habere: sed quoniam illi multa simul metra, quæ voluerit, primùm accipere licet, atque ea quemadmodum libuerit inter se componere, quorum tamen & numerum, & ordinem deinceps in conuersionibus, quas verbo Græco ὑποφᾶς nominant, perpetuò seruet, numeris fertur lege solutis. Omitto quòd dithyrambici sine vlla carminum conuersione incerto versuum numero pro libidine feruntur. quæ res obscura non esset, si dithyrambica Pindari haberemus. Quin lyricorum quidā versus



remoto cantu insuaves, ac velut fabularum plerique senarij à modis soluti videntur, non quòd numeris careant, sed quòd his pedibus consistant, qui sponte in communem sermonem veniunt, & nolentibus nobis versum efficiunt; quales sunt maximè iam-bus, trocheus, anapaestus: in quibus modi, quoniam vsitatißimi sunt, minus intelliguntur. Atqui syllabarum tempora & spatia, pedum etiam & carminum varietatem docent Grammatici, quorum tota est metrica ratio, quæ in numerorum tractatione consistit: nos pœtica dictionis ornatum breviter explicemus.

### De pœticæ dictionis ornatu.

#### C A P. X V I I.

**Q**UEM equidem ornatum in varietate & elegantia verborum positum videmus: illa dissimilitudine satietati occurrit, hæc bonitate dictionem commendat. Quamobrem primum verborum immensa & infinita panè tamquam silva ad varian-dam & distinguendam orationem comparanda est; mox adhibendum iudicium & delectus, ne impru-denter hac copia utamur. Quæ bonorum verborum electio, usus, & copia est origo & fundamentum eloquentiæ. Constat autem ornatus è simplicibus verbis, atque coniunctis. E simplicibus ad rem de-clarandam valent propria; ad illustrandam verò (ut eloquentiæ parens Cicero sentit) inusitata, no-uata, trās-lata, oratori quidcm & pœtæ communia, sed pœta liberiora. Propria voco, quæ panè videntur  
nata



nata cum rebus ipsis, quæque rem maximè declarant. sed ex his fugienda sunt peregrina, humilia, obsoleta, horrida, aspera, inania, exilia; deligenda Latina, grauiâ, illustria, nitida, leuia, plena, sonantia: quibus sic abundabit, ut verbum nullum excidat nisi elegans, & exquisitum ad sonum. At inusitata, prisca, & vetusta, loco tamen posita, & quoad ferat consuetudo, grandiore & antiquiore facere videtur orationem. Nouata verò, seu reperta fiunt aut similitudine, sicut Horatius iuuenescit verbum fecit, quoniam dicitur feruescit; aut deriuatione, ut à cura curaturam Terentius deduxit; aut coniunctione, ut expectorat, omnipotens, veliuolum, quæ poëtis sunt familiarissima; aut nominis fictione, velut mugire, rugire, balare. Tunc autem sunt noua, cum primùm excuduntur. Quorum quidem faciendorum semper fuit in poëtis maior licentia, quàm in oratoribus. quoniam poëta ad certam pedum necessitatem compulsi, & semoti à recta quasi via eloquendi non quædam modò verba mutare, sed etiam extendere, corripere, conuertere, diuidere coguntur. Itaque illorum est totus, qui dictionem transformat (ut Græcè dicam) μεταπλασμός. Sed translata præcipuè tamquam stellis notant, & illuminant orationem. Est autem translatio, quæ à Græcis μεταφορά dicitur, tropus à propria significatione ad non propriam verbum per similitudinem transfereus, ut saxi de vertice, gannire hominem, scatere siluas, viridis ætas, indignatur Araxis. Transferunt autem verba vel inopia, ut sitire agros, gemmare vites, latas segetes, laborare fructus dicimus,

quia propria non habemus; vel maioris significãtia, ut inflammatus amore; vel decoris gratia, ut concionum procella, flumen orationis. In quibus primum omnium fugienda est dissimilitudo. etenim qui cali fornices dixit, non vidit in sphaera fornicis similitudinem non inesse. tum reprehenditur longius euocata similitudo: siquidem Cicero mallet dici scopulum patrimonij, quàm syrtim. quinetiam repudiatur angustius verbum, nimirum dixeris melius vetas, quàm abnutas; nec durius probatur, veluti capitis niues: quod oratores interdum solent aliqua praposita dictione emollire. postremò aduertendum ne qua insit in simili turpitude, sordidumue suspicio, ut in his, castrata resp. morte Camilli, & Glaucia stercus curiae. Sed enim summa laus translationis est, ut animum feriat, & huc illucque moueat: qui celer animi motus per se ipse deletat. Et quoniam ex omnibus sensibus, qui tamquam nuntij ea quæ percipiunt, ad animum deferunt, acerrimus est oculorum in conspectu mentis ea ponens quæ vidit, ad hunc maximè translationem verborum admoueamus. Cùmque pœta sit ut in priscis minimè parcus, sic in translatis maximè audax, tum verò audacior esto in his quæ suauitatis, claritatis, splendoris, & ornatus gratia transfert. Quorum ea mihi videntur mirum in modum elata, quæ his rebus quæ sentiendi vi carent, sensum & mentem attribuunt, ut — pontem indignatus Araxis. At ex pluribus translatis verbis fit allegoria, quæ aliud dicit, aliud vult intelligi:

Sed nos

Sed nos immēsum spatio cōfecimus æquor.

& Horatius,

O naus referent in mare te noui  
Fluctus.

quæ cauendum ne pluribus translationibus obscuretur. Ideoq. parcius ea nobis utēdum est. Et μεταωνυμία, siue ὑπαλλαγή dicta à Latinis transmutatio, aut transnominatio nomen pro nomine ponēs orationi magnum splendorem & ornatū accersit. Nam pro re inuenta inuentorem subiicit, Tum Cererem corruptam undis; & pro eo quod cōtinetur, id quod continet, Nunc pateras libate Ioui; & id quod efficitur, pro eo quod efficit, Pallenēsq.ue habitāt morbi; & contrario modo verba immutat, Vinum precemur, videlicet Bacchum, quod est quidem durius, & Vina coronant, & Melior remis; atque etiam eleganter à re possessa nomen ad possessorem traducit,

Iam proximus ardet Vcalegon. Cui finitima est συνοριον, Latinè intellectio, quæ aliud ex alio intelligit, aut ex parte totum, Puppēsq.ue tue, pubēsq.ue tuorum; aut ex toto partem, Fontēmq.ue, ignēmq.ue ferebant; aut ex forma genus, Quicumque Bithyna laceßit Carpathium pelagus carina; aut ex uno plures, Hostis habet muros; aut ex materia opus, Ferro accinctus, aut quocumque modo aliud ex alio intelligit. Abutitur etiam interdum verbo licentius poëta breuem pro paruo dicens, & pro magno grandem, & pro conficere edificare: quamquam hæc omnia quodammodo translata videntur. Igitur singulorum verborum ornatus existit ex priscis, nouis, & translatis; quæ præ ceteris  
ad ora-

adorationis laudem & cultum pertinent. At continuatio verborum certis numeris & modis (ut supra ostendimus) alliganda est. In qua (ne dicam esse fugienda vitia corrupti sermonis, & obscuritatis. nam ad laudem non satis est culpam vitasse; virtutes multæ requiruntur) ita debent verba collocari, ut neque sit asper, neque hiulcus, nec disfluens, dissolutusve concursus. Cuius rei sunt indices aures ipsæ non agrestes, sed humana & culta; quæ ledantur horridis, offendantur vastis, respuant inconcinna. Asperiores literæ simul iunctæ durum sonum, concurrentes coherentesque vocales hiantem reddunt. Percussiones vero intervallorum si dictionibus terminentur, laxum & solutum, ac subsultans carmen efficiunt: contra viriliter incedit, cuius dictiones pedum structura quasi nodis constringuntur. Permutatio quoque pedum quantum variat orationis formam ex dissolutis apta, ex aptis faciens dissoluta! Quod iudicium ordinandi verba ita ut extet concinnitas aptior, & ad rem exprimendam accommodatior, natura in auribus posuit: quæ ad carminum summorum poetarum sonum assuefaciende, non inculte relinquenda sunt: quemadmodum qui in silvis & agris educantur, expertes fiunt civilis consuetudinis & morum. Quid de virtutibus & ornamentis loquar, quæ afferuntur orationi ex ipsa collocatione verborum? Longum certè, & arduum opus, quodque maiore doctrina, acriore iudicio, usu indiget longiore. Quanta nitet ex circumlocutione maiestas! quæ id quod paucioribus verbis dicitur, pluribus explicat, & grauioribus! Elata sanè

sanè dicendi figura, & summoperè culta à poëtis,  
& illorum ferè propria,

Et iam prima nouo spargebat lumine terras  
Tithoni croceum linquens aurora cubile.

*Quid Hyperbole, quæ rem incredibiliter tollit, quã-  
tum extollit orationem, quantàmque in admiratio-  
nem animum rapit poëtis vsitatissimal*

—geminique minantur

In cælum scopuli. *Quantus epithetorum or-  
natus, cùm rem exprimunt, & illustrant! tristia  
bella, puniceus color rosæ, aspera nigris æquora ven-  
tis, alma Venus, umbrosa ripa, silens nemus: quæ  
sunt gratiora, cùm translatione decoratur. Tot præ-  
terea sunt verborum conformationes, & ornamen-  
ta sententiarum, quibus illuminatur oratio, ut illis  
explicandis maiore studio & labore opus sit. Sed &  
ipsi dicendi magistri horum definitiones & exem-  
pla subtiliter & copiose explicant, in poëtis, quorum  
prior exitit orationis cultura, quàm in oratoribus  
amplius notata: à quibus non pudebit nos repetere  
eos fructus quos ex poëtarum libris collegerunt.  
Non possum tamen quosdã non irridere qui verba  
de industria traiciunt; unde potius obscuratur id  
quod dici volunt, quàm intelligitur; multa etiam in-  
ania inculcant, & tamquam in rimas inferciunt  
non ornamenta carminum, sed complementa, &  
quædam quasi fulcra, quibus structura verborum  
& ædificatio sustineatur sine ullo delectu, ornatu,  
& decoro. At in poëta (ut summatim loquamur)  
qui sese ab initio ita comparare debet, ut aures om-  
nibus insidiis capiat, lecta verba esse debent, sonan-  
tia, &*

tia, & grauiā, multisque conformationibus temperata; verborumque continuatio elegans, ampla, fluens, ornata figuris, distincta luminibus, apta modis, cadens iucundè, explens aures, grauitate, maiestate, venustate condita, nihil insolens, nihil ineptum, nihil asperum & horridum habens, omnia nitida, omnia decentia, omnia ratione & arte moderata. Quoniam verò debet oratio rebus conuenire, & res alia graues & elata natura sunt, alia tenues & demissa, alia mediocres; dicendi quoque facies, χαρακτήρ Gracè, effigies inquam rei non una est, sed alia sublimis, alia humilis, alia temperata. Ergo tria genera dicendi; ἀνδρῶν, magnam, graue, uber, amplum, generosum & summum; ἰσχυρῶν gracile, subtile, tenue, humile & demissum; μέσων medium utriusque particeps & temperatum. Amplum illud & copiosum genus maiestatem verborum, grauitatem sententiarum, illustria ornamenta, constantem & elaboratā concinnitatem amat; in tenui simplex, lenis, pura, & de medio panè sumpta oratio, nec in delibandis floribus dictionis occupata; at medium neque fluit, ut tenue, nec incedit, ut graue; neque planum, ut exile; neque tumidum, ut grande, inter utrumque consistit, & permulcens auditoris animum leni lapsu peruoluitur, nitida & quadrata oratione compositum, floridum totum & amœnum, & verborum ornatu & numerorum sono iucundum. Sunt tamen cuiusque generis propria quaedam vitia, tamquam scopuli, euitanda. Nam in graui timor per se ipse fastidiosus & insuauis est; nec grata est nimia diligentia, qua mollem & enervat-

*eneruatam reddit orationem. Cuius rei gratia fugienda est παρολνλία, quæ plura quàm necesse sit, & insolentius quàm deceat, exquirens minus efficit quàm debet, quoniam plus audet quàm par est. Verùm tenue siccitate, velut macie, tabescit; ut quæ illud grande genus orationis fertur ingente strepitu & fragore, sic humile hoc insistit, & in ipso cursu languidum & iners subsidet. Itaque medium genus mediocritate sua contentum nec trepidat remitti, ne gracile fiat & exile; nec affectat attolli, ne superbius exultet. Præclarèque Horatius*

—sectantem leuia nerui

Deficiūt, animi quæ; professus grādia turget.

Serpit humi tutus nimiū, timidusq. procelle.

*Siquidem, ut idem inquit,*

In vitium ducit culpæ fuga, si caret arte.

*Tot igitur dicendi genera sunt, & in his ipsis generibus quidam gradus. Nam & infimum quandoque attollitur, & demittitur interdum graue, prout res ipsa desiderat: sicut tamen ut ille grauis dignitatis sue meminerit, & spiret etiam in paruis magna; & tenuis exilitatis sue in magnis non obliuiscatur. Quàm grauitè & ornate in Aeneide Virgilius formicarum atque apum officia describit!*

Feruet opus, redolentque thymio flagrantia mella.

*& de Deo loquens in Bucolicis non tonantem illum, non fulgurantem facit, sed quàm aptè ad rem inquit!*

Ille meos errare boues, ut cernis, & ipsum

Ludere quæ vellem calamo permisit agresti.

*Neque*



*Neque illud negligendum est, quod monent prudentes quidā viri, ut poëmatīs partes omnes equaliter ornemus, ne nimius splendor unius alterius nitore officiat. Atque etiam rectè præcipit Aristoteles, ne quæ partes morata & sententiarum gravitate nobiles per se sunt, insigni verborum ornatu illustrentur, quo maiestatem rerum & splendorem amittant: illuminentur verò splendidioribus verbis minus morata partes & sententiarum pauperiores, ut saltem orationis pulchritudine commendentur. Quæ verò (ut Horatius consulit)*

*Desperas tractata nitescere posse, relinquo.*  
*Nihil enim patimur in poëta quod perfectum per-*  
*politumque non sit. & cum cetera exornaueris,*  
*tandem caue, ne illud ex eodem poëta dicatur,*

*Infelix operis summa, quia ponere totum*  
*Nesciit.*

*Quod potior imitationis cura, quàm*  
*carminis habenda sit.*

#### CAP. XVIII.

**Q**UOD si maior est habenda rerum cura, quàm verborum, quæ significationes sunt rerum, illasque prouisas sequuntur non inuita, poëta primum omniū fabulam sollerter excogitet, disponatque prudenter, ut quæ maximè vim, officium, & finem poëseos, quo nihil est in omni re maius, attingat. Etenim si poëta munus est humanas actiones imitari, certè studium imitationis in poëta præcipuum esse debet: Nec ipsa imitatione quicquam difficilius



*difficilius est. cuius laudem pauci ac vix unquam plenè assecuti sunt. Atque ut potissimum lineamenta spectantur in pictura, sic in poemate fabula. Tota igitur materia primum inuenienda; deinde disponenda, ne cogitationibus nouis interuenientibus constitutio fabula perturbetur; postremò verborum ornatu vestienda est. At verò ingenium suum quisque rectè cognoscat, ut intelligat in quam rem natura feratur: ne quid tum inuita Minerva. Diligenter etiam vires suas examinet, ut ne quod negotium sustinere non possit, inconsideratè suscipiat. Quod totum Horatius illis versibus apertè nos docuit:*

Sumite materiã vestris qui scribitis æquam  
 Viribus, & versate diu, quid ferre reculent,  
 Quid valeant humeri. Cui lecta potenter  
 erit res,  
 Nec facundia deferet hũc, nec lucidus ordo.

### De pulchritudine poematis.

#### C A P. XIX.

**S**ED de fabula & carmine opinor iam satis. Reliquum est, ut, quando poetica vim, naturam & formam quasi typo expressimus, illius pulchritudinem paulisper animo & cogitatione intueamur. Equidem pulchrum à dulci non separo, sed poema perfectum, & omnibus numeris absolutum cum Platone pulchrum appello: cui pulchrum & perfectum idem est. Est autem pulchritudo apta par.

E tium

tium inter se quodam cum lepore cōiunctio. Quam duplicem volunt; vnā animi, quæ est ipsa honestas, eadēque est sapientia; quæ incredibiles amores excitaret sui, si cerneretur; alteram corporis: atque hanc vel visu capi, vel auditu, quæ harmonia dicitur. Sanè Aristoteles duabus rebus constare pulchritudinem inquit; magnitudine, quæ est iusta partium moles atque mensura; & conuenientia, quæ est debita membrorum inter se compositio: sed Plato etiam coloris quandam suauitatem requirit. Quæ nisi insint in pœmate, pulchrum esse non poterit. Eius magnitudo est debita fabulæ moderatio, ne maior, minörue sit, quæ memoriæ vim aut superet amplitudine, aut fugiat exiguitate. Et ad totius conformationem rata proportionē respondere partes inter se debent, ne fabula in caput excrescat; & tragædia prologo absumatur. Accedit compositio, quæ partes suo quamque loco disponit: quarum conspiratio totum opus apta coniunctione conformat. Vltima est suauitas non in imitationis modo, verum etiam in carminis ornatu & venustate sita. Ac fabulæ quidem magnitudinem, & compositionem animus; orationis verò concentum & suauitatem, numerorum iudices aures percipiunt. Et non secus ea quæ formosa sunt, aut utilitatem, aut voluptatem, aut utramque simul (ut censet Plato) afferre solent; sic decora & ornata pœsis prodest, simul atque delectat. Verum enimuero nihil est inter mortales omni ex parte perfectum; neque vllum pœma vnde quaque absolutum. Sed ut in formoso ore sæpe quidam sunt  
næui,

*neui, qui non agrè inspiciuntur; sic parvis maculis alioquin elegantis & concinni pœmatis non facile vir prudens & eruditus offenditur. At quis obsecro prauum nasum ferat, quamuis oculi sint venusti? Quod si panegyricam orationem Isocrates annis decem limauit; si Plato Dialogos suos natus annos octoginta nondum emiserat, ut nihil prodiret, nisi castigatum ad vnguem; quanto maior in emendandis pœmatis adhiberi diligentia debet, quæ sunt ipsis dialogis & orationibus præstantiora? Itaque ille meritò præcepit,*

—nonumque prematur in annum.

*Non equidem si mediocres artifices sustinemus, pœtam etiam feremus in mediocritate consistere: cui non multa licent; cui non quæuis sententia, non qualibet vox, non quæcumque iunctura & numeri conceduntur; cuius diuitiæ non in copia positæ sunt, sed in electis opibus consistunt; in quo perpetuam quandam magnificentiam, grauitatem, auctoritatem, magnitudinem, & sententiarum atque verborum amplitudinem desideramus; quem postremo in omni re volumus excellere: quia non approbationem solum, verum etiam mouere debet admirationem; quæ in hominum animis dominatur & imperat. Itaque*

—mediocribus esse pœtis

*Non homines, non dij, non concessere columnæ.*

*Quamobrem si Cicero bonos perquamdiu nullos, vix autem singulis ætatibus singulos oratores scribit inueniri tolerabiles; cui mirū erit, si multis seculis*

vix unum pœtam bonum reperiamus ? Sed hoc quidem est è diuina quadam magis , quàm ex humana facultate , ut quis magno ingenio præditus , non vulgari doctrina eruditus , omnium magnarum rerum & artium cognitione instructus humanas actiones prudenter & ornatè imitetur & explicet . Non igitur absque ratione pœtam eadem laurea corona qua imperatores , utpote singularem & perfectum virum , donauerunt.

IO. AN-



# IO. ANTONII

## V I P E R A N I

### DE POETICA

#### L I B. I I.

De poematum differentiis.

#### C A P. I.

**I**BRO primo disputata sunt ea quæ omnibus poeticæ formis communia sunt : hoc altero propriam cuiusque rationem speciatim & definitè trademus. Sed illarum prius inter se discrimina ostendemus ; quorum alterum in his quibus effingimus ; alterum in his quæ finguntur ; tertium in modo fingendi positum est. Primum vim habet instrumentorum , medium materiæ , postremum formæ. Ad primum illud Harmonia, Rhythmus, siue Saltatio, & Carmen veniunt : quibus poëta vel promiscuè simul omnibus, ut Lyrici & Dithyrambici ; vel separatim, ut Tragici atque Comici (quamquam Comædiæ chorus, penes quem erat saltationis usus, ob nimiam maledicendi licentiam postmodum interdictus fuit) vel illarum aliqua tantum utuntur, ut Epici, quos saltationis & harmoniæ cura non attigit. Altera, quæ ex re oritur, differentia humiliorem fabulam, qualis est Comædiæ, à grauiore ceterorum panè generum imita-

tione discernit. Quod verò ad modum fingēdi pertinet, vel poëta solam personam sustinet, sicut Lyrica poësis, & Dithyrambica sapē; vel absque poëta persona aliorum inducit, quemadmodum Tragœdia, & Comœdia; vel cū poëta aliorum personas admittit, non secus atque Epopœia semper, & interdum illa quæ cum carmine vsurpāt rhythmum, & harmoniam. Quibus rebus quidam adducti poësim in tria genera secuerunt, videlicet ἐκφυριστικὸν, quod narratiuum dicunt; δραματικὸν, quod actiuum vocant ab agentibus personis, & à colloquentibus διαλογικὸν μικτὸν, quod ex utroque est mixtum. Quæ quidem ego potius cum Aristotele fingendi modos, quàm poëtica formas esse crediderim. Formæ enim plurimum inter se differunt, neque alia in aliarum possessionē venire, aut transferri potest. quòd si poëtica formas & Tragœdiam, & δραματικὴν facimus, ac rursus Tragœdiam δραματικὴν esse dicimus, quis non videt formas inter se perturbatum iri? at differentiarum modi permisceri, & conuenire inter se possunt.

## De Epopœia.

## CAP. II.

NUNC Epopœia naturam explicabimus, quæ ceteris & grauitate rerum, & sublimitate carminis antecellit. Cuius vox Græca ab ἔπος & ὄρον deriuata, quorum illud vel verbum, vel carmen, hoc facere, seu fingere significat, omnem vel soluta oratione, vel carminibus expressam fictionem significat. qua communi nominis deductione compositores

sitores dialogorum, & poëtae quilibet Epici vocari  
 possunt. Ac quemadmodum ἔπος licet omnem locu-  
 tionem signet, præcipuè tamen notat à dignitate di-  
 ctionem poëtae, quod est carmen; sic etiam sæpe car-  
 men hexametrum ob stabilitatis, grauitatis, &  
 magnitudinis excellentiam commune nomen pro-  
 prium facit: ipsi etiam conditores hexametri car-  
 minis, qui poëtarum nomen sibi vindicarunt, ob  
 præstantiam epici nuncupantur. Vocantur quoque  
 alia ratione Heroici, quòd heroum actiones imiten-  
 tur: unde etiam carmen hexametrum à maiestate  
 & amplitudine heroicum dicitur. Nec quicumque  
 hexametra componet, heroici nomine dignus existi-  
 mabitur, si non graui oratione describat illustrium  
 virorum actiones; ni ab orationis ornatu potius he-  
 roicum dictum velimus: ut Eustathius ἐποποιουὺς  
 inquit ὀνομάσαι τοὺς ἐν τῷ ἑξαμέτρῳ τόνον ἡρωί-  
 ζοντας. Hoc genus poëtica Suidas perscribit his  
 verbis: ἡδ' ἡρωϊκῆ μέτρῃ ἰσορία, καὶ γὰρ σεβασμένη  
 μύθου πόινσις ἐποποιεῖται ἐς ἡν. Sed qualis erit hæc  
 poësis, à qua fabulam, tamquam animam à corpore,  
 disiungunt? aut quæ historia carminibus scripta  
 promerebitur umquam nomen poëmatis? Alij defi-  
 niunt θεῶν τε, καὶ ἡρώων, καὶ ἀνδραποπίων πρα-  
 γμάτων ἐμπέριον ἔχον. Sed neque Deorum propriè,  
 neque omnium hominum actiones hæc poësis ample-  
 ctitur. Nos verò illam his verbis circumscribimus:  
 Poësis, quæ solo carmine hexametro utens illustres  
 actiones imitatur narrando, epopœia est. Nam poë-  
 sis non est, quæ nullam actionem imitatur; illustres  
 verò actiones illam distinguunt à Comœdia, &



narratio eam quoque secernit à Tragædia, in qua, ut in Comædia, res aguntur, nō narrantur; hoc autem, quod solo carmine, & illo quidem hexametro utatur, à reliquis generibus separatur. nam illa etiam rhythmum & harmoniam adhibent aut promiscuè, aut sigillatim. Et hexametrum quidem carmen dramaticis fabulis minus idoneum visum est; sed iambus, qui sponte in omnem sermonem incurrit, habitus est aptior. Porro in epopæia personæ inducuntur graues, quales heroës, reges, duces; res finguntur excellentes, quales præsertim sunt bellicæ; sententiæ excogitantur illustres, verba delinguntur grandia & ornata, verborumque compositio apta & numerosa exquiritur. Atque Horatius illis versibus,

Res gestæ regumque ducumq. & tristia bella  
Quo scribi possent numero, môstrauit Ho-  
merus.

& materiam; & carmen epopæiæ docet Homeri exemplo; qui heroicum carmen, sicut Orpheus lyricum (ut Plutarchus scribit) fertur primus inuenisse; solusque est ante Virgilium, qui hoc carmine dignè, qui legeretur, heroum facta depinxit.

Quæ in epopæia nonnulli requirant.

#### C A P. I I I.

**T**V M in epopæia querunt docti quidam viri quatuor ista, veterem memoriam rei sue historiam, imitationis allegoriam, hexametrum carmen, & dictionem rebus accommodatam. Sic Virgilius

gilius aduentum *Aeneae* in *Italiam* à rerum scriptoribus est mutuatus. Quod opinor factum à poëtis, ut ex commemoratione antiquitatis fabula plus fidei haberet. Et vero simile est regum magna quaedam factiora peruulgata esse, non obscura, eademque ratione tragædiarum argumenta nota sunt & illustria: contra Comædiarum, quia humiles & ignobiles actiones imitantur, ignota. Quoniam igitur argumenta sumunt ab historiis, quamuis multa suo iure fingant, aliūque ordinem contexant, nullo tamen pacto à publica memoria dissentire debent, ne veritati contraire videantur. Nec *Virgilius* reprehensione caruit, quòd *Didonem* honestam & castam mulierem impuram & impudicam fecerit, & amore captam *Aeneae*, quæ longè ante *Aeneam* vixerat. Sed cum quidam defendere conātur, quòd in *Episodiis* & id quidem sinxerit, quod logis temporum interuallis obscuratum, ac penè obrutū nullius memoria refelli potuisset. Quod si varia fortasse ab historicis scribantur, poterit tum cuius voluerit auctoritatē liberè sequi. Neq. idcirco non erit actionum imitator poëta; sed rerum pronuntiator. Nam ita rem adumbrat, & alia quadā facie cōformat demendo, addēdo, transferēdo, ut nouo & ficto actionum ordine atq; contextu historiae figuram in poëmaticis imaginem speciemq; conuertat. Mox allegoria res inuertit, & à definita ad communem rationem trāsferit. Etenim poëta licet ab historico res certas & singulares accipiat; tamen (ut loquar eorum more qui logici appellantur) ab indiuiduis ad formas & genera sese traducit, explicatque

*in definitis personis vniuersam rerum imaginem: sicut Virgilius ( ne ab hoc summo apud Latinos poëta discedamus ) non vt singularis cuiusdam ducis res ab Aenea gestas exponit, sed exemplo Aeneae p̄i regis atque magnanimi simulacrum effingit. Et quoniam poëtae studium in eo præcipuè positum est, vt rebus fictis rectam viuendi rationem doceat, quàm pulchrè idem Virgilius toto opere ἀλλήγορικῶς virtutis viam describit! cuius radices (vt quidam loquitur) amarae sunt, fructus verò suauis.*

*Per varios casus, per tot discrimina rerum  
Tendimus in Latium; sedes vbi fata quieras  
Ostendunt.*

*Quam rem illis versibus iam omnibus penè notis  
Hesiodus etiam docuit:*

*τῆς δ' ἀπετῆς.*

*Et Aeneas post infinita propè terra marique discrimina superata Italiae regno potitus conquieuit. Carmē verò hexametrum, quod Pythium ab Apolline inuentore dixerunt, Et ab orationis ornamento heroicum, propter stabilitatem Et amplitudinem, quia latiore seu tardiore mensura motūque incederet, sonarētque quid grādius, quod ipso sensu percipitur, Epopæiae, quae est mera narratio, aptissimum iudicatū est. Hoc Orpheus, Linus, Homerus in hymnis quoque vsi sunt; hoc etiam ad amores, sed tragicos Musaeus; hoc praeterea Hesiodus, Nican-  
der, Aratus, Oppianus narrationes Et praeceptiones suas plenè Et eleganter explicarunt. Denum heroicam maiestatem decet sublimis dictio; quae verborum grauitate rerum amplitudinem exaequet.*

*De na-*



obrem epicus pœta (quod antea præcepimus) unam primò fabulam ingeniose conformabit, càmque variis episodis & digressionibus intextis delectationis gratia & ornatus, quoad eius fieri poterit, augebit, ornabitque rerum mirabilium fictionibus; quæ à verisimilitudine commendentur, & loco appositæ suauem pariant admirationem. Equidem si in vlla (quod antè dictum est) in hac maximè pœsi, in qua narrantur res, non agitur, datur liberior mirabilia fingendi facultas. Ad hæc fabula epopœia vel connexa, velut *Odyssæa*, in qua *Vlysses* agnoscitur, agnitusque extemplo rerum domesticarum statum in meliorem ex deteriore conditione reducit, vel sine agnitione, aut peripetia simplex erit, cuiusmodi est *Ilias*, & *Aeneis*: in quibus si aliquorum est vel agnitio, vel fortuna commutatio, ad episodiorum rationem illa pertinet; ipsa tamen fabula neque agnitione, neque peripetia ad exitum perducitur. Erit præterea vel morata, quæ magis in describendis moribus laboret; vel pathetica, quæ cadæ & vulneribus vehemētius animos permoueat. Ac quædādo licet fabula connexa magis conuenire videatur; tamen in alterius fabula genus non intempestiuè aliquando etiam accersitur. At mores vniuscuiusque personæ probitatem ipse præ se ferens vbique pœta sic exprimet, ut cuiusque vitæ consuetudinem ante oculos ponat aut virtute laudabilem, aut vituperabilem vitio, semper decoro personarum, locorum, & temporum sapienter seruato, & modo in benefactis cōmendandis, & in reprehendendis malefactis adhibito. Vnde multa legisse, multa audiuisse, multa vidiisse, multa tractasse,

etasse, multa obseruasse, multa animo & cogitatione percurrisse necesse est eum qui omnium mores vitæque describit. Quod si quid fabule constitutio secum interim afferat turpitudinis, vel leniter illud tanget, vel dissimulabit acutè, vel sapienter obscurabit: neque, dum vitia reprehendit, obscenis vocibus utatur, quæ memoria voluptatum animum turpiter afficiant. Quid enim turpius? quid indignius est homine graui impudica oratione? Ac parum certè sapuit, qui Virgilium tamquam nimis castum notauit. Profectò qualis est cuiusque animi affectus, talis etiam est eius oratio. Nec quæ de moribus altero libro præcepta sunt, repetenda hîc arbitror. Et sententia (ut suprâ dictum est) cuiusque mentem & sensum exprimere debet: eamque personis pro sexu, ætate, conditione, studiis conuenire iubet lex decori. Neque solum cum actionibus, verum etiam cum verbis mores, & sententias congruere oportet. Dictio grauis & ornata (quod sæpè diximus) & verborum collocatione numerosa desideratur, quæ rem ipsam suo quasi sono exprimat. Nec, si res humiliores inciderint, orationis formam variabit; sed eandem styli legem tenebit, quam sibi primùm imposuit. quamquam leuium personarum ea scribet opera & officia, quæ fuerint in illis grauiora; atque ea quoad res patietur, dicendo attollet: sic contrâ in infimo genere dicendi res magna oratione ipsa deprimuntur. Et quando copiosius de elocutione suprâ disseruimus, satis erit hoc loco monere, ne epicus alio versuum genere, quàm hexametro, utatur; quod narrationi aptissimum esse demonstrauimus.

De par-

## De partibus Epopœiæ.

## CAP. V.

**P**ARTES epopœiæ post eius naturæ explicationem docendæ sunt, quæ ab huius artis scriptoribus tres numero traduntur, Propositio, Inuocatio, Narratio. Sed poëtarum aliqui consueverunt proœmio, tamquam citharæ di *προαυλίω*, uti; quod à iusto & legitimo carmine separatur. huiusmodi est illud Virgilij ab aliis deinde sublatum,

Ille ego qui quondam.

*Vbi videtur Arabum, Chaldeorum, ac Prophetarum morem imitari, qui statim in operum principis sua nomina adscribunt. Quod liceátne fieri dubitationem fortè aliquam habet: sed quoniam id neque ordinem poëmatis inuertit, neque pars vlla est operis, sequetur quisque quod volet. Propositio brevis est fabulæ ostensio: in qua id præstat poëta quod orator in exordio, nimirum docilitatem, quæ dicendorum finem ostendit. Quamobrem cum una & simplex fabula sit, quónam modo propositio, quæ illius exitum finémque demonstrat, res plures atque dissimiles complexu suo recipiet? Nec equidem Virgilij Georgica, quorum propositione res diuersæ continentur, poësim esse dixerim, cum fabula careant, neque ad vllum genus poëtica referantur: neque illum in Aeneide reprehendi iure posse existimauerim, quòd multa & diuersa proponere videatur. Nam etsi arma, virúmque cantaturum se dicit, non tamen varias actiones complectitur; quarum non sit idem exitus. Non enim arma à viro se-  
iunxeris:*



*iunxeris: neque ille omnia viri facta pronuntiat, sed quæ ab euerso Ilio passus est, donec in Italiam promissam sibi sedem peruenit; ubi aduersantem sibi Turnum magna virtute sustulit. Quæ omnia ad unū eundemq. finem conferri vides. Quid est enim in illo, quod ab hoc fine vagetur & erret? Quid? si (vereor ne cuipiam aut impudentior videar, aut curiosior) propositionem cum inuocatione Homeri modo coniunxisset hoc pacto,*

Dic mihi Musa virum Troiæ qui primus ab  
oris,

*num unitatem fabulæ (ne quid de moderatione verborum loquar) melius & apertius indicasset? Atque ut simplex, ita etiam brevis debet esse propositio, quæ rerum fastigium absque multitudine verborum attingat. Non enim auditor in propositione detinendus est verbis: qui ubi rerum exitum, & scopum didicit, ad narrationem festinat. neque tamen ea verba decidenda sunt, quæ si subtrahantur, res obscuratura sint. Ad hæc pœta longius proponere non debet, quàm res ipsa postulat. Tunc autem longior propositio videtur, cum ea proponit quæ post exitum fabulæ euenisse creduntur. Ideoque illa apud Virgilium,*

—genus vnde Latinum,

*Albaniq.ue patres, atque altæ mœnia Romæ, extra descriptionem fabulæ sunt, in Augusti populique Romani gratiam dicta. Nam res Albanorum & Romanorum non sunt coniunctæ cum fabula. Neque velim putes Virgilium ad Augusti usque tempora opus suum perducere voluisse: siquidem*  
(ut omit-

(ut omittam quòd illarum rerum fabulam nullam videmus) in incredibilem magnitudinem opus excreuisset, si illud Episodiis, & digressionibus (ut par erat) amplificasset, & ornasset; aut, si breuiter omnia sine ullo ornatu perstrinxisset, quàm arida, quàm insulsa, quàm dissimiles à prioribus reliquæ pœmatis partes extitissent? Præcipiunt quidam hoc loco, ne proprium nomen in propositione ponamus, sed illud circumlocutione explicemus, quo res magis exponatur. quo modo non *Vlysses* dixit *Homerus*, sed (ut utar Latini pœtæ verbis)

—virum, captæ post tempora Troiæ

Qui mores hominum multorum vidit, & vrbes.

Qua circumlocutio si obscura fuerit, eo loco maximam obscuritatem afferet, ubi maximè docilitate & perspicuitate opus est. Atque etiam illud addunt, ut, si circumlocutione uti nolimus, pro proprio nomine patronymicum locemus. Verùm etiam cum proprio nomine coniunctum patronymicum legitur apud *Homerum* in *Iliade*. Potius illud præcipiendum erat, quod etiam *Rhetores* in exordiis præcipiunt, nihil magnè sonandum in propositione, non elata verba, non promissa grandia, sine affectata diligentia, sine vlla ingenij aut doctrinæ venditione, ut grauiter & ornate semper insurgat oratio. Quod *Horatius* scitè monuit,

Nec sic incipies, ut scriptor cyclicus olim,  
Fortunam Priami cātabo, & nobile bellum.  
Quid dignū tāto feret hic promissor hiatu?  
Parturient montes, nascetur ridiculus mus.

& Ho-

& Homerum adeò commendauit, qui grauis sine fastidio & arrogantia,

Non fumum ex fulgore, sed ex fumo dare lucem

Cogitat, vt speciosa dehinc miracula promar.

Nec certè nō semper propositione vtetur poëta. nam licet orator cum qui audit, non curet docilem interdum facere, cum res aut nota est, aut parua; tamen, qui magna dicturus est, atque incognita, semper proponet. Rem propositam sequitur inuocatio, quæ diuini numinis est imploratio: quoniam dicturum res magnas, nec antè auditas decet vel à Musis, quarum vi poësis excitatur, vel à Diis, præsertim iis qui præesse dicuntur his rebus quæ proponuntur, auxilium petere. Sic Lucretius cum de natura scribere instituisset, Veneris numē implorauit procreationis authorem. Id quod parat beneuolentiam poëta, vt qui Deorum inuocatione fastidium à se depellat; & attentionem gignit magnitudine rerum, vt quæ sine aliquo celesti afflatu explicari non possint. Quidam virorum illustrium potestatem, quasi Deorum numen ambitiose nimis obtestati sunt; sed tunc maxime temporis, cum Imperatores orbis tamquam superi omnium rerum domini, & moderatores colebantur. At verò Græci inuocationem cum propositione coniunxerunt, Latini separarunt; quamquam Latinorum aliqui Græcos imitari maluerunt. Non dicam quod Protagoras Homerum reprehēdit, quod in propositione Musam inuocasset; quoniam prius proponenda sunt ea quo-

rum gra-

rum gratia Musarum auxilium exposcendum est. Est enim levis reprehensio. At Lucanus, quamvis inter historicos potius, quàm inter poëtas annumeretur, non statim propositioni inuocationem subiunxit, sed prius in bellorum plusquam ciuiliū acclamationem & execrationem aliquanto digressus est. Quam conquestionem miror à quibusdam vocari narrationem. Præterea usus inuocationis non solum in principio, sed in aliis quoque locis est. Enimvero quod oratori datur in ipso cursu orationis, cum locus postularit, renouare beneuolentiam, & attentionem, idem etiam licet poëta vel ob aliquam rei nouitatem exortam, vel ob instantem aliquam rei grauitatem, & magnitudinem Deorum, seu Musarum opera iterum poscere. Non aliter Virgilius descripturus in sexto libro nunquam uisa & inaudita, neque ulli uiuentium nota loca rogat eorum Deorum facultatem & numen, quibus imperium est animarum, & maius opus mouens in septimo Musam orat:

Tu vatem, tu diua mone, dicā horrida bella.  
Post Deorum, seu Musarum inuocationem res proposita explicanda est: antequam narrationem sepe causa quadam vel à prima origine repetuntur, quæ viam ad ipsam narrationem muniunt, eamque reddant illustriorem: vides ante legitimam narrationem Virgilius causas odij Tanonis contra Troianos à capite renouauit,

Urbs antiqua fuit, Tyrii tenuere coloni.  
At fortasse exipiam non videtur epopœia sola narratione consistere, propterea quod alia persona loquentes,

quentes, & quasi agentes inducantur. Sed is certe non intelligit aliorum sermones, & actiones narratione poëta contineri, eiusque nomine omnia explicari. Atque is poëta magis commendatur, qui quàm minimum loquitur ex sua persona, semper autem alios imitatur; nã eius laus præcipuè in imitatione posita est. non autem, ubi ex sua persona loquitur, imitatur. Quod Homerus & Virgilius poëtarũ principes summa arte præstiterũt. Quamobrem epopœiam ipse, dum acrius vim eius & naturam contemplor, quoniam poëta solam personam sustinet, non mixti generis, quod ferè omnes aiunt, sed ἑνὴν μοῖαν esse puto.

Vnde principium narrationis in epopœia ducatur. C A P. VI.

**S**ED unde narrationis suæ principium epici ducant, non erit opinor inutile inuestigare; quandoquidem inter se plerique disputant, an à primis rebus, an à mediis, siue ultimis initium faciant. Ac nonnulli à mediis rebus, seu postremis exordium narrationis illos sumere existimant, ne historicorum similes esse videãtur, qui narrationem à summis rerum initis causisq; deducunt, solum ordinem rerum, temporũque seriãtes; cùm poëta non rerum gestarum habeant, sed narrantis personam rationem, siue suam interponant, siue fingant alienam. Referũtque Horatianum illud præceptum, Ordinis hæc virtus erit, & Venus, aut ego fallor,

Ut iam nunc dicat (*media, vel ultima*) iam nunc debentia dici

Pleraque (*nimirum prima*) differat, & præfens in tempus omittat.

(*vel in præsentia, & in ipso narrationis principio, vel in aliud tempus, quod videbitur fore commodius.*) Rem quoque exemplis probant Virgilij, qui ab Aeneæ navigatione è Sicilia in Italiam, & Homeri, qui ex eo tempore quo Vlysses à Calypso detinebatur, exorsus est. At quæro unde principium ducat in Iliade? à decimo inquit anno belli Troiani. Num igitur bellum Troianum decantare proposuit, an iram Achillis? Et quidem ipsiusmet verba iram Achillis habent, non bellum Troianum. Alioquin si bellum Troianum proposuisset, Aristotelis sententia poësim tum fecisset nimio longiorem, tum multa, & penè infinita rerum varietate perturbasset. Num igitur absurdè Horatius de Homero inquit,

Nec gemino bellū Troianū orditur ab ovo?  
Si quidem Achillis ira cum belli causis coniuncta est, cur non alius minus intelligens, & poëticarum rerum imperitus à belli principio, vel ab his quæ belli causis præcesserūt, narrationem exorsus fuisset? At Homerus ab ira, quas proposuit, causis exordium cœpit: reliqua, quæ ad bellum pertinebant, & perfecta iā erant, pulchrè & artificiosè interse-ruit. Nō igitur Horatius in scitè inquit de Homero,

Nec gemino bellū Troianū orditur ab ovo.  
Verū, ut clarius fiat id quo de quæritur, in primis statuendum est, quid sit epopæiae narratio. Est au-tem non

tem non rerum gestarum expositio, quæ historico-  
rum est propria, sed ficta cuiusdam actionis explica-  
tio. Non enim poëta narrat ea quæ gesta sunt, sed  
quæ geri debuerunt, vel potuerunt; ita ut rerum  
perinde ac gestarum illius narratio sit. Cuius illud  
est profecto principium, quod est præsentis fabulæ  
initium. Etenim ea quæ Epici imitantur, certo ali-  
quo temporis interuallo, unius videlicet anni, vel ad  
summum duorum aliqui circumscribunt, non secus  
ac tragædiæ & comædiæ fabulam unius diei, vel  
duorum ad summum, curriculo definiunt; quam rem  
in Homeri, & Virgilij poëmatis animadvertunt.

Quamobrem si ea quæ Epici imitantur, hoc tempo-  
ris spatio concludi possunt, cur non à primis, ut Ho-  
merus ab iræ causis, exordietur? Quod si plurium  
annorum ambitu continentur, tum vel ab ultimis,  
vel à mediis incipiet; prima verò, & media oppor-  
tunè intextet: quemadmodum tragici & comici non  
ea omnia imitantur per agentes personas, quæ ar-  
gumento commemorant, sed inde agere personas in-  
ducunt, unde res ad certam temporis legem venire  
potest: quæ verò antecedunt, ea explicant in prologo.

Dico autem prologum primam fabulæ partem, in  
qua res præteritæ ab actore aliquo edicuntur. quod  
in actu primò maximè sit, ut spectator ex præteri-  
tarum rerum cōmemoratione intelligat, quæ agun-  
tur. Profectò si ea omnia quæ argumento exponun-  
tur, per agentes personas effingeretur, non tragæ-  
diæ & comædiæ unius diei, nec unius anni, sed plu-  
rium esset epopœia. Licetque Aristoteles putet epo-  
pœiam non ut tragædiam aliquo temporis spatio



coarctari; tamen subest ratio; ut dum epici longio-  
 rem actionem habent, non altius principium ducāt:  
 ne si rem à primis initiis repetant, opus omni orna-  
 tu, & amplificatione denudent; sin amplificationi-  
 bus exornent, ad ingentem magnitudinem augeant.  
 Tunc igitur principium non sument ab his quæ  
 possunt in episodiorum locum venire, sed ab his siue  
 media, siue ultima fuerint, quæ præstantiora vide-  
 buntur in fabula, & ad reliquā imitationem com-  
 modiora: velut è Sicilia in Italiam nauigatio Vir-  
 gilianæ fabulæ principium fecit, quando nihil equè  
 proprium fabulæ esset, nihilque in ea præstantius,  
 quam ad Italiam accessio. In qua nauigatione subito  
 exorta tempestas ad rerum præteritarum episodia  
 viam dedit. Siquidem Aeneas vi tempestatis in  
 Africam iactatus roganti Didoni, cui ob tanta be-  
 neficia negare turpe & nefas fuisset, excidium  
 Troiæ, & post excidium labores & pericula, quæ in  
 illum usque diem perpeffus fuerat, enarrauit. Item  
 Homerus quo tempore Telemachus induci, & pro-  
 corum iniuria propulsari, & vindicari debebat,  
 Ulysses è sedibus Catypsius discedentem facit, atque  
 ad insulam Alcinae procellis eiectum. A quo beni-  
 gnè hospitio exceptus, agnitusque labores toleratos  
 Phaëcis recenset, indeque ad patriam breui na-  
 uigatione deportatur. Sanè præteritarum actionum  
 commemoratio mihi quidem (ut alibi dicebamus) in  
 principiis opportunior videtur, ut legentium animi  
 rem totam in initio addiscant, & præterita cogno-  
 scant, & præsentia videant, & futura expectent.  
 Licetque in describendis rebus pœta ut plurimum  
 suam

suam personam adhibeat, tamen in rebus gestis exponendis (sæpe inducit alienam: sed antè quadam præfari solet, quæ ad huiusmodi narrationes aditum aperiant. Nec interea me fugit Dionis Chrysostomi sententia, qui Homerum reprehendit, quòd non à primis opus inchoauerit: & nostris quoque temporibus admiror quosdam dubitare an hoc ab Homero rectè factū sit, cū istud Homeri artificium vir magni iudicii Horatius adeò extollat;

Semper (inquiens) ad euentum festinat (dum ultima dicere videtur) & in medias res,

Non secus ac notas auditorem rapit,  
(illustribus & ornatis episodis.) Quòd si qui nobis obiciant Ouidij exemplum, qui librum quem *μὲτα μύθοισιν* inscripsit, à mundi origine incepit, rerum ac temporum ordinem historicorum more secutus, sciant eo in opere Ouidium inter epicos non haberi; sed mea sententia debere inter historicos fabulosos annumerari. Quòd si etiam velint cū alicuius vita numerosa oratione scribitur, à natalibus ordiendum esse, nō me his certè nimium opposuerim, dum intelligant historicos se magis fore, quàm pœtas, quos imitatio facit, non carmen.

Quæ præcepta in narrando maximè seruanda sint. CAP. VII.

**V**T igitur ad epopœiæ narrationem reuertamur, pœta non undelibet incōsultò & temere, & gemino (ut dicam) ab ouo, sed ab aliqua re illustri, & ad fabulam accommodata initiū faciet,

eiusque extremum aliquo nobili exitu terminabit;  
 & ne satietate & fastidio similitudinis aliorum  
 animos à se alienet, tum episodiorum varietate, tum  
 rerum nouitate narrationem distinguet. Hac pro-  
 fecto magna virtus est narrationis, auditoris ani-  
 mum suspensum tenere, & quasi captiuum ad finem  
 usque perducere. Non dicet expectata, non rerum  
 exitus opinatos, & dicenda quasi digito demon-  
 strans, interim morabitur auditorem, ornando præ-  
 sentia; nec quacumque occurret imprudenter apprehendit,  
 sed hoc amabit (ut poeta verbis utar) hos  
 spernet promissi carminis author. Neque enim ex  
 rerum copiarudi & indigesta, sed ex elegantibus,  
 & electissimis opibus laudabilis poetarum quasi of-  
 ficina instituitur. Et quæ ille per se non poterit, per  
 fictam aliquam personam referet. Quantus ergo  
 erit in apparatu rerum futurarum, ut ad illarum  
 cognitionem desiderium excitet in animis audien-  
 tium? quoties apud Virgilium nauigatio! quoties  
 labores, & pericula! quoties bella horrida pradicun-  
 tur! sic ubique rerum futurarum semina aspergit;  
 & in presentibus auditorem non ingratis remora-  
 tur. Sed quantus etiam in rerum presentium orna-  
 tu? ut auditor & in istis lubenter commoretur, &  
 ad illa festinet? quantus denique in omnium rerum  
 varietate? nam & res dissimiles sollerter excogitan-  
 dae, & prudenter admirabiles fingenda, & eadem  
 sæpe res illustranda est multiplicibus ornamentis.  
 Fugienda semper est *κωλοπλῆξ*, ne aut verbis, aut  
 sententiis male affectatis tumeat & turgescat ora-  
 tio; quæ etiam vitiosa erit, si languescet, nec sui vesti-  
 gium

gium vllum in audientis animo relinquet. Neque si Rhetores tradiderunt narrationem breuem esse oportere, idcirco epopœia breuitati studebit. Oratoris enim narratio, qua tota generis est iudicialis, quæq; hoc solum spectat, ut iudex causam doceatur, rem breuiter debet exponere: epici verò narratio, quam nulla sequitur confirmatio, quæque ad auditoris voluptatem quesita est, amplificationem & ornatum exquirat. quamquam breuitas in epopœia quandoque laudatur, ubi quid est breuiter & concisè dicendum. ni tamen eam breuitatem intelligas quæ neque rem ab ultimo repetit, neque longius, quam opus sit, excurrit: quam sequi omnino debet. Postremo (ne probabilitatem, perspicuitatem, suauitatem, dignitatem, magnificentiam, aliâsq; narrationis virtutes sigillatim memorem, quarum præceptionibus omnium Rhetorum volumina referta sunt) erunt omnia verborum & sententiarum electione, venustate, nitore polienda & ornanda. Ne verò sententiosus partibus verborum splendor officiat, & ut minus sententiosa dictionis ornatu illustrentur, alio loco præceptum est.

## De Tragœdia. CAP. VIII.

**D**E Tragœdia verò, quæ maiorem præ ceteris habet cum epopœia cognationem, ut locus postulat, dicturi, primùm eius originem inuestigabimus, tum incrementa videbimus, quò demum tempore perfecta fuerit, agnoscemus. Ad hæc eius definitionem euoluemus, simul etiam nominis signifi-

cationem explicabimus, nec non illius naturam, & formam ostendemus, componendarum quoque partium rationem docebimus, ac quo demum pacto differat ab epopœia demonstrabimus. Sed δραμαίων, quæ modo fabulas, modo actus appellant, initium, ac quasi fontem aperiemus; è quo Tragedia, Comædia, Satyra, mimus emanarunt. Quæ dramaticæ fabulæ omnes uno eodémque nomine κωμικά nuncupatæ sunt, quoniam è vicis ac pagis prodire, quos Græci κωμὰς vocant. Atque etiam omnes principium è re sacra habuerunt. Et ut speciatim de Tragedia loquamur, cùm veteres & prisci illi agricola pro annuo fructu Libero patri sacra facerent, incensis altaribus primum aliquid loco precum cantabant, & quo præsentem magis Deum haberent, eius res gestas, victorias, triumphos, subactos reges, regumque calamitates concinebāt. Sed deficiente singulis annis materia calamitatum eorum qui à Libero deicti fuerant, in aliorum regum & imperatorum miseras itum est. In quibus cantilenis vel quia victori propositus erat hircus, qui Baccho sacrificari consueverat, quasi τραγού ωδὴν Tragedia appellata est; quamobrem Horatius,

Carmine qui tragico vilē certauit ob hircū;  
vel quoniam hirci vter musto plenus dabatur; vel  
quoniam vindemiarū tempore Bacchi sacra fiebāt,  
παρὰ τὸν τρυγητὸν, Latine vindemiam, quasi τρυ-  
γηθίας dixerunt; vel quia festo die Bacchi vinum  
cantoribus distribuebatur; vel quia scenici homines  
ante personarum usum ab Aeschilo inuentum ora  
fecibus illinebant; unde Horatius,

Ignotum

Ignotum tragicæ genus inuexisse Camenæ.  
 Dicitur, & plaustris vexisse poemata Thespis;  
 Quæ canerent, agerentque peruncti fecibus ora.

*Disputent Grammatici num vini feces essent, an olei, quæ amurca dicitur. Verum si tragædia nomen fuit etiam prius quàm Thespis usum fecis inuenit, non potuit à fecibus tragædia nomen deduci. Quid si ab asperis cantibus dictam putemus? Illud silentio non prætermittam, quod Diodorus scribit, omnem artem scenicam, præsertimque Tragædiam, in Liberum patrem, quem eundem appellant δῖον υἱόν, referri. quòd propter histriones δῖον υἱόν τεχνίτας vocati sunt: & Demosthenes ἐν δῖον υἱόν pro in theatro dixit, ut Vlpianus existimat. Hic igitur est ortus tragædiæ: quem antiquissimum esse constat ex historia. Nam tragicos poëtas ad Thesei sepulcrum certasse memoria proditum est. Quocirca quidam arbitrati sunt eam omnium fabularum vetustissimam esse, eique comædiam successisse, sicuti scribit Horatius. At verò prior fuit agrestis vita, quàm ciuilis; atque hæc prior regia: & prius ad hilaritatem, quàm mæstitiam fabulas inuentas, & actas fuisse existimo: neque Aristoteles Tragædiam ante Comædiam inuentam esse dixit, sed excultam. Nam Comædia diu neglecta latuit, & illi serò à magistratu chorus datus est. Inuentam autem in Peloponneso Tragædiam scribit Aristoteles: & ipsi Peloponnesij Epigene Sicyonio primo rerum tragicarum scriptore gloriantur. Sunt qui Thespin, sunt qui Phrynichum auctorem tradant; sed Plato &*

*ante*

ante Theſſin, & ante Phrynicum inuentam affirmat. Alij non inuentam, ſed excultam à Theſpi, qui ab Epigene ſecundus, vel, ut alij volunt, decimus ſextus ora ſecibus illinuit, & penſiles ſcenas per agros circumuexit. Neque eandem formam Tragædia ſemper habuit. Nam à ſolo choro primùm agebatur, ſicuti refert Laërtius; poſt addita eſt una perſona; tum alteram, quæ inter ſe colloquerentur, Aëſchylus adiecit, & *μνοῦ πόσων* tragædiam in diuerbia diduxit, declarauitque *πρωταγωνιστὴν* eum eſſe, qui primarum partium eſſet, in quibus vniuerſum negotium verteretur, quiue plura pronuntiaret: atque is alta voce utebatur. *δευτεράγωνιστὴν* verò ſecundarum partiũ, cuius vox erat ſubmiſſior. Idem Aëſchylus (ut ex Ariſtotelis ſcriptis, & Philoſtrati imaginibus liquet) chori numerum imminuit, prologum adiunxit, cades à ſcena & ſpectaculis amouit, ſatìſque habuit per nuntios referri, ut aliquid de aſperitate remitteret. Idem etiam fertur primùm omnium *συννοῦπαφίαν* excogitaſſe. cui tantus honor poſt mortem habitus eſt ab Athenienſibus rerum tragicarum ſtudioſiſſimis, ut plebiſcito cauerint, ne ex tragicis, qui iam obierant, ullis niſi Aëſchyli fabula recitarentur: quæ ab eius filio Euphorione caſtigata prodibant. Illum Sophocles ſecutus eſt, qui & ſcenam ornauit, & tres perſonas (ut vult Ariſtoteles) inter ſe colloquentes induxit (quàmquam tres etiam ſæpe apud Aëſchylum apparent, & interim apud omnes quatuor) præterea Satyros, qui excitandi riſus gratia immittebantur, excluſit, & in iuſtam magnitudinem

Tragæ-



Tragœdiam auxit. Ita demum per varios gradus ad summum perducta est. Iam Theophrastus illam finit ἡρωικὴς τύχης περὶ στυγίων, & Latinorum aliqui heroica fortuna in malis comprehensionem. nos eius naturam ex Aristotelis definitione putamus. longè melius posse explicari. Nam primum Imitatio est; nam alioquin non esset poësis Actionis illustris, quæ à Comœdia disiungitur, quæ in civilibus actionibus versatur, & ex ridiculis voluptatem querit. Iustæ magnitudinis; quæ videlicet ex certa partium compositione perfecta est. Primò enim rudis & incondita partium rationem ignorabat; deinde variis interuallis incrementa & absolutionem accepit. Hanc magnitudinem aliqui mediocritatem esse autumant, ne breuior sit quàm otioso populo satis faciat, aut prolixior quàm æquo animo spectari possit, ne illud Plautinum dicatur,

Lumbi sedendo, oculi spectando dolent.

Iidémque aiunt, quæ ab epopœia separaretur, positam esse in eius definitione magnitudinē, quoniam epopœia quandoque longior est. Verùm epopœia proprium est, in quantam potest amplitudinem accrescere. & tam epopœia, quàm tragœdiæ sua cuique legitima, & conueniens est pro partium rata portione definita magnitudo. Præter hæc Aristoteles tragœdiæ carmen attribuit, cantum, & rhythmum, quibus separatim utitur suis in locis, nō promiscuè, ut lyrica poësis, & dithyrambica: neque narratione constat, ut epopœia, sed cuncta per agentes personas administrat. Eius verò finis est misericordiam, vel terrorem excitando ab ira, cupiditate, & similibus animi

animi permotionibus, quæ res atroces & scelestas  
 producunt, spectatorum animos expurgare. Nam  
 licet primum omnes clarorum hominum actiones  
 imitaretur; tandem tamen eam actionem propriè  
 tragicam habuerunt, quæ misericordiam, vel terro-  
 rem commoueret. Quapropter Euripides, quem  
 Aristoteles hac in re præ ceteris commendat, roga-  
 tus ab Archelao Macedonia rege, ut de se tragæ-  
 diam scriberet, abnuisse dicitur, deosque precatu-  
 s, ne quid regi eveniret, quod tragædia materiam da-  
 ret. At hæc fortasse copiosius explicata sunt: nunc  
 definitionem breuibus complectamur. Tragædia est  
pœsis virorum illustrium per agentes personas ex-  
primens calamitates: illa proprietate à comædia,  
hac ab epopœia distinguitur. Magnitudinis non  
 memini, quia rem perfectam & absolutam esse de-  
 bere nemo non intelligit; & carmen omisi, quoniam  
 non est ullâ absque eo pœsis; neque rhythmur, &  
 harmoniam apposui, quandoquidem istis locus est  
 tantum in scena, extra quam nihilominus est tra-  
 gædia. Quod si à sine quoq. ullâ differentia sumen-  
 da est, addatur, ut misericordia & terrore animos  
ab iis perturbationibus liberet, à quibus huiusmodi  
facinora proficiunt. At forte inquires, si delecta-  
 tio est propria pœtica, quæ voluptas capietur è tra-  
 gædia, quæ mæroris & luctus est plena? An ma-  
 remus aliorum causa, nostra verò gaudemus, quòd  
 in his malis non simus? An quia dum aliorum mi-  
 seremur, hoc ipso letamur, quòd homini à natura  
 insitum est misereri? quæ verò à natura sunt, ea in-  
 iucunda esse non possunt? An quia fortasse addisci-  
 mus quæ

*mus qua fugere oporteat? ex doctrina autem voluptas. An quia nos ipsa imitatio delectat? Nam etiam res vi sua formidabiles, & aspectu horribiles imitatione aliqua rectè expressas non sine voluptate aspicimus.*

## De natura & forma Tragœdiæ.

### C A P. I X.

**N**EC quemadmodum Comœdiam in palliatam, & prætextatam, illam Græcorum, hæc Romanorum distinxerunt, sic ipse Tragœdiam Græcam à Latina, quam prætextatam vocant, cuiusmodi est Seneca Nero, tamquam varias inter se formas separauero. Nam utriusque eadem natura est. Et tragœdia naturam Aristoteles inquit spectari è fabula, moribus, sententia, dictione, melodia & apparatu. Fabulam ne puta hoc loco dīpāua significare; indeque Aristotelem reprehendas, quod id partem effecerit, quod esset genus; verum, quod sæpe docuimus, actionum constitutionem, & ordinem intellige. Cuius argumentum interdum totum consingitur, qualis est Agathonis tragœdia, quam Florem inscripsit; sapius vel ab historiarum monumentis, vel à fabulis receptis sumitur. Quas ne immuta, (semper enim antiquitati fides quedam & obseruantia debetur) ne cum Carcino reprehendaris, qui Medeam contra fabularum consensum mansuetam & lenem fecit. Quapropter Euripides, cum sibi obiceretur, quod scelestas atque impuras mulieres Phædræ, Iocastæ, Pasiphaën in scenam induxisset, non

set, non aliter se defendit, quàm quod ab aliis ita accepisset. Tamen idem diuersa ab historicis de Helena commentus est; & Aeschylus Prometheum, quem fama erat rupi affixum esse, quò fieret exitus miserabilis, iectum fulmine effinxit. At verò supra demonstratum est ordine permutato colligationis, & solutionis; nouisq; personis effictis alienà fabulam posse fieri proprià. Sit autem una fabula, & breuib; episodis amplificetur; quoniam angusto temporis spatio concluditur, & imitatur ea solùm, quæ à scenicis personis coram spectatoribus aguntur; quæque tribus, quatuor, aut etiam sex horis absoluntur. Itaque si nullis episodis accresceret, quamcitiſsimè absolueretur. Tum propter episodiorum similitudinem; quandoquidem ea tantùm imitatur quæ in scena aguntur, ad exitum rectà festinat. Quamobrem argumentum breuissimum deligendum est, & rerum & personarũ varietate distinguendum. Persona, reges, principes, duces ex urbibus, arcibus, castris aduocantur; raro vulgares & humiles admittuntur: quæ sunt in epopœia frequentiores. Res tragica sunt, iussa regum, pugna, cades, incendia, incestus, orbitates, desperationes, funera, fletus, ululatus; demum eæ quæ atrocitatem & indignitatem habent. Nec certè quippiam est grauius contra verisimilitudinem affectandum, quo spectatorem magis permoueas. Quam rem in Aeschylo à multis animaduersam diximus. Ceterum tragoedia in eisdem generibus fabularum, in quibus epopœia, versatur. Etenim Antigone, Medea, Hecuba simplices sunt; Oedipus tyrannus, connexa. Præterea

Hippo-

*Hippolytus, Ajax, Hercules pathetica sunt; Orestes, Ion, Helena morata. Verum pulcherrima censetur, quæ pathetica simul est, atq; connexa. Nihilominus sunt tragædia quadâ, quæ mixtam habet cum mærore letitiam; non misero, sed felici exitu conclusæ. qualis apud Euripidē est Electra; in qua ex Aegisthi cæde ad multos letitia pervenit; cuiusmodi etiam sunt Ion, Helena, Orestes: Aeschylī quoque Eumenides cædes quidem habet ac furias, sed ordinem comædiæ similiorem. Quarum tragædiarum finis etsi latus est, facies tamen atrox, & anxia; ut in luctuosa & ancipite fortuna tragædiam agnoscas. Enimvero ut epopœia ad gignendum admirationē, sic tragædia ad commiserationem, & terrorem mouendum sese maximè comparauit. Commiseratio, & terror tum ex rebus, tum ex personis petuntur. Res graues & acerbæ esse debent; vulnera, cruciatus, cædes. Quarum rerum vim personarum dignitas, vel indignitas auget vel minuit. Persona, quarum casu afficiamur, nec probitate, nec scelere insignes inducantur. Nam viri boni calamitate indignamur; contrâ mali pœna gaudemus. quis enim (inquit Cicero) parricide, aut proditoris supplicio misericordia commouetur? cū in ea re (ut ait Aristoteles) honestum & æquum sit letari? sed quæ humano errore, quem fortuna temeritas sæpius committatur, in miseriam aliquam inciderunt. Neq; inter hostes, aut neutros, sed inter amicos, maximè que inter cognatos, & propinquos res istiusmodi contingant; ut filius parenti, parens filio, frater fratri, uxor marito necem molitur; quo & grauior ter-*

ror incutiatur, & excitetur misericordia maior. Nam hosti ab hoste illata nex aut fortasse nullam, aut certè non tantam commiserationem animis nostris affert: etsi humano modo atrocitas rei per se ipsa nos afficit. Iam facinora quæ fiunt, aut scienter, aut inscienter concipiuntur. Et scienter conceptum facinus quandoque perficitur; sicuti Medea sciens filios trucidauit: quandoque non perficitur, ut in Antigone à Creontis cæde se ipsum Aemon continuit. Inscienter verò commissum facinus ac deinde cognitum, vel in ipsa fabula factum intelligitur, veluti Telegonus patrem à se per imprudentiam necatum vidit; vel extra fabulam, ut Oedipus imprudèter à se patrem interfectum postea sensit. Atque ut plurimum valet ad commiserationem scelus quod per ignorantiam commissum est, ac deinde cognoscitur, sic leue & frigidum illud est quod animo conceptum postmodum non transigitur. Ac quosdam magis delectat id quod intelligenter fit, quàm id quod non intelligenter: verùm illud plus terroris habet, hoc plus commiserationis. Et quamuis ista per se miserabilia & horrenda sint, tamen apparatus quoque, & signa non leuiter spectatores mouent: & bonus histrio, in quo magna vis affectuum posita est, apta pronuntiatione gestu & habitu rem magis ante oculos ponit. Nihilominus prudentiores viri vehementius ex ipsa fabula commoueri solent. At videnda sunt, quæ narrari, quæ agi oporteat. Nam, inquit Horatius,  
Segnius irritant animos demissa per aures,  
Quàm quæ sunt oculis subiecta fidelibus, & quæ  
Ipse

Ipse sibi tradit spectator : non tamen intus  
 Digna geri promes in scenā, multāque tolles  
 Ex oculis, quę mox narret facundia præsens.

*Hinc quidam luctuosum omne ac miserabile ex spectantium oculis amouendum putant ; quemadmodum Aeschylus huiusmodi res atroces ē scena subduxit, ne tantam acerbitatem fabula retineret : contrā aliqui sentiunt ; & Græcorum & Latinorum exemplis Horatium diuersa sentientem reprehendunt . Verūm Horatius ea subtrahenda existimat quę in scena probabiliter fieri nequeunt ; aut quę propter inhumanam crudelitatem offensionem aliquam habitura sunt.*

Nec pueros coram populo Medea trucidet,  
 Aut humana palam coquat exta nefarius  
 Atreus,

Aut in auem Progne vertatur, Cadmus in  
 anguem.

Quodcumq. ostēdis mihi sic, incredulus odi.  
*Et Euripidem Aristoteles reprehendit, quod Medeam filios in scena trucidantem induxit. Quo mirandum est magis Senecam eandem rem imitatum fuisse . Verumenimuerō res admirabiles melius narrari, quā agi posse, altero libro docuimus . Ex quo etiam petenda sunt quę ad mores & sententiam pertinent. Illud interim præceptum si non acutum est, at certē obseruatum, ut pauciores quā in Comædia interlocutores sint . Nec prohibemus humiliores personas quandoque admitti, quarum tamen opera sit usus; nec cēsemus indecorē puellas & reginas induci, cū res grauis in angusto loco agatur.*



tur. Quod minus decet in Comœdia, quæ sæpè etiam de rebus turpibus in foro & plateis loquitur. Diis verò è machina tum est locus, quando præterita referenda sunt, quæ sunt mortalibus occulta; aut futura sunt prædicenda. Ad summam in his adhibentur Di, quæ humano ingenio & industria sciri, fieriue non possunt. Hinc Horatius de tragœdia loquens, non de comœdia, quæ numquam res habet huiusmodi,

Nec Deus (inquit) interfit, nisi dignus vindice nodus

Inciderit. Talis est in Oreste Apollo, qui in medio tumultu apparens turbulentissimas res componit. Machina verò est instrumentum in scena sublime affixum, in quo Deus includebatur; qui inde fabulam explicaret. Vnde natum prouerbiū est de repentino & inopinato auxilio, *ἄπὸ μηχανῆς*. Erit autem oratio pro re illustris, copiosa, elata, culta, à vulgari consuetudine remota, plena sententiis grauib, & ad rem accommodatis. Sed tamen dolor, & molestia orationem sæpè demittit,

Et tragicus plerumq. dolet sermone pedestri:

Ac

Telephus & Peleus, cū pauper, & exul  
vterque,

Proiicit ampullas, & sesquipedalia verba,

Si curat cor spectantis tetigisse querela.

Ac differet famuli aut nuntij sermo à regis oratione, sed styli tragici natura, & lege semper æquè seruata. Carmen adhibebit iambicum senarium relicto tetrametro, quoniam illud desultorium, hoc statarium

rium magis videtur. Iambus enim orationi simillimus est, & in communem sermonem sponte sæpius interuenit, minôrque in eo harmonia, quàm in aliis sentitur. Quare hunc socci (ut inquit Horatius) cepere pedem, grandèsque cothurni,

Alternis aptum sermonibus, & populares  
Vincentem strepitus, & natũ rebus agendis.

Interdum tamen chorus præter iambos etiam versus illos admiscet, qui aut saltationi aut melodiæ magis idonei videntur. De melodia tum, cùm de choro dicitur. At apparatus, scenæ inquam, & histrionum ornatus primò agrestis & incultus fuit, postmodum personæ, pallæ, cothurni, ceteraque id genus insignia reperta sunt, teste Horatio:

Ignotum tragicæ genus inuexisse camenæ  
Dicitur, & plaustris vexisse poemata Thespis;  
Quæ canerent, agerentque peruncti fecibus ora.

Post hunc personæ, pallæq. repertor honestæ  
Æschylus, & modicis instrauit pulpita tignis,  
Et docuit magnũmq. loqui, nitiq. cothurno.  
& primum quidem scenæ ramis & frondibus fiebat; unde ab umbra nomen accepit; deinde magnificè ornata fuit extructis manibus, turribus, & palatiis pratoriis. Cuius medium regibus dabatur; dextera peregrinum aliquem aut nuntium emittebat; sinistra carcerem habere solita erat. Scenæ apparatus par esse debet habitus histrionum, & nostris temporibus (ut quibusdam placet) peregrinus, qui nouitate delectet. quam rem pictores in suis tabulis summopere affectant. Vestimentorum genera

Grammaticorum aliqui docuerunt : ego ad chorum, ad quem pertinet apparatus. Ita verò apparatus, & melodia tragædiæ necessaria sunt, ut memoria, & actio oratori: quandoquidem sine his tragædia exhiberi non potest.

## De partibus Tragædiæ.

### C A P. X.

*Prologus* **C**ONFICITVR autem eius magnitudo Prologo, Chorico, Episodio, & Exodo, quibus verbis Græcis, cum Latina desint, utemur. Prologus est tragædiæ principium, cui datae sunt partes fabulam aperiendi: in quo præterita actiones enuntiantur, & ad reliquam fabulam aditus, & munimen instruitur. Equidem actio tragædiæ cum unius diei, vel ad summum duorum spatio terminetur, ea quæ antecedunt, recedenda in primis sunt, è quibus actio pendet. Personæ, quæ inducuntur in prologo solum huius ergo, προτακτινῶν, vel προσακτινῶν nominantur. Ne tamen existima prologum tragædiæ eiusmodi esse, qualem in comædiis videmus; eum videlicet, quo vel defenditur, & commendatur persona poëtæ, vel argumentum fabulæ explicatur. nam eiusmodi prologus à fabula diuisus est; neque ullam imitationem habet; eoque tragici Latini & Græci numquam usi sunt. nec si quis utatur, eum esse reprehendendum puto. Nemo enim prohibet antequam res agatur, aut poëtæ personam commendare, aut rei argumentum exponere; quo & amicus & attentius fabula spectetur. Finitur autem prologus ingressu

gressu chori in scenam, quamquam & ipse chorus aliquando prologum facit. Exodus, siue exitum appelles, post ultimas chori partes est, fabulae solutionem continens: quam eousque perducendam diximus, donec possit ex se aptè dissolui. Quicquid autem inter prologum & exodum est, præter choricum, Episodium appellatur; non quia sit digressio, sed locus digressionibus maxime opportunus. Prologus enim fabulam aperiens, & exodus dissoluens minus commodè digressiones admittunt: quamvis in prologo & in exodo, ac post ipsum exitum interdum aliqua episodia, sed breviora quidem illa, cernantur. Choricum est pars ea in qua chorus cantat certis quibusdam locis & intervallis interpositus, è sacrificiis in fabulas translatus. Eius est incerta origo. Sed primum ab Arcadibus, quibus omnia Musica principia adscribuntur, ex Dionysiacis tibi- cinibus Timothei & Philoxeni legibus (quamquam aliqui longè ante Philoxeni tempora id factum dicunt) institutum fuisse proditum est. ac primum  $\mu\omicron\nu\omicron\upsilon\omicron\pi\omicron\sigma\omega\pi\omicron\nu$  fuisse; deinde alteram personam adiunctam, ut interrogando & respondendo mutuo sermone delectarent; postmodum quatuor adhibitas, quæ illum in duo paria distinxerunt,  $\zeta\upsilon\gamma\alpha$  nuncupata. Sed tandem auctus numerus est, & in ordines diuisus; qui, etiamsi ex pluribus constarent, tamen ipsum  $\zeta\upsilon\gamma\alpha$  nomen retinuerunt. Ac sanè veterem chorum tragædiæ quinquaginta hominum fuisse accepimus; mox ab Aeschilo diminutū, quando Eumenides fabulam dedit; ac processu temporis ad duodecim redactum; postremò huic numero à

exodus

episodium

chorus

*Sophocle tres additos esse, quamquam aliqui prius ab Aeschilo ad quindecim redactum affirmant. Qui cantum incipiebat, χορυφαῖος dicebatur. huic verò proximus ὑποσάτης; tertius τρίτος ἄτης. Ac χορυφαῖος contentiore vocis sono (ut est apud Laërtium) utebatur; quem subsequentes alij remissione & temperato excipiebant. At qui curabat res choro necessarias, choragus, quasi dux chori, vocabatur; ad quem etiam apparatus fabulae pertinebat. Constat autem chorus non ex regibus aut ducibus, sed ex plebeis senioribus aut iunioribus, mulieribus aut viris, agricolis aut militibus, ciuibus aut peregrinis, demum cuiusvis aetatis, sexus, conditionis, officij: quandoque etiam ex inanimis, & mutis quibus orationem poeta vi quadam sua tribuit. Scenam verò ingrediebantur vel terni quinquepartito agmine, aut quini tripartito, nonnumquam etiam sigillatim, & δεξιότατης, qui à dextra collocabatur; qui à sinistra, ἀριστεροτάτης dicebatur; & à latere, λαυροτάτης. Stansq; in orchestra eo modo disponebatur, quo rectè vel ingrediens, vel exiens incedebat; eo nimirum modo, quo acies instruebatur. Quos choros quadratos vocabant, & χοροσασίαν, cum staret; & πάποδον, cum accederet; & cum discederet, ἔξοδον. Vbi scenam ingressus est, numquā interim totus discedit; sed interdum altera parte pro scena remanente, altera actores sequitur, qui se intro recipiunt. Ac totus interdū canit, mouetur, gessit, & salit ad tibias admixta & versuum & tractuum varietate: interdum chori partes pari habitu sibi aduersæ inter se colloquuntur. Quæ dimidiatum chorum διχορίαν;*  
*partem*

partem verò chori ἡμὶς χορίων; at chori responsum ἀντιχορίαν appellarunt. Post quemq; actum, quinto excepto, spectatores intuens alloquitur, ne qua cessatio in theatro oriatur, quæ populum à spectatione abducat. Aliquando etiam cum actoribus tamquam actor colloquitur, ne cum semper in scena sit, penitus otiosus videatur. Ac cum aliquem ex choro pro quarto actore dicere necesse est, παρασκήνιον dicitur; cum autem quartus actor interpellat, παραχορίων: hoc quia extra chori propositum; illud quia est à scenica materia diuersum. Atque etiam interdum chorus vnius personæ vicem subit; ac tunc unus ex choro loquitur; interdum poëta, ac tum præsertim, cum totus canit. Ergo non semper canit, sed interdum totus, interdum dimidiatus, interdum unus ex choro cum actoribus loquitur; sicut ipsos actores videmus interdum & loqui cum choro, & inter se his versiculis uti quibus chorus uti solet. Illud etiam à choro frequenter usurpatum videmus, ut post longam orationem duos iambicos apponat. Licet enim choro quoduis genus carminum usurpare, sed tamen aliqui anapesticorum, aliqui trochaicorum obseruariiæres extiterunt. Hæc in vniuersum de choro dicta sint. nunc de choro tragædiæ speciatim magis loquamur. Eius plures sunt actiones. Πάροδος ingressum continet chori in scenam saltantis simul & canentis; etsi non iidem, ut quondam aliàs fiebat, saltarent, & canerent. Ἐξόδος discessum habet chori è scenâ. Στάσιμος est, in quo stat, nec monetur chorus, tum cum fabulæ calamitates incipit explicare: χοροστάσιον, vel choricum statarium appellare

quibusdam libuit. Quem cantum Aristoteles idcirco sine anapaëstis & trochæis confici voluit; quoniam hi pedes in saltatione maximè adhibentur. Κομπὸς est postrema, sed non semper necessaria chori actio cum his qui in scena sunt, infelicitatē suam vel alienam, priuatam vel communem deplorantis, exodi propria, qui fabula calamitatem & commiserationem comprehendit. Quod sit autem chori officium vnus Horatius pulcherrimè describit:

*Chorinimus* } Authoris partes chorus, officiūque virile  
 Defendat, neu quid medios intercinat actus,  
 Quod nō proposito cōducatur, & heret aptè.  
 Ille bonis faueatque, & concilietur amicis,  
 Et regat iratos, & amet peccare timentes;  
 Ille dapes laudet mēſæ breuis, ille salubrem  
 Iustitiam, legēsque, & apertis otia portis.  
 Ille regat cōmissa, deosque precetur, & oret,  
 Ut redeat miseris, abeat fortuna superbis.

Cantendi verò genus illi est submissius, minus concitatum, lætuosum, & triste, deplorandisque miseris & calamitatibus accommodatum. Qui cū principio simplicioribus numeris & modis cantus suos moderaretur, deinde accedente artis elegantia varios sonos & modulantiōres adhibuit. Hinc Horatius,

Tibia nō vt nunc orichalco iuncta, tubæque  
 Æmula, sed tenuis, simplēxque foramine  
 paruo

Aspirare, & adesse choris erat utilis, atque  
 Nondum spissa nimis cōplere sedilia flatu.  
 Cuius cantilenæ rationem ego totam Muscis relinquo: di-



quo: dicamque de saltatione solum hoc quod primum in laeuam mouebatur, qui motus  $\epsilon\pi\omicron\phi\eta$  dicebatur; tum inde ad dexteram reuertens eadem vestigia totidem numeris & paribus interuallis repetebat, cui nomen erat  $\alpha\upsilon\tau\iota\varsigma\ \rho\omicron\phi\omicron\varsigma$ ; postremò hoc spatio absoluto consistebat: & quoniam stans à superioribus diuersa accinebat, id  $\epsilon\pi\omega\delta\epsilon\varsigma$  appellabatur. Sed non semper ista leges obseruatae sunt. nam in tragicis choris saepe est sola  $\epsilon\pi\omicron\phi\eta$ , quod in imitatione magis, quam in simplici narratione versentur. Ergo reliqua partes tragædiae tantummodo versus, choricum verò cum versu cantilenam habet; & certis quibusdam locis etiam saltationem. Altera est tragædia in Protasin, Epitasin, Catastasin, & Catastrophen ab illa altera nominibus magis quam re. dissimilis distributio. Nam Protasis, in qua summa rei explicatur, cum Prologo consentit; & Catastrophe, quae negotij conuersio est, idem quod Exodus valet; Episodium verò in Epitasi & Catastasi inesse intelligitur; illa turbas excitat, aut intendit; hæc res permiscet, sic dicta, quod nimirum in ea stet fabulae status. Nonnulli tamen cum Epitasi Catastasim coniunxerunt. Ac Protasis & Catastrophe modo inter se differunt, cum vtrique negotiosa sit. Nam catastrophe turbis exilia & mortes adiungit. Quare in fabulis verè tragicis sedatiora principia sunt horribiles exitus: secus in mixtis, velut in Comædiis, vertuntur omnia in tranquillitatem non expectatam. Tertia est Latinorum diuisio in partes quinque, quas à communibus actionibus Actus appellant: quippe agentes, & loquentes in illis personæ in-

Protasis  
quid. (catastrophe)

fabula  
parat

sonæ inducuntur; & à numeri ordine cognomen indiderunt: eâsq̃ue nec augeri, nec minui posse monet Horatius,

Néue minor quinto, neu sit productior actu Fabula, quæ posci vult, & spectata reponi.

Est autem actus integra quadam pars fabulae pro diuersa sui ratione continens varias actiones. Qui verò actus finierint esse portiones, illarum partium in quas tragædiam supra diuissimus, non satis notarunt neque prologum semper totum primo actu concludi, & actum quintum interdum equalem esse catastrophæ. Itaque pars exodi non erit. Ac sanè chorus actum ab actu secernit; incipitque post primum caxere, desinitque post quartum. qui verò in quinto est; præiusto choro nō habetur. Et saepe tamquam index breui aliqua sententia, quid factum sit, declarat. quod obseruatunt à Græcis Seneca serè neglexit. Atque apud Græcos interdum sunt plures chori, interdum etiam pauciores; sic ut Latinorum istam actuum rationem minus tenuisse videantur. Ad hæc actus habet quoque partes suas; quæ scena dicuntur à frondibus & ramis; è quibus edicula fiebant: unde alia atque alia facies vicissim cernebatur. Scena verò alicuius personæ vel discessu, vel aduentu internoscitur; ac quandoque unam, quandoque duas, quandoque plures personas recipit. Verùm Horatius iubet in eadem scena ne quarta loqui persona laboret: non quòd interdum quatuor actores induci non liceat, sed, ne sermones perturbentur, cum tres colloquuntur, iubet ne quarta loqui persona laboret. Atque etiam chorus actorum congressus

congressus raro, & paucis interrumpit; actum sanè id facit, cùm duo tantùm colloquuntur: sin tres simul fuerint, non prius loquitur, quàm tertia persona omnino conticuerit. Nec vniuscuiusque actus eadem est magnitudo; sed ille longiùs producitur, in quos res grauiore aguntur, aut spectatores iucundiùs detinentur. Verùm non pluribus decem scenis actum constare notarunt nonnulli; nec actores plures esse, quàm quatuordecim. Nec semper necesse est actores intro se post absolutum actum recipere, & egredi cùm inchoandus est; dum sic taceant, ut è prosenio recessisse indicentur. Actorum nomina in scena proponebantur, & quo quisque ordine, & quas partes ageret, indicabatur. Ceterùm mihi Græcorum tragædiæ distributio magis probatur, quàm Latinorum. Nam illi δρᾶμα, quam Latini fabulam vocant, in membra dissimilia, & natura inter se differentia partiuntur; hi simpliciter fabulæ magnitudinem secant in partes non vi distinctas, sed numero. Quòd si velimus utramque conferre, actum primum ad prologum, quintum ad exodum, reliquos ad episodiũ, & choricum referamus: licet chorus actus distinguat, & interdum secundus aliquam partem prologi excipiat, & quartus exodi. Et ut cuiusque actus vim sigillatim notemus, primus habet totius rei breuem expositionem; in quo nonnumquam chorus ingreditur, & consistit, & prologum interdum exponit. quod Seneca penitus neglexit. Secundus initium fabulæ aperit, quamquam & primus quandoque id facit. Tertius pericula demonstrat. Quartus quò res vergant declarat, vel aliquam

Actus. I. I. I.  
I. I. I. I. I. I.

Actus. I. I. I.

aliquam calamitatem affert. Quintus aut nuntiat mala quæ euenerunt, aut fabulam miserabili fine concludit. Neque negauerim alios actus posse alia pericula & mala proferre; sed fabula propria calamitas quarto & quinto continetur. In quo ut ingeniosiores se poëta, sic actores industriosiores se canantur ostendere. Agebantur autem seriae tragædiæ sacris Dionysiis, Lenæis, Panathenæis; Satyricæ verò Chytris. quare τετραλογία σατυρικὴ dicta est. de qua proximo libro dicetur.

Vtra præstantior sit Tragœdia, an  
Epopœia. CAP. XI.

**A**T vtra præstantior sit Tragœdia ne, an Epopœia, magna est inter Platonem Aristotelemq; dissensio. Nam Plato, quoniam Epopœia sine ullis machinationibus & illecebris extrinsecus accersitis per se delectat, & humanæ vitæ uniuersam rationem describens eam viam maximè docet, qua homines in Deos possint euadere; tragœdia verò ad vulgarium hominum voluptatem comparata nihil non agit quo spectatores vehementius commoueat; siquidem loca exornat, histriones inducit, cantus & saltationes admiscet; illam grauioribus & peritioribus hominibus gratiorem, hanc leuioribus & imperitioribus incundiorem fore existimat. Contrà Aristoteles negat tragœdiam idcirco postponendam esse, quia videtur extrinsecus adiumenta petere ad delectandum: quoniam sine melodia & apparatu, quæ potius histrionica artis sunt, ex se ipsa vim habet etiam

bet etiam ad mouendum non minimam. Neque omnem cantum, aut motum vituperari ait; cum & epopœiæ carmina sono quodam adhibito & gestu recitentur. At quantam obsecro gratiam habitura est tragœdia sine melodia, & apparatus? quæ quidem potiora sunt, quàm in oratore actio, & memoria: quæque fabulam minus fortè per se pulchram ita saepe commendarunt, ut in uniuerso consensu frequentè plausum excitauerint. Sed esto, dicet Aristoteles, epopœia tragœdia hac in re præferatur, quòd extrinsecus adiumenta non quærat; tamen postponenda, quia tragœdia habet eadem omnia quæ insunt in epopœia, fabulam inquam, mores, sententiam, & dictionem, & quia fit agendo, quàm legendo illustrior & euidentior, & quia citius & plenius finem suum consequitur, & quia simplicior est, magisque uniformis; nam sumi possunt ex epopœiæ actionibus fabularum aliquot argumeta, non item ex tragœdia. Nihilominus summorum virorum sententia epopœia copiosius & ornatiùs generatua persequitur; ac fabulæ partes maiore artificio & industria componit; nec, licet multas actiones comprehendat, quibus opus suum ornet & augeat, pœsim tamen multiformem reddit. Verùm in tragœdia melodia & apparatus multũ præstat: quòdque breuior sit, quàm epopœia, temporis ratio facit: quoniam spectator in scena diutius non potest detineri, eademque ratione episodica pauciora & breuiora intexit: alioquin, si plura episodica interponeret, minus perspicua, minùsque secum consentiens esset. Tamen mihi persuadeo (neque enim tantus ipse

ipse sum, qui tantorum hominum litem per me pos-  
 sim dirimere ) Aristotelem aut desiderio placendi  
 Atheniensibus, quos tragædiarum spectatio sum-  
 mopere delectabat, aut studio dissentiendi à præ-  
 ptore suo Platone, cui in plerisque philosophiæ decre-  
 tis aduersatus est, epopæia tragædiam prætulisse.  
 Et de vtraque iam certè satis.

De origine Comædiæ; deque eius ge-  
 neribus. CAP. XII.

NUNC de Comædia dicendum est. Comædia à  
 rebus diuinis non secus atque tragædia ortum  
 habuit. Eam aliqui ex Ithyphallicis profectam vo-  
 lunt. Sanè olim Athenienses cùm è genitalibus la-  
 borarent, quod Bacchi signum à Pegaso quodam al-  
 latum ex oppido Bartina, cui nomen ἐλαδῆραι, mi-  
 nore cultu & honore exceperissent, multis frustra  
 tentatis remediis, tandem ex oraculo perticas, atque  
 in eorum fastigio coriaceum genitale, quod φαλλόν  
 Græci vocant, tum publicis in locis, tum priuatis in  
 ædibus erexerunt; circum quod & conuicia, & ri-  
 dicula & turpia quædam, & obscena cum tripu-  
 diis caneantur & agebantur. unde & sacra, &  
 carmina φαλλικά dicta sunt. à quibus deinde orta  
 Comædia est. aut è sacris Nomij Apollinis, quæ ob  
 frugum prouentum fiebant. Nam rusticorum cho-  
 rus circum aram primum, deinde circum vicos &  
 pagos cantando exultabat; & maledicta tum in se  
 inuicem, tum in alios contorquere solebat; postremo  
 ciuitatē nocte plaustris ingressus, & vultu fecibus  
 inqui-

inquinatus carpere ciuium facinora, & scelera incepit. quæ res cum utilis reip. videretur, quòd ob illorum maledicta ciues à malefactis abstinere, facultas data est, ut interdiu liberè idem agerent; atque his, qui se hac in re exercuissent, hircus, quod tragicorum premium erat, propositus fuit. Sic à rusticis ad urbanos poëtas Comædia transit: illisque ciuitatis magistratus publicis expensis chorum subministravit. Quæ res gestæ feruntur belli Peloponnesiaci tempore: quo Atheniensium reip. populo administrante, Susario, vel (ut alij legunt) Samnyro Rullus, Connis, Magnes, Cratinus poëta comici extiterunt. Quas ob res Athenienses Comædiam suam esse confirmant. At Megarenses tam ij qui sunt in Græcia, quàm ij qui in Sicilia, suam aiunt; tum quia Epicharmus Siculus & Phormus Syracusanus, qui primi rectam comædiæ speciem inuenisse traduntur, & quam ab antiquis rudem acceperant poluisse, longè ante Connida & Magnetem fuerunt; tum quia κωμὴν, unde comædia nomen defluxit, vox Megarensium propria est. Nam Athenienses pagos δῆμους, non κωμὰς vocant; nec δρᾶν, à quo δρᾶμα deriuatur, sed κωμῶντες dicunt. Itaque Siculis, qui primi fabulas confingere docuerunt, ortum, cultum, & laudem Comædiæ adscribunt. Nec quo pacto adoleuerit, æquè de comædia, atque de tragædia compertum habemus; quoniam diu neglecta (ut scribit Aristoteles) latuit: quippe cui serò à magistratu, quem ἀρχοὺς vocabant, chorus datus est, non propter studium maledicendi, sed quia seriùs placuit, quàm tragædia. Est autem



*dari chorum, are publico sumptum fieri in chorum. cuius numerus cum satis magnus existeret & choragi, accoryphæi artis Musicæ peritissimi non paruo pretio conducendi essent, tantis impensis non sufficiente poëta, illi pecunia publica ex arario erogabatur. Nec ætas una est veteris Comædiæ. Nam sub Susarione, cuius nomen inter comicos priscos primum celebratur, Comædia rudis & inconcinna fuit, tum Cratinus partes distinxit, & numerum personarum definiuit; postremò Aristophanes eam limauit. In qua, præter hos, quos nominauimus, etiam Eupolis, Crates, Archippus, Plato, Theopompus, Phrynichus, Stratis, Teleclides, Pherecrates floruerunt. Omnium verò præstantissimi, sed inter se dissimiles, Eupolis, Cratinus, Aristophanes habitæ sunt. Eupolis grauis, & cum venustate fictarum personarum acerbus; Cratinus acer, & apertus; Aristophanes cum risu mordax. quorum omnium scopus unus fuit mordendi & irridedi. Quæ mordax irrisio chori maximè propria tunc coërcita fuit, quando reip. Atheniensium administratio ad triginta tyrannos redacta est; qui iniquo animo ferentes publicè reprehendi, legem promulgarunt, quæ omnibus liceret in iudicium eos poëtas accersire, à quibus iniuria affecti fuissent. Eupolidis quoque mors non parum licentiam poëtarum repressit: qui ab Alcibiade, contra quem τὰς βάρβαρας scripserat, in mare præcipitatus est imitatus fabulæ suæ nomē. Hanc comædiam, in qua non licebat quemquam nominatim reprehendere, mediam appellarunt. quod nomen tunc impositum est, cum noua comædiæ appellatio*

pellatio instituta fuit, veterē posterior, noua prior, sed veteris similior; quoniam *παρὰβάσεις* contra pœtas non omiserat, & quasi ius quoddam reprehendendi etiamnum retinens vitia ciuium ἐν ἀνί-  
 γνωστοι vellicabat. Quo in genere cum his quos modo memini, etiam præstiterunt Antiphanes, Stephanus, Philippides, Strato, Anaxilas, Mnesimachus, Epicrates, Ambraciota, Nicostrates, & Plato veteris Comædiæ scriptor. Sed cum etiam media hæc Comædia in suspicionem simultatis & odiorum venisset, omnem maledicendi libertatem amisit choro penitus tacere iusso. Itaque Horatius,

Successit vetus his Comædia nō sine magna  
 Laude, sed in vitium libertas excidit, & vim  
 Dignā lege regi. Lex est accepta, chorusque  
 Turpiter obticuit sublato iure nocendi.

Tunc igitur fictis argumentis & personis, iocisque & salibus ad delectandum admixtis communem vitam & mores imitari cœperunt Alexandri magni temporibus. Ad quam nouam Comædiam fabricandam Aristophanis filium Menander & Philemon tamquam regulam secuti sunt. Quamobrem tria Comædiarum genera traduntur, vetus, medium, & nouum. Differt autem à veteri noua, quod illa sæpe vera, hæc ficta sumit argumenta; illa mordax maledica falsa ad irridendum & cauillandum ansam ex qualibet re captas, hæc sine ulla acerbitate festiua est, habens tamen interdum, sed rarissimè, quosdam quasi reprehensionis aculeos, quibus sine contumelia pungit; illa multa carminum genera permiscet, hæc solis iambicis & trochaicis ac ser-

mone magis populari vititur. nec in easdem partes actus sue distinguitur. Et suos quoque poetas habuit Diphylum, Philippidem, Posidippum, Apollodorum, Philemonem, & qui omnium praestantissimus iudicatus est, Menandrum. Apud Latinos quis fabulam primus ediderit, non satis clarum est. Verum anno ab urbe condita 400, T. Sulpitio Potito, & C. Licinio Stolone Cos. cum anno ante ciuitas peste laborasset, e carmine Sibyllino ludi scenici instituti sunt, & ludiones ex Etruria aduocati; quos ea gens histriones appellat. Hi motibus pro ea etate non incoccinnis, taciti ad tibicinis sonum saliebant: tum rusticos Italos amulati, qui Gracorum more perfectis sacris rusticana quaedam dicta ad risum excitandum in se inuicem iactabant, alternis versibus dictis à Fescenina urbe Etruria fesceninis se ipsos mordere nullum insectantes nominatim (cum id ante xij. tabulis cautum esset) neque interim obscenis & impuris verbis parcentes. Fescenini deinde sensim e scena abierunt, & fabulae caepae sunt agi, quae sine ullius offensione placerent. Ac primus Latinis versibus iusta magnitudinis fabulam more Graco fecit Liuius Andronicus libertus Salinatoris anno ab urbe condita 514. Appio Claudio Cæci F. Sempronio Tuditano Cos. aliquot annis antequam primum bellum Punicum confectum fuisset; multosque in scribendis Comædiis in sui studium & imitationem conuertit, Nauium, Plautum, Cæcilium, Ennium, Terentium. Dicta verò est Palliata Comædia, quae argumento Graco utebatur, ac Gracorum more pallium actoribus induebat; cu-

bat; cuiusmodi sunt Terentij, & Plauti fabulae: Togata vero, quae ex Romanis rebus argumentum petebat, inducebatque Romanorum more histriones togatos. Et togatarum nobilissima erat praetextata, quae principum virorum actiones effingebat, dicta à praetexta magistratuum Romanorum indumento. Ac C. Melissus Spoletanus Macenatis libertus bibliotheca in porticu Octaviae ab Augusto praefectus, quasdam fabulas dedit, (ut est in libello De claris Grammaticis) quas Trabeatas appellauit, aut praetextatis simillimas, aut opinor easdem: siquidem trabea vestis est dignitate praetexta non satis inferior. Illae autem minus illustres erant, in quibus priuati Senatores cum togis inducebantur. Verum quae popularium hominum negotia complectebantur, non à vestitu dicta tunicata, sed à tabernis in scena extructis, tabernariae, palliatae omnino exprimentes, à togatis rerum & personarum humilitate disiunguntur. At ab Atella Oscanorum oppido, Atellana Comedia vocitata est, tota dicax, & iocosa, quandam Satyrica imitationis habens similitudinem: quae in ipsa verborum acerbitate nihil praeter risum aucupabatur, & fescenina carmina plena iocis petulantioribus inter actus inferebat. Addunt aliqui Rhyntonicam à Rhyntone Tarantino quodam histrione, aut poeta (si is est cuius meminit Athenaeus libro tertio) nominatam. Ceterum planipedes fabulas aliqui arbitrantur eas esse quae ob argumēti humilitatem neque cothurno, neque socco utebantur, sed earum actores plano pede incedebant. Alij Mimum, & Planipedem idem esse putant. Mimus

autem est rerum vilissimarum & leuium personarum crebra imitatio. Alij sic appellatas existimant, quia non in scenæ suggestu, sed in plano agebatur. Alij non modò mimos, Satyras, & Comædias, verùm etiam eas tragædias planipedes appellant, quæ neque aguntur in proskenio, neque cothurno, neque socco, neque ullo calciamenti genere vtuntur. Mihi placet appellare planipedem fabulam, non quæ humi sine aedificiis, sed quæ nec cothurno vt tragædia, nec socco vt Comædia, sed nudis pedibus agebatur. Ad hæc quadam Comædia dicuntur motoria, siue turbulenta & negotiosa; in quibus res sunt magis perturbata; vt Adelphi, Phormio, Heautontimorumenos; contrà quadam Stataria; cuiusmodi Pseudolus, Trinummus, Hecyra, & Asinaria est. Addunt aliqui medias, quæ utriusque generis participes sunt. Atque harum alia plus quietis, vt Aulularia; alia plus habent motus, vt Eunuchus. Illa verò in veteres Andronichi, medias Pacuuij, nouas Terentij non à rerum natura, sed à dictionis stylo, & tempore ducta diuisio est. Nos eam rationem Comædia trademus quæ vsitata est; quàmque præstantissimi poëtarum maximè obseruarunt.

De notatione, & definitione Comædiæ.

### C A P. X I I I.

COMOEDIAM nonnulli ex κωμᾶζεν, καὶ ᾄδειν, vel ἐν ταῖς ὁδοῖς interpretantur, ex cantilenis, quæ post comissiones canebantur. κωμᾶζεν est

*Ζειν* est lasciuia efferri, petulantem esse, carminibus, saltationibus, & comissionibus indulgere: ἄδειν Latinè canere: ἐν ταῖς οἰς in viis significat. Nam rusticorum iuuenum in vnū coacta multitudo post rem sacram, vel conuiuia, negotiis diurnis animo soluto siue heri, siue parentis metu tempesta nocte in viis exultando sese, & alios probris maledictisq̃ petebat. Aliqui παρὰ τὴν κωμὴν, καὶ τὴν ὠδὴν appellatam volunt, quia in vicis & pagis ageretur. Vtramque nominis interpretationem docti homines commendant: sed priorem Athenienses, Megarenses alteram magis probant. Finitur autem à quibusdam ἰδιωτικῶν καὶ πολιτικῶν πράγματων ἀκίνδυνος περίοχον. Quam definitionem reprehendunt ij qui negant esse comædiam absque periculo. Verùm ego illos puto ἀκίνδυνον περίοχον dixisse, non quia res comica nullo in periculo versentur, sed quia exitus fabulae securitatem consequitur: licetq̃ serui, lenones, aut huiusmodi personæ aliqua postremo damna patiantur, non tamen ea sunt in quibus vniuersum fabulae negotium vertitur. Nec insitias eo latum exitum Comædia aliquo dolore quandoq̃ perfundi, ut *Asinaria*, *Mostellaria*, *Phormionis*, *Casina*, *Persæ*, non secus ac finis tragædiæ, qui ex se tristis est, interdum aliqua letitia permiscetur: nihilominus si fabulae naturam, & frequentioremsum aduertas, ut Tragædiam maestus, sic Comædiam exitus hilaris magis decet, atque ut in tragædia non est sine discrimine letitia, sic in Comædia non est sine festiuitate discrimen. Mox reprehendunt, quod ciuilis & priuata fortuna comprehen-

tionem esse dicant, quando principes viros veteres comici vexarunt, & primarios reip. homines prae-textatae recipiunt. Verum ea persona si privatae non sunt, sunt tamen ciuiles. Omnes enim Athenienses, & Romani ciues dicebantur: apud quos nullus erat dominatus, sed aequalitas legum, utilitasque communis. Attamen ad tragædiae definitionis normam si dirigatur, melius & proprius definiri sic paterit: Comædia est poësis, quæ ad docendum vitæ consuetudinem ciuiles & priuatas actiones per agentes personas non sine iocis & salibus imitatur. Carmen non addidi, quia imperfecta est sine carmine poësis. quamquam Crates primus dicitur Athenis soluta oratione Comædiam scripsisse. Cur igitur si ciuiles actiones imitatur, & carmen habet, Horatio non erit poësis? An isto nomine dignam esse non duxit, quia rerum magnificentiam non haberet? quasi rerum grauitas, & amplitudo poësim efficiat, non imitatio, & carmen. Iam ciuiles & priuatae actiones ab epopæia, & tragædia comædiam seiungunt: & agentes personæ adhuc magis ab epopæia ipsam distinguunt: ioci verò & sales etiam magis à Tragædia. quippe illa terrorem & commiserationem: hæc risum & letitiam parit. Saltationem & cantum prætermisi, tum quia chorus, penes quem ista sunt, nullus amplius est; tum quia etiam extra scenam nihilo minus est, dum legitur Comædia. Postremò finem eius ostendimus, humanæ vitæ doctrinam, & imaginem esse.



## De forma Comœdiæ.

## CAP. XIIII.

**A**TQVE in Comœdia sunt eadem spectanda, qua in tragœdia, fabula, mores, sententia, dictio, & apparatus; melodia excepta, qua in noua Comœdia nulla est; nempe in qua nullus est chorus. Fabulam dico, non δρᾶμα (quod antea monui) sed ipsam imitationem, imitationis sue figuram. Fingit autem comœdia res non portentosas, quales in epopœia frequenter narrantur, & in tragœdia interdum ostenduntur, non tragicas, hac est, horrificas & luctuosas, non illustres & graues epopœiæ, pariter & tragœdiæ proprias, sed ciuiles & priuatas, captans ubique lepores & festiuitates. Itaque amores, lusus, conuiuia, ebrietates, dolos, furta, & huiusmodi alia comminiscitur. Hinc è pagis sumit Chremetes, & ex humili loco Thaides, & Dauos: in uniuersum vulgares, & populares homines inducit, quorum nomina rebus apta confingit. Regias personas numquam admittit: induxit Plautus in Amphitrione; tamen eam tragicocomœdiā appellauit. Sed & vetus comœdia præter dignitatē superos adhibuit. atqui hoc illorum religioni detur. Verum enim uerò personas, quas imitatur, nec ita probas effingat, ut perturbari, decipi, errare non possint; nec undiq. improbas, sed eius modi, quales humana atas & cōditio ferre solet: ac ridiculas iocorū & facetiarū gratia sine ullius damno deformes & turpes adhibeat. tū cōtentiones, & rixas ut plurimū inter amicos, aut inter cōsanguineos et propinquos excitet,

quo

quo latiore exitum sortiatur. multa tollat ex oculis spectantium, quæ aut turpia sunt, ut concubitus; aut indecora, ut parere; aut demum fastidium aliquod & offensionem allatura sunt, ut commissationes atque conuiuia: quæ vel in scena mox narrentur, id quod facit Chærea Terentianus de stuprata à se virgine; vel, si commodè fieri possit, intus aliqua voce edita extra exaudiantur, ut illud est apud Terentium, Iuno Lucina fer opem, serua me obsecro. Agnitiones licet interdum intus fiant, ac deinde foris nuntientur, tamen si spectanda exhibeantur, plus admirationis & voluptatis habitura videntur, dum id rerum probabilitas, & natura patiatur. Illud ad decorum pertinet, ut, quoniam in foro & plateis comædia, & de rebus quidem turpibus sæpe agit, ne honestæ & pudicæ mulieres, præsertim puellæ, nisi fortè ut solum demonstrantur, in scenam agentes inducantur: famulas excipio, quarum non tanti est honestas; & meretrices, quæ iam frontem perfricuerunt. Nec mihi Plauti exempla obicias, qui minus fuit in obscenis rebus, & indecoris verecundus; idemq; in iocis & salibus nimius ab Horatio notatur. Sanè ridiculis aspergenda & condienda comædia est, cuius est festiuitas, sicut tragædia terror, & commiseratio propria; sed liberali tamen moderatione etiam temperanda, ut non minus à grauioribus hominibus, quàm à ciceris aut nucis emptoribus probetur. Fuere tamen qui se totos ad risum compararint, magisque lepore, quàm elegantiâ placuerint: è quorū numero Epicharmum dicas: ad cuius exemplum properare Plautum Horatius



aliquam calamitatem affert. Quintus aut nuntiat mala quæ euenerunt, aut fabulam miserabili fine concludit. Neque negauerim alios actus posse alia pericula & mala proferre; sed fabula propria calamitas quarto & quinto continetur. In quo ut ingeniosiores se poëta, sic actores industriosiores se conantur ostendere. Agebantur autem seria tragædia sacris Dionysiis, Lenæis, Panathenæis; Satyricæ verò Chytris. quare τετραλογία σατυρικὴ dicta est. de qua proximo libro dicetur.

Vtra præstantior sit Tragædia, an  
Epopœia. CAP. XI.

**A**T vtra præstantior sit Tragædia ne, an Epopœia, magna est inter Platonem Aristotelemq; dissensio. Nam Plato, quoniam Epopœia sine ullis machinationibus & illecebris extrinsecus accersitis per se delectat, & humanæ vitæ vniuersam rationem describens eam viam maximè docet, qua homines in Deos possint euadere; tragædia verò ad vulgarium hominum voluptatem comparata nihil non agit quo spectatores vehementius commoueat; siquidem loca exornat, histriones inducit, cantus & saltationes admiscet; illam grauioribus & peritioribus hominibus gratiorem, hanc leuioribus & imperitioribus incundiorem fore existimat. Contrà Aristoteles negat tragædiam idcirco postponendam esse, quia videtur extrinsecus adiumenta petere ad delectandum: quoniam sine melodia & apparatu, quæ potius histrionica artis sunt, ex se ipsa vim habet etiam

bet etiam ad mouendum non minimam. Neque omnem cantum, aut motum vituperari ait; cum & epopœia carmina sono quodam adhibito & gestu recitentur. At quantam obsecro gratiam habitura est tragœdia sine melodia, & apparatus? quæ quidem potiora sunt, quàm in oratore actio, & memoria: quæque fabulam minus fortè per se pulchram ita saepe commendarunt, vt in vniuerso consensu frequentè plausum excitauerint. Sed esto, dicet Aristoteles, epopœia tragœdia hac in re præferatur, quòd extrinsecus adiumenta non quærat; tamen postponenda, quia tragœdia habet eadem omnia quæ insunt in epopœia, fabulam inquam, mores, sententiam, & dictionem, & quia sit agendo, quàm legendo illustrior & euidentior, & quia citius & plenius finem suum consequitur, & quia simplicior est, magisque uniformis; nam sumi possunt ex epopœia actionibus fabularum aliquot argumenta, non item ex tragœdia. Nihilominus summorum virorum sententia epopœia copiosius & ornatiùs genera sua persequitur; ac fabula partes maiore artificio & industria componit; nec, licet multas actiones comprehendat, quibus opus suum ornet & augeat, pœsim tamen multiformem reddit. Verùm in tragœdia melodia & apparatus multũ præstat: quòdque breuior sit, quàm epopœia, temporis ratio facit: quoniam spectator in scena diutius non potest detineri, eademque ratione episodica pauciora & breuiora intexit: alioquin, si plura episodica interpone-ret, minus perspicua, minùsque secum consentiens esset. Tamen mihi persuadeo (neque enim tantus ipse

*ipse sum, qui tantorum hominum litem per me pos-  
sim dirimere) Aristotelem aut desiderio placendi  
Atheniensibus, quos tragædiarum spectatio sum-  
mopere delectabat, aut studio dissentiendi à præce-  
ptore suo Platone, cui in plerisque philosophia decre-  
tis aduersatus est, epopæia tragædiam prætulisse.  
Et de vtraque iam certè satis.*

De origine Comædiæ; deque eius ge-  
neribus. CAP. XII.

**N**VNC de Comædia dicendum est. Comædia à  
rebus diuinis non secus atque tragædia ortum  
habuit. Eam aliqui ex Ithyphallicis profectam vo-  
lunt. Sanè olim Athenienses cùm è genitalibus la-  
borarent, quod Bacchi signum à Pegaso quodam al-  
latum ex oppido Bartina, cui nomen ἐλαδῆρας, mi-  
nore cultu & honore excepiissent, multis frustra  
tentatis remediis, tandem ex oraculo perticas, atque  
in eorum fastigio coriaceum genitale, quod φαλλόν  
Græci vocant, tum publicis in locis, tum priuatis in  
edibus erexerunt; circum quod & conuicia, & ri-  
dícula & turpia quædam, & obscena cum tripu-  
diis canebantur & agebantur. unde & sacra, &  
carmina φαλλικά dicta sunt. à quibus deinde orta  
Comædia est. aut è sacris Nomiij Apollinis, quæ ob  
frugum prouentum fiebant. Nam rusticorum cho-  
rus circum aram primum, deinde circum vicos &  
pagos cantando exultabat; & maledicta tum in se  
inuicem, tum in alios contorquere solebat; postremò  
ciuitatē nocte plaustris ingressus, & vultu fecibus  
inqui-

inquinatus carpere ciuium facinora, & scelera incepit. quæ res cum utilis reip. videretur, quòd ob illorum maledicta ciues à malefactis abstinere, facultas data est; ut interdum liberè idem agerent; atque his, qui se hac in re exercuissent, hircus, quod tragicorum premium erat, propositus fuit. Sic à rusticis ad urbanos poetas Comædia transit: illisque ciuitatis magistratus publicis expensis chorum subministravit. Quæ res gestæ feruntur belli Peloponnesiaci tempore: quo Atheniensium temp. populo administrate, Susario, vel (ut alij legunt) Samnyro Rullus, Connis, Magnes, Cratinus poëta comici extiterunt. Quas ob res Athenienses Comædiam suam esse confirmant. At Megarenses tam ij qui sunt in Græcia, quàm ij qui in Sicilia, suam aiunt; tum quia Epicharmus Siculus & Phormus Syracusanus, qui primi rectam comædiæ speciem inuenisse traduntur, & quam ab antiquis rudem acceperant poluisse, longè ante Connida & Magnetem fuerunt; tum quia κωμὴ, unde comædiæ nomen defluxit, vox Megarensium propria est. Nam Athenienses pagos δ'ήμους, non κωμὰς vocant; nec δ'παῖ, à quo δ'παῖα deriuatur, sed κωμάρτειον dicunt. Itaque Siculis, qui primi fabulas confingere docuerunt, ortum, cultum, & laudem Comædiæ adscribunt. Nec quo pacto adoleuerit, æquè de comædia, atque de tragædia compertum habemus; quoniam diu neglecta (ut scribit Aristoteles) latuit: quippe cui serò à magistratu, quem ἀρχοῦρα vocabant, chorus datus est, non propter studium maledicendi, sed quia seriùs placuit, quàm tragædia. Est autem



dari chorum, are publico sumptum fieri in chorum. cuius numerus cum satis magnus existeret & choragi, accoryphæi artis Musica peritissimi non paruo pretio conducendi essent, tantis impensis non sufficiente poëta, illi pecunia publica ex arario erogabatur. Nec atas una est veteris Comædia. Nam sub Susarione, cuius nomen inter comicos priscos primum celebratur, Comædia rudis & inconcinna fuit, tum Cratinus partes distinxit, & numerum personarum definiuit; postremò Aristophanes eam limauit. In qua, præter hos, quos nominauimus, etiam Eupolis, Crates, Archippus, Plato, Theopompus, Phrynichus, Stratis, Teleclides, Pherecrates floruerunt. Omnium verò præstantissimi, sed inter se dissimiles, Eupolis, Cratinus, Aristophanes habiti sunt. Eupolis grauis, & cum venustate fictarum personarum acerbus; Cratinus acer, & apertus; Aristophanes cum risu mordax. quorum omnium scopus unus fuit mordendi & irridedi. Quæ mordax irrisio chori maximè propria tunc coërcita fuit, quando reip. Atheniensium administratio ad triginta tyrannos redacta est; qui iniquo animo ferentes publicè reprehendi, legem promulgarunt, quæ omnibus liceret in iudicium eos poëtas accersire, à quibus iniuria affecti fuissent. Eupolidis quoque mors non parum licentiam poëtarum repressit: qui ab Alcibiade, contra quem τὰς βάρβάρους scripserat, in mare præcipitatus est imitatus fabulæ suæ nomē. Hanc comædiam, in qua non licebat quemquam nominatim reprehendere, mediam appellarunt. quod nomen tunc impositum est, cum nouæ comædiæ appellatio

pellatio instituta fuit, veterē posterior, noua prior, sed veteris similior; quoniam *παρὰ λόγους* contra pœtas non omiserat, & quasi ius quoddam reprehendendi etiamnum retinens vitia ciuium ἐν ἀντι-  
 γμασι vellicabat. Quo in genere cum his quos modo memini, etiam præstiterunt Antiphanes, Stephanus, Philippides, Strato, Anaxilas, Mnesimachus, Epicrates, Ambraciota, Nicostrates, & Plato veteris Comœdiæ scriptor. Sed cum etiam media hæc Comœdia in suspensionem simultatis & odiorum venisset, omnem maledicendi libertatem amisit choro penitus tacere iussu. Itaque Horatius,

Successit vetus his Comœdia nō sine magna Laude, sed in vitium libertas excidit, & vim Dignā lege regi. Lex est accepta, chorusque Turpiter obticuit sublato iure nocendi.

Tunc igitur fictis argumentis & personis, iocisque & salibus ad delectandum admixtis communem vitam & mores imitari cœperunt Alexandri magni temporibus. Ad quam nouam Comœdiam fabricandam Aristophanis filium Menander & Philemon tamquam regulam secuti sunt. Quamobrem tria Comœdiarum genera traduntur, vetus, medium, & nouum. Differt autem à veteri noua, quod illa sæpe vera, hæc ficta sumit argumenta; illa mordax maledica salsa ad irridendum & cauillandum ansam ex qualibet re captās, hæc sine vlla acerbitate festiua est, habens tamen interdum, sed rarissime, quosdam quasi reprehensionis aculeos, quibus sine contumelia pungit; illa multa carminum genera permiscet, hæc solis iambicis & trochaicis ac ser-

mone magis populari vititur. nec in easdem partes actus sue distinguitur. Et suos quoque poetas habuit Diphylum, Philippidem, Posidippum, Apollodorum, Philemonem, & qui omnium praestantissimus iudicatus est, Menandrum. Apud Latinos quis fabulam primus ediderit, non satis clarum est. Verum anno ab urbe condita 400, T. Sulpitio Potito, & C. Licinio Stolone Cos. cum anno ante ciuitas peste laborasset, è carmine Sibyllino ludi scenici instituti sunt, & ludiones ex Etruria aduocati; quos ea gens histriones appellat. Hi motibus pro ea etate non incöcinnis, taciti ad tibicinis sonum saliebant: tum rusticos Italos emulati, qui Græcorum more perfectis sacris rusticana quedam dicta ad risum excitandum in se inuicem iactabant, alternis versibus dictis à Fescenina urbe Etruriæ fesceninis se ipsos mordere nullum insectantes nominatim (cum id ante xij. tabulis cautum esset) neque interim obscenis & impuris verbis parcentes. Fescenini deinde sensim è scena abierunt, & fabule cæpta sunt agi, quæ sine ullius offensione placerent. Ac primus Latinis versibus iusta magnitudinis fabulam more Græco fecit Liuius Andronichus libertus Salinatoris anno ab urbe condita 514. Appio Claudio Cæci F. Sempronio Tuditano Cos. aliquot annis antequam primum bellum Punicum confectum fuisset; multasque in scribendis Comædiis in sui studium & imitationem conuertit, Nauium, Plautum, Cæcilium, Ennium, Terentium. Dicta verò est Palliata Comædia, quæ argumento Græco utebatur, ac Græcorum more pallium actoribus induebat; cu-

bat; cuiusmodi sunt Terentij, & Plauti fabulæ: Togata verò, quæ ex Romanis rebus argumentum petebat, inducebátque Romanorum more histriones togatos. Et togatarum nobilissima erat prætextata, quæ principum virorum actiones effingebat, dicta à prætextâ magistratuum Romanorum indumento. Ac C. Melissus Spoletanus Mæcenatis libertus bibliotheca in porticu Octaviæ ab Augusto præfectus, quasdam fabulas dedit, (ut est in libello *De claris Grammaticis*) quas *Trabeatas* appellavit, aut prætextatis simillimas, aut opinor easdem: siquidem trabea vestis est dignitate prætextâ non satis inferior. Illæ autem minus illustres erant, in quibus priuati Senatores cum togis inducebantur. Verùm quæ popularium hominum negotia complectebantur, non à vestitu dicta tunicata, sed à tabernis in scena extructis, tabernaria, palliatas omninò exprimentes, à togatis rerum & personarum humilitate disiunguntur. At ab *Atella* Oscorum oppido, *Atellana Comædia* vocitata est, tota dicax, & iocosa, quåndam Satyricæ imitationis habens similitudinem: quæ in ipsa verborum acerbitate nihil præter risum aucupabatur, & fescenina carmina plena iocis petulantioribus inter actus inserebat. Addunt aliqui *Rhyntonicam* à *Rhyntone* Tarëтино quodam histrione, aut pœta (si is est cuius meminit *Athenæus* libro tertio) nominatam. Ceterum *planipedes* fabulas aliqui arbitrantur eas esse quæ ob argumēti humilitatem neque cothurno, neque socco utebantur, sed earum actores plano pede incedebant. Alij *Mimum*, & *Planipodem* idem esse putant. *Mimus*

autem est rerum viliſſimarum & leuium persona-  
rum crebra imitatio. Alij ſic appellatas exiſtimant,  
quia non in ſcenæ ſuggeſtu, ſed in plano agebatur.  
Alij non modo mimos, Satyras, & Comœdias, ve-  
rùm etiam eas tragœdias planipedes appellant, quæ  
neque aguntur in proſcenio, neque cothurno, neque  
ſocco, neque vlllo calciamenti genere vtuntur. Mihi  
placet appellare planipedem fabulam, non quæ humi  
ſine ædificiis, ſed quæ nec cothurno vt tragœdia, nec  
ſocco vt Comœdia, ſed nudis pedibus agebatur. Ad-  
hæc quædam Comœdiæ dicuntur motoria, ſiue tur-  
bulenta & negotioſæ; in quibus res ſunt magis per-  
turbatæ; vt Adelphi, Phormio, Heautontimorume-  
nos; contrà quædam Statariæ; cuiuſmodi Pſeudolus,  
Trinummus, Hecyra, & Aſinaria eſt. Addunt ali-  
qui medias, quæ vtriuſque generis participes ſunt.  
Atque harum aliæ plus quietis, vt Aulularia; aliæ  
plus habent motus, vt Eunuchus. Illa verò in vete-  
res Andronichi, medias Pacuuij, nouas Terentiij  
non à rerum natura, ſed à dictiõis ſtylo, & tem-  
pore ducta diuiſio eſt. Nos eam rationem Comœdiæ  
trademus quæ uſitata eſt; quàmque præſantiſſimi  
poëtarum maximè obſeruarunt.

De notatione, & definitione Comœdiæ.

C A P. X I I I.

COMOEDIAM nonnulli ex κωμῳδία, καὶ  
ἀδην, vel ἐν ταῖς ὁδοῖς interpretantur, ex can-  
tilenis, quæ poſt comiſſationes canebantur. κωμῳ-  
δία eſt

*ἔν* est lasciuia effferri, petulantem esse, carminibus, saltationibus, & comissionibus indulgere: *ἄδεν* Latine canere: *ἐν ταῖς κοδοῖς* in viis significat. Nam rusticorum iuuenum in vnū coacta multitudo post rem sacram, vel conuiuia, negotiis diurnis animo soluto siue heri, siue parentis metu tempesta nocte in viis exultando sese, & alios probris maledictisque petebat. Aliqui *παρὰ τὴν κωμὴν, καὶ τὴν ὠδὴν* appellatam volunt, quia in vicis & pagis ageretur. Vtramque nominis interpretationem docti homines commendant: sed priorem Athenienses, Megarenses alteram magis probant. Finitur autem à quibusdam *ἰδιωτικῶν καὶ πολιτικῶν πρᾶγματων ἀκίνδυνος περὶοχή*. Quam definitionem reprehendunt ij qui negant esse comædiam absque periculo. Verum ego illos puto *ἀκίνδυνον περὶοχὴν* dixisse, non quia res comica nullo in periculo versentur, sed quia exitus fabula securitatem consequitur: licetq; serui, lenones, aut huiusmodi personæ aliqua postremo damna patiantur, non tamen ea sunt in quibus vniuersum fabula negotium vertitur. Nec infitias eo letum exitum Comædia aliquo dolore quandoq. perfundi, ut *Asinaria*, *Mostellaria*, *Phormionis*, *Casina*, *Persæ*, non secus ac finis tragædia, qui ex se tristis est, interdum aliqua latitia permiscetur: nihilominus si fabule naturam, & frequentioremsum aduertas, ut Tragædiam maestus, sic Comædiam exitus hilaris magis decet, atque ut in tragædia non est sine discrimine latitia, sic in Comædia non est sine festiuitate discrimen. Mox reprehendunt, quòd ciuilis & priuatæ fortunæ comprehen-

sionem esse dicant, quando principes viros veteres comici vexarunt, & primarios reip. homines prætextatæ recipiunt. Verùm ea personæ si priuatæ non sunt, sunt tamen ciuiles. Omnes enim Athenienses, & Romani ciues dicebantur: apud quos nullus erat dominatus, sed æqualitas legum, utilitâsque communis. Attamen ad tragædiæ definitionis normam si dirigatur, meliùs & propriùs definiri sic poterit: Comædia est poësis, quæ ad docendum vitæ consuetudinem ciuiles & priuatas actiones per agentes personas non sine iocis & salibus imitatur. Carmen non addidi, quia imperfecta est sine carmine poësis. quamquam Crates primus dicitur Athenis soluta oratione Comædiam scripsisse. Cur igitur si ciuiles actiones imitatur, & carmen habet, Horatio non erit poësis? An isto nomine dignam esse non duxit, quia rerum magnificentiam non haberet? quasi rerum grauitas, & amplitudo poësim efficiat, non imitatio, & carmen. Iam ciuiles & priuatæ actiones ab epopæia, & tragædia comædiam seiungunt: & agentes personæ adhuc magis ab epopæia ipsam distinguunt: ioci verò & sales etiam magis à Tragædia. quippe illa terrorem & commiserationem: hæc risum & letitiam parit. Saltationem & cantum prætermisi, tum quia chorus, penes quem ista sunt, nullus amplius est; tum quia etiam extra scenam nihilo minus est, dum legitur Comædia. Postremò finem eius ostendimus, humana vitæ doctrinam, & imaginem esse.

De for-



## De forma Comœdiæ.

## CAP. XIII.

**A**TQUE in Comœdia sunt eadem spectanda, quæ in tragœdia, fabula, mores, sententia, dictio, & apparatus; melodia excepta, quæ in noua Comœdia nulla est; nempe in qua nullus est chorus. Fabulam dico, non δρᾶμα (quod antea monui) sed ipsam imitationem, imitationis sue figuram. Fingit autem comœdia res non portentosas, quales in epopœia frequenter narrantur, & in tragœdia interdum ostenduntur, non tragicas, hac est, horrificas & luctuosas, non illustres & graues epopœiæ, pariter & tragœdiæ proprias, sed ciuiles & priuatas, captans ubique lepores & festiuitates. Itaque amores, lusus, conuiuia, ebrietates, dolos, furta, & huiusmodi alia comminiscitur. Hinc è pagis sumit Chremetes, & ex humili loco Thaides, & Daos: in uniuersum vulgares, & populares homines inducit, quorum nomina rebus apta confingit. Regias personas numquam admittit: induxit Plautus in *Amphytrione*; tamen eam tragicocomœdiā appellauit. Sed & vetus comœdia præter dignitatē superos adhibuit. atqui hoc illorum religioni detur. Verum enim uerò personas, quas imitatur, nec ita probas effingat, ut perturbari, decipi, errare non possint; nec undiq. improbas, sed eius modi, quales humana etas & cōditio ferre solet: ac ridiculas iocorū & facetiarū gratia sine ullius damno deformes & turpes adhibeat. tū cōtentiones, & rixas ut plurimū inter amicos, aut inter cōsanguineos et propinquos excitet,

quo

ratius scribit. Et Volcatius, opinor, ridiculorū gratia secundum à Cæcilio locum inter comicos Plauto tribuit, Terentio postremum: quia dum nitori & munditia studet orationis, minus festivus & lepidus est. Atque hanc eandem ob causam existimo Philemonem Menandro prælatum fuisse: si talis fuit Menander, qualis Terentius habetur æmulus, & imitator Menandri. Verum doctissimorum hominum iudicia longè alia fuere, & æquiora; qui rerum naturam graviore ratione perpendunt, non multitudinis sensu. De ridiculis, quæ deformia quadam sunt dicta vel facta sine dolore, novitate, & admiratione animum iucundè mouentia, nihil à nobis dicetur, quoniam de illis à dicendi præceptoribus copiosius disputatum est. Et quæ de unitate fabulæ, & episodis in tragædia tradidimus, nullo hic pacto repetentur. Illud verò iam monuimus, Comædiam in exprimendis moribus potissimè versari, ac tragicos illos affectus, & ut verbo Græco dicam, *πάθος* in horrere; tum vel simplicem esse sine agnitione, & peripetia, ut Plauti *Asinaria*; vel connexam aut sola agnitione, ut *Hecyra* Terenti; aut sola rerum inopinata mutatione, ut *Miles gloriosus*, aut utraque simul ut *Andria*: ac connexam simplici anteponi, & eam fabulam omnium optimam iudicari, quæ ex agnitione & peripetia connectitur. Et licet apud Latinos alia dicantur *motoria*, alia *stataria*, alia *mixta*; & *motoria* *statariis*, & *mixta* omnibus præferantur; tamen, vel *motoria*, vel *stataria*, vel *mixta* Comædia sit, aliquo horum, quæ recēsuimus, fabularum genere contineatur necesse est. Denique  
omnium

*omnium comædiarum exitus trāquillus & incun-  
dus est. Et quāuis sit aliquando turbulentus, non est  
tamen illa sine festiuitate turbatio. De moribus &  
sententia tam alibi satis: de dictione solū hoc di-  
cam; eam neq. ita grādem vt tragica; nec demissam,  
vt mimica, sed temperatā, & suauē esse debere, pu-  
ram, & elegantē, vestitamq. simplici & mediocri  
ornatu: attolli verò cū aut grauior inest persona, aut  
dicentē ira exagitat. quemadmodū Horatius scribit,*

*Interdū tamen & vocem Comœdia tollit,  
Iratúsque Chremes tumido delitigat ore.*

*præterea breuiorem, & magis concisam esse, quā  
Tragædiæ; ac sententias rariores aspergere, easque  
maximè, quæ in cōmunionē vitæ posita sunt, & ad  
vulgarium hominū opinionem accommodatæ, atque  
in frequentiore vsu habitæ. quo in genere prouerbia  
siue adagia censentur. deniq. sonum refugere; ideoq.  
iambicos pedes (nam hoc carminis genere vititur:  
quamquam interdum trochaicū admittit; quod spa-  
tiis æquipollet iambico) dissoluere, & locis paribus,  
quæ tantū iambo & tribracho debētur, vel dacty-  
lum, vel spondeum, vel anapestum collocare, semper  
tamen postremam sedem occupante iambo. Quæ dis-  
solutio pedum à tragædiā neglecta fuit, quia carmi-  
nis grauitatem remitteret; nec à Græcis, qui dili-  
gentissimè carminum leges obseruarunt, sed à La-  
tinis vsurpata vel inertia & desidia, vel ne insur-  
gere ex cōmuni sermone nimium videretur oratio.  
Atque vt dictio rebus, sic apparatus personis conue-  
nire debet. de quo plerique multa scripsere. De me-  
lodia mox dicetur.*

De par-

## De partibus Comœdiæ.

## CAP. XV.

**T**O TIDEM quoque sunt, & eadē partes Comœdiæ, quot & quæ sunt Tragœdiæ, Prologus, Exodus, Episodiū, dempto in noua comœdia Chori-  
co. Prologus (ut dictum est) summam rei explicat: Exodus fabulam dissoluit. inter quæ locus episodius & digressionibus aptus Episodium nominatur. De chorico pauca dicenda sunt, quæ ad comœdiā magis facere videbuntur. Atque Archontes quidā primus comicum chorū in scenam induxisse fertur viginti-quatuor personarum, distinctum in certa paria cōstituta ex quaternis; quæ *ὀρχή* appellantur. Cuius ad scenam accessio *πρόδος* dicta est; quo tempore *προσώδιον* canebat; ingressus verò *εὐσώδιον*; hic causam dicebat, cur adesset. Tum aut stans cantabat, *στάσιμον*; aut narrabat rei euētum; aut statim reuertebatur, & extra exhibat, cui rei nomē erat *μετάστασις*. sin rursum ingrediebatur, *ἐπιπρόδος*; si inde prolixius saltabat, *κόροαξ*; sin præcisius, *κομματίον* vocabatur. Chori μέλος dicitur, in quo loquitur de re ipsa: cū verò à proposita materia orationem ad spectatores conuertit, *παράβασις*. cuius partes septem traduntur, *κομματίον*, *ἀναπαισικα*, *μακρόν*, *στροφὴ*, *ἀντίστροφος*, *ἔπωδος*, siue *ἐπίρρημα*, & *ἀντεπίρρημα*. Est chorus simplex, ubi sine motu, sine parauasi, aut epiirrhemate canit: est compositus ex his: demūm eius è scena deceßio *ἄφοδος* nominatur, quando *ἐξώδιον* modulabatur. Quas leges, cū abolitæ iam sint, malo ex commentariis Aristophanis, & ab aliis scriptoribus peti, quam

quàm à me declarari. Alij alia ratione comœdiam in partes quatuor, quemadmodum & tragœdiam, in Protasim, Epitasim, Catastasim, & Catastrophen distinxerunt: Sed his quoque Prologum seu Prologium adiunxerunt. Verùm his Prologus est ea oratio quæ ante legitimam fabulam ad spectatores habetur: quæ vel poëta commēdatur, vel respondetur aduersariorum obiectionibus, vel argumentum fabulæ exponitur, vel hæc omnia simul aguntur. Vnde prologi quatuor genera statuerunt, συστατικὸν, ut est illud Hecyræ; ἀναστροφικὸν vel ἀναπομπικὸν, ut Andriæ; ὑποθετικὸν, ut Aululariæ; μικτὸν. Et sicut postrema illa verba, Valetē vos, & plaudite, non ab actore aliquo dicuntur, sed apud Plautum à grege, apud Terentium à Calliopio (non enim actores spectatores alloquuntur, ne non quasi seriō agi fabula videatur) non aliter prologus qui ad spectatores confertur, ab ea persona recitatur quæ nullum habet cum fabula negotium. quamquam more suo apud Plautum Mercurius & prologum habet, & magnam fabulæ partem absoluit. Quamobrem iste prologus à Latinis solum usurpatus, à Græcis aut ignoratus, aut neglectus, qui & addi, & demi poëtae arbitrari potest, comœdiæ pars necessaria nullo modo est. Quod si prologum fabulæ partem vis, cur non etiam argumentum facis? totius inquam fabulæ breuem comprehensionem? quod tunc adhibetur, cū neque in prologo, neque in protasi fabula explicatur. Protasis prima, & legitima fabulæ pars est: quæ etsi fabulæ summam exponit, non tamen finem ostendit, ut ex inopinato exitu fabula iucundior ex-

dior existat. Et licet ex argumento rerum ordinem teneas, tamen illa breui indicatione non tam animus expletur, quàm inflammatur. Epitasis est earum rerum quæ in protasi continentur, incrementum. In Catastasi res magis perturbantur. Catastrophe fabulam expedit res in meliorem fortunam commutans. Alij comædiam pariter ac tragædiam in actus quinque distribuerunt: qui non facile discernuntur, ubi nullus est chorus: & illos ait Donatus interdum dedita opera confusos, ne spectator antè exurgeret, quàm aulaea tollerentur. Tu tunc absolutum actum putato, cum actores è scèna ita cecissey creduntur, ut solùm choro canendi locus datus esse videatur. Pro quo tibicen nunc actus interfecat, tum ut spectatores oblectet, tum ut ne quæ cessatio in theatro exorta credatur. Atque interdum mimi inserebantur, & ipsi quandoque actores risus gratia extra fabulam aliquid effundebant, quod episodium suprà diximus appellari. Tibiarum aliæ pæres, aliæ impares, tum dexterae & graues, tum sinistrae & acutæ, sic quibusdam dictæ à lateribus, unde inflarentur. illarum usus est in rebus seriis, harum in iocis, utrarumq. in mixtis. Illis Romani quia essent graues, his barbari quia acutissime, in funeribus utebantur. Et apud veteres quoque dexterarum sonum acutum, sinistrarum grauem fuisse accepimus. Quapropter nonnulli Comædiam in diuerbia, seu scenas, in quibus actores versantur, & cantica distinxerunt: sed cantica cum ad musicam artem tota pertineant, non video qua ratione fabulae partes constituentur. Actus in scenas diuiditur, ac rarissime.

rariſſimè una tantùm ſcena perficitur: quod tragæ-  
 die aliquando contingit. Scena alicuius perſonæ vel  
 diſceſſu, vel aduentu internoſcitur: eiùſque initium  
 quandoque ab omnium, quãdoque ab vnius tantùm  
 perſonæ ingreſſu accipitur; quæ deinde in aliam  
 quampiam perſonam incurrit: ſic etiam aliquando  
 omnium, aliquando vnius ſolùm deceſſione finitur;  
 ita ut ſi tres fuerint, duæ, quæ relinquuntur, ſcenam  
 conſtituant. Quòd verò monent, cum ſint quinque  
 actus, in eodem actu ſingulis perſonis non licere plus  
 quinquies exire, ſi fortè in tragædiis, in quibus &  
 pauciores & grauiores perſonæ ſunt, at certè in co-  
 mædiis minimè obſervatũ eſt. Præterea ſcenarum  
 numerum decẽ, & actorũ quatuordecim fabularum  
 quidam magiſtri & artiſices præſcripſerunt. Sed ne  
 longior in his ſim, quàm res poſtulet, partitiones co-  
 mædiæ paucis inter ſe cõferamus. Protæſis ſine pro-  
 logus iſ, qui legitima comædiæ pars eſt, actu primo,  
 interdũ quoq. ſecundo continetur. epitæſis & cata-  
 ſtaſis facultatè habent epilo-  
 gũ, ac ſecũdo & tertio,  
 aliquando etiã quarto actu cõcluduntur; rarò quin-  
 tum Cataſtaſis attingit. Cataſtrophe, in qua exo-  
 dus eſt, partè quarti; quandoque totum quartum: at  
 quintum ſemper cõplectitur. Et, ut de ſingulis quo-  
 que actibus loquamur, ut intelligantur ea quæ po-  
 tiſſimũ in vnoquoque eorum fieri ſolèt, actus pri-  
 mus argumentum fabulæ exponit; ſecundus res in  
 argumento contentas in actionem deducit; tertius  
 impedimẽta & turbationes affert; quartus modum  
 & viã aperit, quæ res implicitæ diſſoluantur; quin-  
 tus res implicitas artiſicioſè diſſoluit.

Tragœ-



Tragœdia & Comœdia inter se conferuntur; quidque sit Tragicocomœdia explicatur. CAP. XVI.

**E**RGO tragœdia grandiores actiones fingit, & personas; quas tamen sapius ab aliis mutuatur; comœdia vero humiliores; quas ex se comminiscitur. Tum illa sublimi oratione cothurno innititur, hæc attenuato sermone socco ingreditur; illa sententiis grauis, hæc est ridiculis iucunda; illa vehementiores affectus, hæc leniores exprimit; illa mæsto, hæc leto fine concluditur; illa magnatum vitam fugiendam, hæc ciuilem, & priuatam optandam ostendit. Attamen utraque in agendo, non in narrando posita est; atque eundem habet imitandi modum; & eodem temporis spatio terminatur; totidem quoque partibus, iisdemque cõponitur. Quamobrem tragœdia & rerum grauitate, & orationis sublimitate comœdia præstantior est: comœdia vero, ut quæ rationem viuendi magis imitetur, tamquam speculum consuetudinis, & imago veritatis à Cicerone commendatur. Est præterea quoddam genus pœmatis ex utroque mixtum, quod Tragicocomœdiam vocant, est autem ea nihil aliud, quàm comœdia grauiore personas adsciscens, quod Plautus in Amphitruonis prologo videtur significasse illis versibus,

Faciam vt commixta sit Tragicocomœdia.  
 Nam me perpetuò facere, vt sit comœdia,  
 Reges quo veniant, & Dij, non par arbitror.  
 aut est tragœdia, sicut aliqui volunt, quæ exitum  
 I comœdiæ

*comædie iucundum inquam, & tranquillum sortitur. Semper autem finis tragicocomædiae latus est. cuius non sanè alia dabuntur præcepta, quàm ea quæ tradita sunt. An verò ut tragicocomædia, sic etiam fieri possit comicotragædia, quæ miserabilem exitum habeat, si quis ex me querat, quoniam humilium personarum calamitas minus mouet, nec istiusmodi fabulæ vlla exempla cernuntur, non equidem facile affirmauerim. Sed ne cuiuspiam fortè videar rerum nouarum curiosus inuestigator, ad reliqua pœmatum genera quæ supersunt declaranda pergamus.*

IO. AN.



## IO. ANTONII

## VIPERANI

## DE POETICA

## LIB. III.

## De Satyris.

## CAP. I.



**S**ED de Satyra quidem, & Mimo  
dicendum mihi prius videtur, quàm  
reliquorum generum tractationem  
persequar. Nam ad Tragediæ seue-  
ritatem mitigandam introducti sunt  
Satyri, & ad Comædiæ hilaritatem excitandam  
mimi. unde mimus & Satyra profluxerunt. Sanè  
quos Græci Satyros, vel Tityros, vel Silenos, aut  
Panēs, Latini Faunos, Siluanos, atque Incubos ap-  
pellant. Dicti autem Satyri vel (ut Aelianus sen-  
tit) παρὰ τὸ σεσηπέναι, quoniam sunt dicacissimi;  
vel à salacitate, παρὰ τὸ σαΐδν. Sic enim veteres sa-  
lacitatem nuncuparunt. Tityri verò vel (ut idem  
inquit Aelianus) à lasciuiis cantibus & procacita-  
te, quæ Græci vocant τέρψιμα, vel quoniam sa-  
laces sunt, sic dicti à capra, quæ ab Aeolensibus ti-  
tyrus dicitur, nihil est enim capra salacius. At  
Sileni παρὰ τὸ σιλλαίνειν, quod est per iocum mor-  
dere. Verùm Pan quasi rerum vniuersitatem com-  
plectens in similitudinem naturæ formatus est.  
Nam est illi vultus ruber, qualis est æther; &

cornua radiorum loco, quibus inter omnes caelestes ignes solem tantum, & lunam armatam videmus; tum nebris stellata in pectore sidera; pars inferior hispida virgulta, arbores & feras; caprini pedes soliditatem terrae; fistula caelorum harmoniam & concentum; pedum recuruum in se ipsum se conuertentem annum significat. Quos Satyros Plinius tradit animalia esse perniciosissima in subsolanis Indorum montibus (quae regio Cartadulorum dicitur, tum quadrupedes, tum recte currentes humana effigie, propter velocitatem nisi senes aut aegros non capi; eosdemque à veteribus pro Diis siluestribus habitos fuisse; creditos à quibusdam semideos, quod hominibus naturae conditione praestantiores forent, Diis inferiores; quia post longum tempus aliquando morerentur. Et D. Hieronymus B. Antonium eremitam refert vidisse homunculum aduncis naribus, & fronte cornibus aspera; cui extrema corporis in caprarum pedes desinebant: & interrogatum, quisnam esset, respondisse, Mortalis ego sum unus ex accolis eremi, quos vano errore delusa gentilitas Faunos, Satyros, & Incubos appellat. In Dionysii verò, seu Liberi patris, vel Bacchi (idem enim Deus his nominibus notabatur) festis & ludis admiscebantur; quoniam illum per multas regiones lusu & tripudiis comitati fuisse dicerentur. Ac prodibant cum lancibus & canistellis omni genere pomorum plenis; quibus nymphas allicerent: contum etiam gestabant, & thyrsum coniectum hedera, quo incautos occulta cuspide ferirent: atque id generis venabula ferebant,

ferebant, quibus in exercitu Dionysij depugnasse credebantur, *Θυραία διονυσιακὰ* nominata. Eorum ornatus erat ἀμφίμαλλοι χιτῶνες, hoc est, utrimque villosa indumenta: unde velut tacitis ambagibus plantandi artem & conspersionem palmitum denotari existimant: cuius auctorem Bacchum esse testantur. Pellis aut hinnuli erat; quæ quia sine rugis tota corpori asidebat, ἰλᾶν nuncupata est; aut capræ; quam propterea αἰγὴν & τράγην appellarunt. Qui comptiores videri volebant, cernina pelle, vel panthera; qui verò milites Dionysii, militari sago & tunica punicea, induebantur. At Liberi patris vestitus pro ratione personæ diversæ coloris erat, florida lænula, pilosa tunica, puniceum vestimentum.

Quo pacto Satyri primùm in Tragœdiam immissi, deinde exclusi fuerint.

## CAP. II.

TRAGŒDIA ut acerbiter suam & tristitiam hilaritate aliqua & risu temperaret, Satyros induxit; qui ingenio miti, bibaces, illoti, petulantes, dicaces, lascivi & proclives à natura ad libidinem iocis atque facetiis spectatorum tristes animos interdum recrearent, & à seueritate & maestitia ad festiuitatem & iucunditatem traducerent. Atque eo liberius id tunc factum opinor, quoniam argumenta fabularum non erant tunc omnium luctuosa; & fabulae in Liberi festis age-

I 3 bantur;

bantur; quo tempore in omnibus scenis & spectaculis Satyri tamquam numinis illius socij & ministri inferebantur. Nec piget in hanc rem Horatij carmina referre:

Carmine qui tragico vilē certauit ob hircū,  
Mox etiā agrestes Satyros nudauit, & asper  
Incolumi grauitate iocum tētauit, eo quòd  
Illecebris erat, & grata nouitate morandus  
Spectator, functusq. sacris, & potus, & exlex.  
*Quæ quidem actio Satyrica solūm choro constabat,*  
*& per ludum ac iocum canendo Satyri ad pungen-*  
*dum versus quasi aculeos emittebant; quòque ex-*  
*peditiones essent, nudi cum choro saltabant. Qui*  
*ex Tragædia finibus unā cum iocis & salibus (ut*  
*grauissimus testis est Aristoteles) Sophoclus tem-*  
*pore exclusi fuerunt, asserentibus grauissimis ho-*  
*minibus tragædiam dumtaxat heroum calamita-*  
*tes & infortunia recipere debere, quo amplius spe-*  
*ctatores terrore & cōmiseratione permoueat. Quo-*  
*circa neque Satyram tragædiæ partem puta, neque*  
*è Satyra ortam esse tragædiam; sed ad leniendam*  
*asperitatem tragædiæ olim Satyros admissos fuisse.*  
*unde fabulam Satyricam profectam esse existimo.*

### De fabula Satyrica.

#### C A P. I I I.

**Q**VÆ humilior Tragædia est reges & heroas,  
maximè verò è sua maiestate disturbatos, &  
ex magnificis tēplis & vrbibus ad siluas & agros  
ab aduersa fortuna deiectos inducens: qualis est  
apud

apud Euripidem illa (neque enim exemplum aliud extat) quæ Cyclops inscribitur: in qua Vlysses tempestate in Siciliam iactatus, ad siluestres homines, Satyrósque deuenit. Quo in genere Platinas Philiassius apud Græcos primus scripsisse dicitur. Ac sanè fabula Satyrica argumētum perinde ac Tragœdia ut plurimum notum erat ex veteribus monumentis fabulísque desumptum. Satyrica autem personæ ex ipsa appellatione diuersæ, ut refert Pollux, sunt; Satyrus canus, satyrus pubes, satyrus impubes, Silenus Bacchi pædagogus & alumnus; quem asino vehi solitum narrant pœtæ; Pappus, & ex utroque tamquam mulus Pappo-Silenus, fero aspectu atque terribili: qui peruncti (ut quidam volunt) fecibus ora tamquam agrestes homines prodibant in scenam frondeam, arboribus consitam, fontibus amœnam; & circa saltationes, potationes, conuiuia, & dicacitates ipsi mordaces, bibaces, hilares & iocosi versabantur. At sermo purus & simplex sine ulla turpitudine, quæ honestas aures offenderet, satyros decebat, & cum dignitate hilaritas, & sine scurrilitate dicacitas; Heroum verò sermo quadam cum grauitate temperatus, neque ita sublimis, ut nubes captare (etenim fortunæ immutatio dicendi quoque rationem immutat) neque ita demissus, ut è tabernis emigrare videretur: nihilominus heroum & satyrorum mutua colloctione fiebat, ut illorum oratio humilior, horum grauior appareret. Quibus de rebus Horatius,

Verùm ita riores, ita commendare dicaces  
Conueniet Satyros, ita vertere seria ludo;



Ne quicumque Deus, quicumque adhibe-  
bitur heros

Regali conspectus in auro nuper & ostro,  
Migret in obscuras humili sermone taber-  
nas,

Aut dū vitat humū nubes, & inania captet.

*Ac paulò post,~*

Siluis deducti caueant me iudice Fauni,

Ne velut innati triuiis ac pæne forenses

Aut nimium teneris iuuenentur versibus  
vmquam,

Aut immunda crepent ignominiosaq; dicta.

An Comœdia Satyros habuerit.

#### C A P. I I I I.

**E**X qua satyra nonnulli putant veterem Comœ-  
diam productam esse; quidam alij non produ-  
ctam, sed in eam satyros admissos fuisse comice  
procacitati satis opportunos; plerique non in vete-  
rem Comœdiam eos, sed in mediam inductos; ut  
cū nominatim reprehendere vitia non liceret, illa  
satyri clam, & per iocum carperent. Aliqui non  
receptos satyros à Comœdia, sed nouam quandam  
rationem ad delectandum quasitam esse: qua dum  
aliud agere viderentur, Satyrica irrisione improbo-  
rum hominum mores & vitam infectarentur.

Quamobrem Donatum existimo mediam Comœ-  
diam Satyræ nomine appellasse. Nonnulli arbitra-  
tur apud Latinos primum quasdam satyras per-  
breues & ad iocandum & maledicendum compa-  
ratas

*ratas fuisse; post Liuium Andronicum iusta magnitudinis fabulam dedisse. Verum neque ex ullius viri grauis authoritate, neque ex ullo exemplo res nobis liquere potest.*

## De Satyra Latinorum.

### C A P. V.

**S**Ed è scena satyris exclusis Latini tamen eorum Smaledicendi licentiam retinuerunt: qui nouam quandã reprehendendi formam excogitarunt haud nimium ab illa irrisione satyrica discrepantem. Nam sola narratione contenti vel nominatim plectrosque mordebant. Quam libertatem posteriores sibi ademptam fuisse conquesti sunt; quod nomina fingere cogerentur, aut nota & vsitata accipere, in quibus alios reprehenderent. Et cum iambis uterentur primò (siquidem & Lucilij & Varronis satyræ quædam legebantur hoc carminis genere conscriptæ) Lucilius deinde iambos in hexametros versus commutauit; quoniam hoc carmen narrationi satis accommodatum esset. Quam reprehendendi formam ab irrisione satyrica derivatam Satyræ quoque nominarunt: quamuis aliqui à satietate, aliqui à lege satyra, aliqui à saliendo dictam existiment. Hæc satyræ ignorarunt Græci, Latini totam asserunt suam. De qua loquens Quintilianus, satyra, inquit, tota est nostra: in qua primus insignem laudẽ adeptus est Lucilius. Huius autem satyræ proprium est vellicare & pungere, & quod maximè Horatius facit, ridendo rodere. Quamob-

I 5 rem in

rem in satyris Latinis ex veteri comædia iudicium habendum esse plerique senserunt. Amat ironias, siquidem clam, & cum risu mordet: amat argumentorum varietates, nam instar satyri capripedis huc & illuc absque ordine & modo volitando exultat, unde satyram aliqui putauerunt à saliendo dictam fuisse. Hic vberem inuentionem posco, hic frequentes & acutas sententias laudo, hic reprehensionis vim & acrimoniam desidero: placet acumen dicendi, facetiæ, urbanitas. Ardet Iuuenalis, insultat Persius, irridet Horatius. Illi satyras, hic, quasi cum præsentibus loqueretur, sermones, & quasi cum absentibus sermo esset, epistolas inscripsit. Præsertim verò ab omni fæditate rerum & verborum satyricus poëta abesse debet, ne dum animos purgare à sordibus velit, turpioribus maculis inquinet. Atque hic est satyræ finis (nam ad vitam rectè instruendam tota comparata est) à vitiis reprehensionum stimulis absterrere: quos ut equiore animo excipias, iocis & risu illinit. Ideoque Persio abstrusam illam & penitus reconditam eruditionem obiiciunt, qui intelligi minus curauit, dum aliorum mores & vitam ad virtutem & honestatem informaret. Iam satyræ dictio sermoni prior est, tenuis & humilis ac de medio sumpta, puritatem verò seruans, & mollioribus ac remissioribus numeris verba coniungens. In vniuersum satyra puritatem & elegantiam in verbis, acumen in sententiis, in versibus aptam compositionem, in acerbitate iocum retineat. Cuius quidem partes, quæ ad certum numerum diducantur, nullæ sunt. Nam,  
modò

modo aliquid dicat, sus deque decurrit; interdumque insinuatione, qua in animum auditoris commodius penetret; ac saepe abrupto & concitato principio utitur; ut stomacho in initiis commoto acrius deinde peruellat. Et licet abrupta principia sint, ad totius tamen corporis cohaerentiam pertinere debet: semperq; loco exordij aliquid esse necesse est, quod ad ea quae sequuntur, facilem comparet beneuolumq; auditorem. Atque illo principio Horatius,

Qui fit Mæcenus, ut nemo quam sibi sortē  
Seu ratio dederit, seu fors obiecerit, illa

Contentus viuat, laudet diuersa sequentes.  
id proponit, quod, ubi longa exemplorum enumeratione probauit, aptè concludit. Sit ne verò isthac Latinorū satyrā pœsis, cum ad nullā imitationem spectet, ac res varias & diuersas complectatur, e- quidem ipse dubitauerim; nec pluribus repugna- uerim, si secus alij senserint.

## De Mimo. C A P. VI.

Ceterum quod ex Tragædia satyra, hoc est ex Comædia mimos. Nam sublato choro actus tibiis distingui, & interdū actores festiuitatis gratia ridicula quædam iactare cæperunt; quod suprà diximus Episodium vocari; tum mimi inter actus admissi sunt à nimio motu corporis & gestu sic dicti: qui & saltabant, & sordida quædam effingebant, nihilque non imitabantur quo ridiculi fieret. Quæ res cum mirum in modum placuisset, ex suo postmodum artificio extra comædiam laudem quæ-  
rere

rere voluerunt: factumque est poema, quod *Mimum* appellarunt. Quo in genere *Publius* quidam, & *Laberius* excelluerunt. Porro *mimica* personae sunt è foro, è tabernis, ex angiportis canpones, coqui, meretriculae, & id genus aliae, quae res vilissimas, & varias imitantur: dictaeque sunt *planipedes* (ut antè docuimus) quòd nudis pedibus incederent. Tradunt nonnulli *mimos* fuligine tinctos & agninis pellibus amictos canistros gestare serpyllo, violis, hedera atque aliis floribus plenos, & ad numerum saltare, & procurentes obuium quemque subsannare solitos fuisse; atque *Ithyphallus*, de quibus antea dictum est, simillimos. Est igitur *mimus* ridiculae poësis ad excitandum risum quoduis genus imitans actionis. Sed egimus de his sanè pluribus quàm necesse esset: quoniam illorum cognitio satis obscura, parumque ad rem ullam utilis est.

### De Bucolica poësi.

#### C A P. VII.

**A** Credit Bucolica poësis, rusticana quaedam comædia: siquidè personae humiles utraq; confingit, sed elegantiores Comædia, quae urbanae vitae imaginem & similitudinè depingit: rudiores Bucolica, quae rusticos homines & agrestes imitatur. Ad hæc agèdo est comædiae quandoque consimilis; cum pastores in scenam, quae ex frondibus fiebat, agentes & dicentes inducit: ubi adest interdum persona poëtae vel principij tamquam prologus, vel finis loco: velut ille *Calliopi* apud *Terentium*; qui postremis illis

illis verbis *Valete vos, & plaudite*, actam esse fabulam denuntiat. Atque aliquando ex poetæ persona cuncta enarrantur. Nonnumquam etiam mixtum quoddam sit ex actiuo & narratio genus. Narratiue est,

Prima Syracusio dignata est ludere versu.

*Actiu,*

Tityre tu patulę recubans sub tegmine fagi.

*Mixti,*

Pastorum musam Damonis & Alpheſibœi.

Quibus imitandi modis aliquā cum cæteris poetica generibus similitudinem & cognationem habet. Eius tamen origo incerta est. Nam aliqui Apollinem nomium, quando pavit Admeti regis armenta; aliqui Mercurium, cum pastor fuit; nonnulli eius filium Lauretum; quidam Pana, quem eundem pastorum Deum, & principem habent, bucolici carminis inuentorem existimant; quod Virgilius quoque videtur sensisse, dum inquit,

Pan prius calamos cera coniungere plures  
Instituit.

Sunt qui repertum opinentur eo tempore quo Xerxes Græciam inuasit. Tunc enim in siluis & montibus, quibus se metu abdiderant, Lacones rustici inceperunt de Diana Caryatide à Laconia vico Caria sic dicta versus canere; cuius sacra intermissa iam fuerant quæ à virginibus fieri consueuerat. Cōtrā aliqui longè antè asserūt: & quoniam lingua dumtaxat Dorica scriptum est, vel in Peloponneso, vel in Sicilia inuētum confirmant. Quin immo Siculi ut Comædiam, sic etiam bucolicam sibi vindicant, fe-

cant, feruntque Orestem à Scythia Dianæ signum  
 secum deferentem in Siciliam tempestate fuisse de-  
 latum, & in pago quem Tyndaridem vocant, il-  
 lud collocasse, nautisque simul & pastoribus con-  
 uocatis festum diem instituisse, quo Deæ laudes  
 carminibus celebrarent; eandemq; consuetudinem  
 rusticis hominibus deinde permansisse. Alij pro-  
 dunt ante Hieronem, cum insula graui morbo la-  
 boraret, ad leniendam iram celestium ludos fuisse  
 per agros institutos, quò liberioris & purioris æ-  
 ris gratia sese contulerant. Dianam verò postmo-  
 dum Luam appellatam, quòd morbum luisset. Alij  
 Syracusis intestinis odiis pene diuulsis, & à mutua  
 cæde sobole viduatis decretum fuisse, ut Dianæ nu-  
 men tamquam huius mali causa placaretur: quam  
 agrestes homines donis & cantilenis mitigarunt,  
 atque inde Lyam ἀπὸ τῆς λύειν vocauerunt. Alij  
 non Luam, sed Phaselim nominatam docent, atque  
 hoc nomen in Siciliam ab Antiphemo importatum:  
 quamquam signum illud Dianæ, quod attulit Ore-  
 stes, hoc nomen habuisse legi apud nonnullos. Is por-  
 rò Antiphemus in Siciliam coloniam deduxit,  
 ac Gelam urbem edificauit, & Dianæ ludos insti-  
 tuit, quam in Mopsi memoriam, cuius frequens sit  
 in carmine pastorali mentio, Phaselim iussit appel-  
 lari. Nam Mopsus à Lario Argiuo Antiphemi  
 fratre in montosam Colophoniorum regionem dux  
 colonie missus oppidum illic condiderat, cui nomen  
 Phaselis imposuerat. Verumtamen à pestilentie se-  
 datione bucolicum carmen profectum videri potest  
 ex his quæ victor aliis precabatur. Nam inter se  
 primum



primum certabant coronati, aut sedentes, aut stantes, aut gregem ducentes cum pedo, & pera omnibus seminibus referta: tum victor victori panem, peram, utrem aufererat (nam pro vasis, capris, iuuentis certare posterorum fuit opulentiae) mox libatione facta Musis ex utere Syracusas ingrediebatur, cuiumque limina & frugibus, & vino cum hoc cantu aspergebat, δέξαι τὰν ἀγαθὰν τύχην, δέξαι ὑγίαν, τὰν φέρομεν παρὰ τῷ θεῷ, τὰν ἐκ ἀλέσσοτο τήνᾳ. Postmodum res in artem, & questum transiit: dictique sunt βουκολισαί, siue ludiones, aut λυδιασαί. Inter quos ea tempestate Daphnis longè excelluit: cuius interitum pastores veluti sui principis funus magnificè honestarunt. Scripsit autem hoc carmine primus omnium Moschus, quem longo post intervallo secutus Theocritus Syracusanus superavit. Sed & Stesichorus Hymenaeus primus fertur Eclogas scripsisse nactus materiam ex fabula Daphnidis Mercurij filij, quem oculis orbatum memorant ob violatam fidem quam Nymphae dederat. Adeò res varia, & obscura est, ut quid sequamur incerti simus. Inter Latinos unum tantum Virgilium habemus, quem liceat imitari. Argumenta, & personae sumuntur in hoc genere ex agris & silvis; cui potissimum à pastoribus nomen inditum est; cum etiam aratores, vinitores, olitorésque recipiat; quòd otio praeceteris abundantes cantilenis operam dare commodius possint. Sannazarus piscatores eduxit: quam rem aliqui minus probant. Genus enim hominum istud est malitiosum, & callidum, & confidens astutia: bucolico  
autem

autem carmine rudis, & agrestis vita exprimitur. Atque à diuersis generibus pastionum diuersa quoque nomina deducta sunt, nam ποιμνικά ab ouibus, à capris αἰπόλια, à suis συβώτια, & à bobus βουκολικά, quod animal quia maximum est, & pastoribus utilissimum, bucolicum carmen nomen est effectum commune & generale. Equorum verò mentionem Græci nullam fecere. Theocritus sua carmina Idyllia diminutiuo nomine vel ob breuitatem, vel ob rei humilitatem, παρὰ τὰ ἴδιον, ut volunt, καὶ τὰς ἰδέας ab imagine quam imitatio representat, inscripsit. At lectissima quæque, & maximè concinna ἐκλογαὶ appellantur. Materia multiplex, vota, gratulationes, laudationes, obsecrationes, altercationes, cohortationes, pollicitationes, conqueſtiones, gaudia, pompæ, cantus, hilaritates, ioci, & amores: omniâque videri debent ex agris nata, aut educata in agris. Instrumētum verò Musicum à sibilo Græci σύριγγα, ab hiatu Latini fistulam nominarunt; Panis inuētum; quæ aut ex arundine, aut ex cicuta fit. Cicutam dico fruticem, cuius caulem vacuum docent, aut qui leuissima opera potest vacuus fieri. Ac primò quidem una dumtaxat canna constabat, mox altera adiuncta, tandem cæra, vel limbo septem compactæ fuerunt magnitudine impares inter se in alæ similitudinem formatae, sed proportionē pares. quam pœta pulchrè descripsit.

Est mihi disparibus septem cōpacta cicutis  
Fistula.

At verò cantio vel est μονοπρόσωπος cūm vnus cantat, vel respondens. quæ cantio respondens, si  
certam

certam habet legem carminum, & numerū, à quo-  
 Ecce nuncupatur (quamquam à μῆτρος δαί apud  
 Homerum est simpliciter respondere) sin legem nul-  
 lam & numerum seruat, proprio nomine caret.  
 Carmen autem hexametrum bucolici vsurparunt,  
 quia narrationi aptissimum esset; nec satis ineptum  
 actioni, si non insurgat, & longiores orationis am-  
 bitus non requirat; ac praesertim cantilenis suis  
 valde accommodatum. In quo illud maximè com-  
 mendant, si prima & quarta sedes aliqua parte  
 orationis terminetur; maximè verò si dactylo pede  
 finiatur: quale illud est,

Tityre pascentes à flumine reiice capellas.  
 Quam legem Theocritus diligenter obseruauit;  
 Virgilius non ita secutus est. Nec puta alia ver-  
 suum genera licere admisceri; quandoquidem à  
 Virgilio nusquam id factum reperias: & Theocri-  
 tus solū pentametrum hexametro, illudq; & ra-  
 rō, & tantū in pastorum cantilenis adnexuit.

Quid Bucolica poësis, & quæ eius,  
 & quot partes sint.

## CAP. VIII.

ERGO sic rectè finietur Bucolica poësis, rusti-  
 carum actionum imitatio. In qua primum vel-  
 ut in Comædia spectanda sunt Fabula, mores, sen-  
 tentia, dictio; nam cantus qui fit ad fistulam, non  
 semper adhibetur, nisi cū pastores cantantes in-  
 ducuntur; & apparatus qui ex arboribus & siluis  
 K. construi-

construitur, nullo ferè ingenio & artificio pœta indiget. Atque in fingenda fabula eadem præcepta seruentur quæ superius tradita sunt, ut simplex & una sit, licet digressiones admittat, sicuti apud Virgilium Melibæus Tityri vicem extollens suam deplorat. Sed eam nonnulli existimant à λανυοπιρῶς fingi oportere, ut aliud dicat, aliud intelligat, quemadmodum in Tityro Virgilium, eundemque in Corydone, & in Alexi Augustum intelligi volunt. quod sapere rectè, opportunè & ingeniosè fieri potest; sed fieri semper debere negamus. Neque enim à summis illis pœtis, à quibus exempla petenda sunt, hoc semper obseruatum videmus; & ambitiosa nimis & religiosa præceptio est. Illud iam præceptum est, ut nomina rebus apta fingamus, aut à bonis auctoribus ficta mutuemur. De moribus, & sententia dictum est alibi satis. Dictio pura erit, & demissa sine sententiarum acumine & grauitate, sine verborum splendore & ornamentis: quæ humilibus rebus conueniat. Cuius dictionis simplicitas Dorica lingua propria videtur, sicut Attica sermonis elegantia. Virgilius tamen laudatam illam Theocriti simplicitatem aut noluit assequi, aut certè non potuit, seu quòd ingenio natus fuit ad grauiora, seu quòd Romanus sermo tantam humilitatem ferre non poterat. Nam quandoque sese attollit, atque inflat vehementius tum in rebus, tum in verbis, quamquam interdum aliquæ cum præmunitione, ut

Sicelides Musæ paulo maiora canamus.

& sub-

& sublimiora dicturus è Sileni persona prudenter locutus est, qui recondita sapientia Deus habebatur. Itaque in silvis grandiore sono concinuit: & rusticam tenuitatem apta gravitate ita quibusdam temperasse videtur, ut Theocrito, cui ab omnibus prima deferuntur, pulchriorem, & iucundiorē prædicet. Iam bucolicam nescio qui in eclogas, tamquam actum in scenas partiuntur, nec pluribus quàm decem eclogis constare posse aiunt, quoniam is numerus scenarum unicuique actui præscriptus est. At iste bucolicus actus quàm erit multiplex & deformis, ex tot variis & dissimilibus actionibus compositus? Et magnos illos poëtas certum est ita scripsisse prout sese offerebat occasio. Ego duas partes huius poëmatis cōstitui posse arbitror, Principium, & Narrationem. Nam in omni re aliquod debet esse principium, aut aliquid principij loco: reliqua narratione continebuntur, ni velis aliquid interdum in epilogi loco ponere.

De Melico poëmate, siue lyrico.

C A P. I X,

**R**ESTAT nobis ultimum genus poëtica, quod Melicum, siue lyricum appellauimus. Nam licet melicū id dicatur, quod est ad cantilenas aptum (siquidem μέλος Græca vox, ex qua melicum deducitur, cantum significat; & omnes poëtae, quasi cantores, ab hac vocis deductione melici vocati sunt; immò etiam ars ipsa poëtica ex carminis suauitate

dicta est melica) tamen quod ad fidium & tibia-  
rum modulationem maximè aptum est, hoc præser-  
tim nomine signatur. quale in primis dithyrambi-  
corum & lyricorum carmen est. Tum etiam à lyra  
præstantia, cuius inuentionem ad Apollinem re-  
ferunt, lyricum nomen effectum est commune, cu-  
ius significatio erat prior. Atque à cantu Græ-  
cè μέλος, siue ᾠδὴ; à Latinis carmen; & à rerum  
imagine εἶδν, unde Idyllium; & à laudatione ac  
votis ὕμνος dicitur. Ac quidem primò iambicis  
versibus & epicis constabat. nam hymnos epico  
carmine ab Orpheo & Homero scriptos legimus,  
quī ad citharam canebantur. sed lyricus Alcman  
e canticis hexametros sustulit: cūque simplex es-  
set, cæpit deinde maioris voluptatis & suauitatis  
gratia multiplici adedò dissimilitudine numerorum,  
& conformatione pedum variari, ut infinitas pro-  
pè formas induerit. Quas formas Grammatici  
pluribus verbis exponunt. Inuentum autem fuisse  
ad Deorum, Heroum, & virorum preces  
& laudes celebrandum antea diximus: unde Pin-  
darus,

ἀναξιφόρμιγγες ὕμνοι  
τῖνα θεὸν, τιν' ἥρωα,  
τῖνα δ' ἄνδρα κελαδῆσομεν;

quem imitatus Horatius,

Quem virum, aut heroa lyra, vel acri  
Tibia sumis celebrare Clio,  
Quem Deum, cuius recinet iocosa  
Nomen imago?

verum

*verum latius vires suas dilatando postmodum ad  
amores, compotationes, lususque defluxit. Hinc  
Horatius,*

Musa dedit fidibus diuos, puerosque Deo-  
rum,

Et pugilem victorem, & equum certamine  
primum,

Et iuuenum curas, & libera vina referre.

*Quid autem ipse maximè posset, quidue potius se-  
queretur, scribens ad Agrippam ostendit,*

Nos conuiuia, nos prælia virginum

Seclis in iuuenes vnguibus acrium

Cantamus vacui, siue quid vrimur

Non præter solitum leues.

*In vniuersum quæcumque lyricis numeris colli-  
gari, & breui poemate concludi possunt, videntur  
in lyricam materiam posse cadere.*

An vlla sit in lyrico imitatio: quòtue  
lyrici poematis partes sint.

#### C A P. X.

**A**T videtur quibusdam nullam esse lyricam  
poësim, quoniam in ea nulla est humanarum  
actionum imitatio: contra aliis videtur satis illam  
imitari, dum hominum mores & affectus expri-  
mit; & quamuis interdum vera pronuntiet, ta-  
men in singularibus personis, non secus atque Epo-  
pæiam, & Tragædiam, actiones effingere vniuer-  
sales.



*sales. Sed rogo liceátne sine imitatione vel pœtam chori personam gerere, vel chorũ pœta? aut rhythmo & cantu eundem chorum absque imitatione uti? Nec præterea, si grauem aliquam actionem imitetur, à Tragœdia & Epopœia non differet; nec si humilem & iocosam effingat, à Comœdia nihilo distabit. Nam vel hoc vno ab aliis distinguitur, quòd cum versu cantum simul & saltationem adhibet; alia verò genera vel nullum motum & cantum habent, ut Epopœia, vel diuersis in locis adhibent, ut Tragœdia, atque Comœdia. Tum modò solam pœta personam induit, quæ in Comœdia & Tragœdia nusquam est; modò alias tantum habet, quod Epopœia non licet; modò & pœta & aliorum personas, quemadmodum epopœia, completitur. Ac quoniam ad laudationes & amplificationes quæsita est, amatque hilaritatem atque licentiam, digressiones illi & plures & liberiores conceduntur. Exemplo Pindarus esse potest, qui in amœniora sæpe loca vagatur. Quare dictionem pingit & expolit, ac verborum & sententiarum leporibus aspergit, multisque ornamentis, & coloribus illustrat. Ceterum principia habet libera, deducitque vnde vult, producitque ut lubet, ac suo arbitratu corripit. Pindarus ferè semper in suis canticis præludit, & sæpe satis longo principio utitur, & interdum alius initia repetit: non tam frequens est in exordiis Horatius, quæ etiam breuiora componit. Quidam aiunt non singulorum canticorum faciendâ initia, sed totius operis: quod probant*

bant Horatij exemplo, qui ceteris odis illam præposuit,

Mæcenas atavis edite regibus.

At quæso illæ,

Quem virum, aut heroa, lyra, vel acri,  
&

Descende cælo, & dic agè tibia.

(ne longior sim multitudine exemplarum) nōne suis initis constant? Mox singula per se cantica singula pœta opera efficiūt: aut quem numerum canticorum illi præscripseris? aut quam inter illa similitudinem servare iusseris? Verūm Horatius cū multa simul cantica congregasset, primam illam oden quasi prologum præposuit, & illa,

Exegi monumentum ære perennius,  
quasi exodo libros conclusit. Idēque postea rogatus ab Augusto prioribus tribus libris quartum adiecit, atque Epodon appellavit, quoniam post alios protulisset. Nam Epodos id est, quod post alias cantilenas & hymnos accinitur. At verò Narratio, quam ἐπὶ ἱστορίᾳ vocant, nulla lege prohibetur ne res gestas multorum annorum complectatur: verūm eo laudabilior fueris, quo res brevius perstrinxerit, & ornauerit copiosius. Illa quoque magna virtus est narrationis, vim rerum, & canentis affectum exprimere. Postremò multa sententiarum copia augeri, variis verborum floribus illustrari, multis rerum ornamentis vestiri debet.

## De Choro lyrico.

## CAP. XI.

**Q**UOD carmen in aliqua celebritate vel communi, vel priuata ad lyram canebatur à choro, qui è quinquaginta iuuenibus iugenuis constabat; & in Cereris sacris è feminis, in Iunonis è matronis, in ludis secularibus è virginibus & pueris: illas castas, hos lectos vocauit Horatius. Donabatur autem tauro; unde lyrici poëta ταυρόφαγοι appellati sunt. Sed hoc nomine Dithyrambicos solum appellari volunt nonnulli; iuuentam verò lyrico victori fuisse propositam, quæ & immolabatur. Subinde chorus saltando ingrediebatur, interdumque reuersus egrediebatur; deinde in foueam sese referens orbem repetebat; postremo exodium canens abibat. Aliter apud Græcos; primum à dextera ad sinistram saltabat, imitatus supremi celi reuolutionem, quod ab oriente in occidentem conuertitur; quæ saltatio à Græcis ἑποφῆ dicta est, nos appellemus conuersionem: tum à sinistra in dexteram reuertebatur, sicut reliquorum siderum orbis ab occidente in orientem dissimili motu atque supremum illud calum conuoluuntur, ἀντίῃ ποφῶν Græci vocant, nos reuersionem; quæ totidem versibus, iisdemque quot quibusque strophe conficiebatur: postremo stabat. hæc quies ἐπαφῶς fuit nominata, alia versuum genera, quàm strophe, & plura, vel pauciora recipiens: qua quiete  
firmitas

*firmitas terra notabatur. Ea enim in media mundi sede collocata non mouetur. Quòd si ode plures conuerfiones atque Epodos habuiffet, fequentes praece-  
dentium rationem feruare tenebantur. Non igitur poëta lyricus agentem quemquam inducit, fed tan-  
tùm choro perfonam fuam imponit.*

## De Dithyrambico.

## CAP. XII.

**A**C fanè lyrici poëmatis plura genera tradun-  
tur, Hymni, qui in Deorum laudes ad aras  
canebantur, Paanes, & ipfi Diis dicati in commu-  
ni latitia, & gratulatione ob victoriam partam in  
prælio; Epinicia, quibus victores in certaminibus  
celebrabatur, cuiusmodi sunt Pindari omnia; Epi-  
pompeutica, quæ in pompis cantari solebant, quale  
eft carmen feulare; Scholia, quæ in conuiujs lau-  
ro vel myrto coronati cantitabant, virorum for-  
tium laudes, & communes ſententias habentia,  
quibus ad virtutem alios inflammarent: ne alia ge-  
nera commemorem, quæ ſub melicam rationem ab  
alijs coguntur. Ad quam etiam Dithyrambicum  
referrem, niſi Cicero ſeparaffet: cuius tamen natu-  
ram inueſtigare difficilius eſt, quia nullum eius  
extat neque exemplum, neque præceptum. mirorq;  
eum qui negat Latinos hoc genus habuiſſe, quòd  
Cicero ſcripſit magis tractatum à Latinis. Ait ta-  
men Tzetzes Dithyrambicos eoſdem eſſe cum lyri-  
cis, verùm aliquanto & rebus & verbis grandio-

res; & à Baccho nomen desumpsisse, cuius facta & mores imitabantur: siquidem ille bis natus, semel è Semele, iterum ex femore Iouis, quasi δὲς Δύραξ ἀπαύτων, vel ἀμα ἰών, aut à Nympharum acclamatione parturienti Iouis coxæ λύθι ῥάμμα solue futuram, mutata liquida, διΔύραμβος dictus est. Horum carmen multiplex & varium fuit, numerusque pro libidine incertus, sine vlla conuersione, non absimilis à numero Scholiorum, & Peanum. Quapropter illos lege solutos appellarunt. Dictio verò grauis, exultans, tumida, plena Baccho, & in componendis vocibus, producendisque sententiis audax, iactans ampullas, & sesquipedalia verba. Idcirco audacem dithyrambum Horatius, & μῆξιόβων Aeschylus vocauit. Hoc carmen chorus Bacchum motu & cantu imitatus ad tibias canebat: quippe quæ imitationi aptissimæ essent; quæq. acriorem sonum & vehementiorem funderent. Motus enim erat Phrygius vi suâ concitatissimus, bacchantum maximè proprius; qui furore quodā in diuersa rapiebantur: Polyxenūmque tentasse τῇ δ' ὥπῃ δὲ harmoniæ Dithyrambum accommodare, raptumq. ab eius natura in Φρυγίῃ refert Aristoteles. Quam saltationem à Corinthiis primum inuētam & institutam fuisse Pindarus testatur illis verbis loquens de Corintho,

Τὰ δὲ Διονύσει πότεν ἐξέφανε  
 Σὺν βονλάτῃ χάριτις  
 Διθυράμβῳ.

Agentem verò boues Dithyrambum appellat, quoniam

niam premium quod Dithyrambis dabatur, bos erat; quamquam aliqui tripoda fuisse affirmant. In hoc genere Ion Chius, cuius nomine dialogum inscripsit Plato, plurimum se exercuit: verum eius versus ut ambitiosos Aristophanes carpit. Hæc habui quæ de Dithyrambico dicerem. reliqua genera poëtices quæ alij recensent, prudens omitto: quoniam aut nullis imitandi præceptionibus continentur, aut illis quæ traditæ sunt rectè conformari possunt: & qui prima, & difficiliora genera didicerit, reliqua minus difficilia, aut similia commodè, & sine periculo persequetur.

F I N I S.



# HENDECASYLLABVM

DAMASI HEYMANNI

AD LECTORES.

*HVC, quotquot pariter seueriores  
Musarum colitis choros sacrarum,  
Et quotquot petitis suauiora,  
Parnassi iuga montis experiri,  
Aut pulchrè Tragico indui cothurno,  
Aut socco decorarier reiecto:  
Candore hunc legite inclyto libellum  
Quem dat Musa viri magis benigna:  
Qui quo plus studio beatiore  
Fructus afferat, hoc magis decebit  
Cunctis carior esse, gratiorque.*



## APPROBATIO.

Libellus iste De poëtica tractans à me infrà scripto perlectus fuit, neque in eo quicquam deprehendi quod eum euulgari prohibeat : quod attestor

*Walterus vander Steeghen S. Theol.  
Licentiatus, & Ecclesiae Antuerpiensis  
Canonicus, ad librorum  
examen deputatus.*







